

Ulloq: 18. januar 2022
Allaffik: Nordatlantkontoret
Suliarinn.: Amanda Alberte Heino Stilling
Suliaq nr.: 2019-490-0140
Dok.: 1937202

Missingiut uunga

Siunnersuut

uunga

Kalaallit Nunaanni eqqartuussisarnermik inatsisip aamma naalagaaffimmi tjenestemandit Kalaallit Nunaanniittut pillugit inatsisip allangortinneqarnissaannik inatsit

(Pinerluttulerinermi eqqartuussisarnermi digitalimik attaveqaatinik atuineq, suliassat nassuernertut suliarineqartut, najuutinngitsoornermi eqqartuussutit, eqqartuussisut aamma najukkami eqqartuussisut tunuartussaataaerannut ukioritinneqartut il. il.)

§ 1

Kalaallit Nunaanni eqqartuussisarnermik inatsimmi, tak. inatsimmut nalunaarut nr. 1581, 13. december 2016-imeersoq, kingullermik inatsimmi nr. 1056, 30. juni 2020-meersumi § 2-kkut allangortinneqartoq, makkuninnga allannguisoqassaaq:

1. § 44, stk. 1-mi, »imm. 2 aamma 3« allangortinneqassaaq imaalillugu: »imm. 2-4«.

2. § 44-mi imm. 4-tut ikkunneqassaaq:

»Imm. 4. Pinerlunnernik suliassani § 449 a malillugu saqqummiunneqartuni eqqartuussisooqataasartut peqataassanngillat.«

3. § 50, imm. 1, pkt. 2.-mi, aamma imm. 2, pkt. 2.-mi, »suliassat nassuernertut suliarineqartut« allangortinneqassaaq imaalillugu: »§ 449 a malillugu,«

4. § 94, imm. 5-imi »§ 147 e aamma § 147 f, imm. 2,« allanngortinneqassaaq imaalillugu: »§ 147 e, § 147 f, imm. 2, aamma § 147 g«

5. § 128-p kingorna kapitali 10-mi ikkunneqassaaq:

»Digitalimik attaveqarneq

§ 128 a. Pinerluttulerinermi eqqartuussisarnerni allaganngortitsinissamik piumasaqaat digitalimik attaveqatigiinnissamik imaluunniit allagaatinik digitalinik il. il. atuinissamik ajornartitsinngilaq.

Imm. 2. Malittarisassat atsiortoqarnissaanik piumasaqaatitallit ajornartitsinngillat nalunaarutit digitalimik allakkatut nassiunneqarnissaannut, nalunaarutit digitalimik atsiorneqarsimappata.

Imm. 3. Nalunaarut digitalimik attaveqatigiinnikkut nassiunneqartoq, apuussimasutut isigineqassaaq tiguisussamit tiguneqarsinnaanngorsimappat.«

6. § 283, imm. 1-imi »§ 448 c« allanngortinneqassaaq imaalillugu: »§ 448 f aamma § 448 h«.

7. § 283, imm. 2-mi »§ 448 f« allanngortinneqassaaq imaalillugu: »§ 448 g«.

8. § 321, imm. 1, nr. 3-mi »annaaneqarnerannik.« allanngortinneqassaaq imaalillugu: »annaaneqarnerannik,«

9. § 321, imm. 1-imi nr. 4-tut ikkunneqassaaq:

»4) Suliaq § 453, imm. 3, nr. 4 malillugu ingerlanneqassaaq, aamma isertitsivimmiittussanngortitsisinnaaneq apeqqutaalissaaq.«

10. § 440-p siorna qulequtaq peerneqassaaq.

11. § 440 peerneqassaaq.

12. § 449-mi § 450-ip qulequtaata siorna ikkunneqassaaq:

»Suliassat nassuernertut suliarineqartut

§ 449 a. Eqqartuussinermi eqqartuussisooqataasartut peqataaffigisassaraluanni § 357 imaluunniit § 447 malillugu imaluunniit § 472 malillugu isumaqatigiinniarnermi pingaarnermi pasisaq nangaassuteqarani nassuerpat, suliaq erngertumik eqqartuussinissanngortinneqarsinnaavoq, allakkamik unnerluussummik suliaqartoqaqaarani, imaattoqarpat

1) paasissutissat pigineqartut tunngavigalugit unnerluussummut nassuernerup ilumoortuunera uppersarneqarpat,

2) pasisaq aamma unnerluussisuuq akuersaarpat,

- 3) eqqartuussutissamik isumaqatigiinniarnertaqanngitsumik suliap aalajangiiffiginissaa eqqartuussiviup ippinnartoqartinngippagu aamma
- 4) pinerluttulerinermi inatsimmi kapitali 33-p aamma 34-p atorneqarnissaanut apeqquteqaateqartoqanngippat.

Imm. 2. Eqqartuussivik eqqartuussummik nalunaaruteqartinnani, pasisaq unnerluussutip imarisaanik ilisimateqaarneqassaaq, aammalu oqaaseqarnissaminut periarfissinneqassaaq. Paasissutissanik annertunerusunik pissarsinissaq pisariaqartinneqarpat, tamanna kapitali 34-mi malittarisassat malillugit ingerlanneqassaaq, aammalu pasisaq periarfissinneqassaaq paasissu-tissat pineqartut pillugit oqaaseqarnissamut.

Imm. 3. Eqqartuussivimmiinnermi pasisaq tigusarineqarsimappat imaluunniit tigummigallassanngortinneqarsimappat, illersuisuata § 321, imm. 1, nr. 1, malillugu toqqarneqarsimasup, suliaq pillugu paasisaqarnissamut, pasisarlu oqaloqatigiinnissamut aammalu oqaaseqarnissamut periarfissinneqassaaq, pasisap imm. 1, nr. 2, malillugu akuersissuteqannginnerani. Pasisap akuersissuteqarnerani illersuisoq eqqartuussivimmi najuutissaaq.

Imm. 4. Eqqartuussinerup nalaani pasisaq tigusarineqarsimanngippat imaluunniit tigummigallassanngortinneqarsimanngippat, neqeroorfigineqassaaq illersuisusaaanik toqqaasoqarnissaanut, pineqartup imm. 1, nr. 2, malillugu akuersissuteqannginnerani. Pasisap kissaateqarnera malillugu illersuisussamik toqqaasoqanngippat, imm. 3 assinganik atuutissaaq.

Imm. 5. Eqqartuussutip nalunaarutigineqarnera eqqartuussutinut allanut malittarisassat atuuttut malillugit nalunaarutigineqassaaq, pinerluttulerinermi suliani najukkami eqqartuussivimmi nalunaarutigineqartunut.

Imm. 6. Suliaq § 301, imm. 1, nr. 2-mi pineqartoq, suliaq nassuernertut suliarineqarsinnaanngilaq.

Imm. 7. Pasisap aamma unnerluussisussaataasut pineqartumut unnerluussutaasoq akuersaagaat eqqartuussiviup allattuiffianut nalunaarsorneqassaaq. Pasisaq illersuisussamik toqqaasoqannginnissaa kissaatigippagu, tak. imm. 4, tamanna aamma eqqartuussiviup allattuiffianut nalunaarsorneqas-saaq.

Imm. 8. Eqqartuussiviup aalajangersinnaavaa, pasisaq imm. 1 malillugu alimasissumik assitalimmik eqqartuussinermut peqataassasoq, pasisap eqqartuussivimmi najuulluni peqataanissaa pisariaqanngippat. Eqqartuussinermi illersuisoq pasisap najuuffigisaani peqataassaaq, imaassimanngippat eqqartuussiviup eqqortuusorinngikkaa illersuisup eqqartuussivimmi peqataanissaa. Pasisap aamma illersuisup eqqartuussivimmi peqataanerannut §§ 128 aamma 163 aamma atuupput. § 466, imm. 2 assinganik atuutissaaq.

§ 449 b. Suliani unioqquutitsisoqarsimanera pissutigalugu suliani, ilimagineqanngitsuni akiliisitaanermik imaluunniit arsaagaanermik kinguneqartussatut, unnerluussisussaataasut akiliisitaanermut tunngatillugu pasisamut nalunaarutigisinnaavaat suliaq eqqartuussinertaqanngitsumik aalajangiiffigineqassasoq, pasisaq unioqquutitsinermi pisuusutut nassuerpat aammalu akiliisitsissutigineqartussamut piffissarititaasup iluani akiliinissamut akuersarpat aammalu arsaagaasinnaanermut. Noqqaassuteqartoqarneratigut piffissarititaasoq unnerluussisussaataasuniit sivitsorneqarsinnaavoq.

Imm. 2. § 437, imm. 2, nr. 1-imi aamma 2-mi, aamma imm. 3-mi, allakkap unnerluussuttip imarisasaanut piumasaaqatinut malittarisassat akiliisitaanernut assinganik atuutissapput.

Imm. 3. Pasisap 18-it ataallugit ukiullip inatsimmik unioqqutitsinermut atatillugu angajoqqaatut oqartussaasoq akuersiteqqaarnagu akiliisitaanissamut akuersaarsinnaavoq.

Imm. 4. Pasisap akiliisitaanissaq akuersaarpagu, malitsigisaasutut malersuinissaq atorunnaassaaq, taamaattoq tak. § 315, imm. 1, aamma § 449 c, imm. 2. Aalajangiineq eqqartuussutitut nangeqqinneqarsinnaavoq.

§ 449 c. Pasisaq inatsimmik unioqqutitsinermut atatillugu akiliisitaasimappat aamma arsaagaasimappat, tak. § 449 b, taamanna ajornartitsinngilaq noqqaassuteqartoqarneratigut unnerluussisussaataasut pisinnaasut akiligassap appartinnissaanut pasisap isertitakippallaarnera pissutigalugu.

Imm. 2. Pisumi imm. 1-imi taaneqartumi, aalajangiinnermiit ullut 14-it qaangiutsinnagit pasisap aalajangiineq politiinut nalunaaruteqarnikkut utertissinnaavaa. Pasisaq 18-it ataallugit ukioqarpat, angajoqqaatut oqartussaasup aalajangiineq utertissinnaavaa.

Imm. 3. Politiit pasisap imm. 1-imi aamma 2-mi malittarisassat pillugit ilitersussavaat. Pasisaq 18-it ataallugit ukioqarpat, politiit angajoqqaatut oqartussaasoq aamma imm. 1-imi aamma 2-mi malittarisassat pillugit ilitersussavaat.

Imm. 4. Justitsministeri imm. 3 malillugu ilitersuinermut malittarisassanik aalajangersaasinnaavoq.«

13. § 452, imm. 2, pkt. 1-imi, »-sinnaavoq«-miit: »-saaq«-mut allanngortinneqassaaq.

14. § 453, imm. 3 aamma 4, ima allanneqassapput:

»*Imm. 3. Unnerluutigisaasup najuutinngiffiani, unnerluutigisaasup najuunnissaa eqqartuussiviup pisariaqartinngippagu, unnerluussisuutitaasut tamatuminna piumasaaqat pillugu saqqummiippata, eqqartuussutissamik isumaqatigiinniutigisaq eqqartuussutinngorlugu suliarineqassaaq, pisuni makkunani,*

1) allakkap unnersuussutaasup pineqartumut nalunaajaatigineqarnerata kingorna, unnerluutigisaasoq qimaasimappat,

2) suliap aallartinnerani unnerluutigisaasoq najuutereerluni eqqartuussiviup akuerinngisaanik eqqartuussivik qimassimappagu,

3) suliap ingerlanerani taamaallaat ukioq 1 imaluunniit sivikinnerusumik parnaarussivimmi inissiinissaq, arsaarinnineq, anisitsineq, pisinnaatitaaffiaaneq imaluunniit taarsiisussaaneq pillugu apeqqutaappat eqqartuussutissamillu isumaqatigiinniutaasup naammassineqarnissaanut unnerluussaasoq isumaqataappat,

4) parnaarussivimmi qaammatini 6-ni sivikinnerusumilluunniit inissinneqarnissap, akiliisitaanerup, arsaarinnissuteqarfigineqarnerup, anisitaanerup, ingerlatitsisinnaanermik allagartaajagaanerup imaluunniit taarsissussaataanerup saniatigut allanik unnerluussaasoq pillaatissinneqanngippat, imaluunniit

5) Eqqartuussiviup isumaqarfigippagu suliap suliarineqarnerani qularnaateqanngitsumik unnerluussaasoq pinngitsuutinneqartussaasoq.

Imm. 4. Unnerluussaasoq isumaqataasimangippat, unnerluussaasoq inatsisit malillugit aggeqqusaasimappat aggeqqusissummilu ersippat, inatsisitigut pissutissaqarani aggersimanginneq, unnerluussummi allassimaneratut pissutsinut unnerluussaasup eqqartuunneqarneranik kinguneqarsinnaasutut imm. 3, nr. 4 malillugu eqqartuussutissamik isumaqatigiinniutaasoq taamaallaat ingerlanneqarsinnaavoq.«

15. § 467, imm. 2, nr. 6-itut ikkunneqassaaq:

»6) § 453, imm. 3, nr. 4 malillugu suliani unnerluussaasup peqannginnerani suliarineqartuni, illersuisuusup tamanna piumasarippagu, unnerluussineq pillugu unnerluutigineqartup politiinut oqaluttuarisimasai nassuiaatit pillugit politiit nalunaarusiaannut ilanngussat.«

16. § 472, imm. 1-ip kingorna nutaatut ikkunneqassaaq:

»*Imm. 2.* Unnerluussaag unnerluussummut nangaassuteqarani akuersaarpat, eqqartuussivik aalajangiissaaq, tapertaasumik qanoq aamma qanoq annertutigisumik uppernarsaatiniq saqqummiussineq pissanersoq.«

Imm. 2 taamaalilluni imm. 3-nngussaaq.

17. § 474, imm. 3, pkt. 3 peerneqassaaq taarsiullugu ikkunneqassalluni:

»Eqqartuussut nalunaarutigineqartarpoq eqqartuussinermi eqqartuussummik inerniliinerup atuffassissutigineqarneratigut. Oqaatiginninnermi unnerluussaasoq najuutinnigippat, unnerluussinerup allanneqarnera politiit unnerluussamut nassitissavaat. § 453, imm. 3, nr. 1-5 malillugu suliaq unnerluussaasup peqannginnerani suliarineqarsimappat, allaganngornera nalunaajaatigineqassaaq. Oqaatiginninneq taassumunnga namminermut nalunaajaatigineqariinnigippat § 453, imm. 3, nr. 4 malillugu suliaq unnerluussaasup peqannginnerani suliarineqarsimappat, allaganngukkamik nalunaajaaneq unnerluussaasumut namminermut pissaaq.«

18. § 592-ip kingornagut kapitali 44-mi ikkunneqassaaq:

»§ 592 a. § 453, imm. 3, nr. 4 malillugu suliaq, unnerluussaasup peqannginnerani suliarineqarsimappat, namminerlu naatsorsuutigisinnaangisani pissutsit pissutaallutik piffissaq eqqorlugu tamatuminnga nalunaarutiginninnissaminut akornguserneqarsimalluni, peqanngissimanerminut akuerisaasumik pissuteqarluni eqqartuussaasup uppernarsarsinnaappagu, imaluunniit eqqartuussisulersuussineq eqqartuussaasup piffissaq eqqorlugu ilisimalersimangikkuniuk, suliamut isumaqatigiinniarnaq nutaaq aallarteqqinneqassasoq eqqartuussaasup qinnutigisinnaavaa. § 474, imm. 3, pkt. 3. aamma 4.-mi allassimasut malillugit eqqartuussummik nalunaajaatiginninnerup kingorna ullut 14-it qaangiutsinnagit suliami eqqartuussummik oqaatiginnittumut eqqartuussivimmut qinnuteqaat saqqummiunneqarsinnaavoq. Qinnuteqaat tamatuminnga kingusinnerusukkut, kisianni eqqartuussummik nalunaajaanerup kingorna ukioq ataaseq qaangiutsinnagu, tunniunneqarpat, eqqartuussiviup qaqutigoorluinnartumik

suliaq aallarteqqissinnaavaa. §§ 585, imm. 1-imiit 590-imumiittuni maleruagassat taamatutaaq atuupput. Aallartitseqqiiniarneq itigartinneqarpat, Eqqartuussiviit Qullersaannut ingerlatitseqqiineq pillugu maleruagassat malillugit apeqqut Immikkut Naammagittaalliornermut Eqqartuussivimmu (Den Særlige Klageret-imut) tunniunneqarsinnaavoq.

Imm. 2. Eqqartuussutissamik isumaqatigiinniarnermi nutaami eqqartuussaasoq peqanngippat, eqqartuussiviup eqqartuussutip inerneratigut suliaq matussavaa, eqqartuussutaareersorlu atuutsiinnarneqassalluni.

§ 592 b. § 592 a malillugu pinerluttulerinermik suliaq aallarteqqinneqarpat, peqataasut arlaannaanniilluunniit eqqartuussutissamik isumaqatigiinniarneq sioqqullugu nutaamik killisiuiniarneq pillugu qinnuteqartoqarsimangippat, § 467-imi eqqaaneqartut pisut saniatigut suliarinninnermi sioqqutsisumi ilisimannittunit aamma naliliisartunit nassuiaataasimasut pillugit eqqartuussinermi allattugaatinut ilassutit, uppersaatit atorneqarsinnaapput.«

§ 2

Kalaallit Nunaanni tjenestemandit pillugit inatsimmi, tak. inatsimmut nalunaarut nr. 1291, 14. november 2015-imeersoq, makkuninnga allannguisoqassaaq:

1. Kapitali 7-imut *qulequtaq* imatut allanneqassaaq:

»Kapitali 7

Kalaallit Nunaanni eqqartuussisoqarfinni eqqartuussisunut aamma inatsisilerituunut tjenestemandisut atorfinitsitanut kiisalu najukkami eqqartuussisunut immikkut aalajangersagaq«.

2. § 34, imm. 2-mi, »65-inik ukiullit« allanngortinneqassaaq imaalillugu: »70-inik ukiullit«,

3. § 34 imm. 2-mi pkt. 2-tut ikkunneqassaaq:

Tamanna Kalaallit Nunaanni eqqartuussivinni aamma najukkami eqqartuussisunut atuuppoq.«

§ 3

Imm. 1. Inatsit atuutilissaaq ulloq [...]

Imm. 2. Inatsimmi § 1, nr. 13-15 aamma 17, pinerlunnernik suliaq atuatissanngillat, unnerluussamik aggersaanermut nalunaaruteqartoqarfiusimasuni inatsisip atuutilernissaa sioqqullugu. Pinerlunnernik suliaq taamaattut maannamut inatsisip atuuttut malillugit suliarineqassapput.

Imm. 3. Inatsimmi § 1, nr. 18, pinerlunnernik suliaq atuatissanngilaq, eqqartuussisarnernik inatsimmi § 453, imm. 3, malillugu najuutinngitsoornermi eqqartuussuteqarfiusuni, inatsisip

atuutilernissaa sioqqullugu. Pinerlunnernik suliassat taamaattut maannamut inatsisit atuuttut malillugit suliarineqassapput.

Inatsisissatut siunnersuummut oqaaseqaatit

Oqaaseqaatit nalinginnaasut

Imarisai

1. Aallaqqaasiut	9
2. Inatsisissatut siunnersuutip immikkoortui pingaarnerit	11
2.1. Pinerluttulerinermi eqqartuussisarnermi digitalimik attaveqaatinik atuineq	11
2.1.1. Inatsisit atuuttut	11
2.1.2. Justitsministeriap isumaliutai aamma aaqqissuussineq siunnersuutigineqartoq	12
2.2. Suliat nassuernertut suliarineqartut	15
2.2.1. Inatsisit atuuttut	15
2.2.1.1. Eqqartuussivimmi suliat nassuernertut suliarineqartut.....	15
2.2.1.2. Akiliisitsissutissamut eqqartuussinertaqanngitsumik aalajangiineq	15
2.2.2. Justitsministeriap isumaliutai aamma aaqqissuussineq siunnersuutigineqartoq	15
2.2.2.1. Eqqartuussivimmi suliat nassuernertut suliarineqartut.....	15
2.2.2.2. Eqqartuussineqartaqanngitsumik akiliisitsinissamut aalajangiineq	20
2.3. Pinerluttulerinermik suliani takkutinnngitsoornermi eqqartuussutit	22
2.3.1. Inatsisit atuuttut	22
2.3.1.1. Takkutinngitsoorneq pillugu sulianik suliaqarneq	22
2.3.1.2. Takkutinngitsoortut pillugit suliani illersuisussanngortitsisarneq.....	25
2.3.1.3. Takkutinngitsoortut pillugit suliat ingerlannerini uppernarsaatitut atortut	25
2.3.1.4. Takkutinngitsoornerit pillugit suliani eqqartuussummik nalunaarutiginninnerit.....	25
2.3.1.5. Takkutinngitsoornerit pillugit suliat aallarteqqinneqarneri.....	26
2.3.2. Justitsministerie-p isumaliutai aammalu aaqqiineq siunnersuutigineqartoq	26
2.3.2.1. Takkutinngitsoornerit pillugit suliat suliarineqartarnerat.....	26
2.3.2.2. Takkutinngitsoortoqarnera pillugu suliani illersuisussanngortitsisarneq	31
2.3.2.3. Takkutinngitsoortoqarnera pillugu suliat nalaanni uppernarsaasersuutit.....	32
2.3.2.4. Takkutinngitsoorneq pillugu suliani eqqartuussummik nalunaaruteqarneq.....	34
2.3.2.5. Takkutinngitsoortoqarnera pillugu suliat aallarteqqinneqartarnerat	35

2.4. Eqqartuussisut aamma najukkami eqqartuussisut tunuartussaaitaanerannut ukioritinneqartut il. il.	37
2.4.1. Inatsisit atuuttut	37
2.4.1.1. Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat.....	37
2.4.1.2. Najukkami eqqartuussisut	38
2.4.2. Justitsministeriap isumaliutai aamma aaqqissuussineq siunnersuu-tigineqartoq	39
2.4.2.1. Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat.....	39
2.4.2.2. Najukkami eqqartuussisut	41
3. Pisortanut aningaasatigut aamma atuutilersitsinermi kingunissat.	43
4. Inuussutissarsiortunut il. il. aningaasatigut aamma allaffissornikkut kingunissat	44
5. Innuttaasunut allaffissornikkut kingunissat.....	44
6. Silap pissusaanut avatangiisinullu kingunissat	44
7. EU-mi inatsisinut pissutsit.....	44
8. Oqartussa qarfiit aamma kattuffiit il. il. tusarniaavigineqartut	44
9. Immersugaq eqikkaaffiusoq.....	45

1. Allaqqaasiut

Pingaaruteqarpoq Kalaallit Nunaanni pinerluttulerinermi suliat sapinngisamik pitsaaanerpaamik aammalu inatsisitigut isumannaassuseq eqqarsaatigalugu illersorsinnaasumik suliarineqartarnissaat, taamaalillutik suliat unnerluussamat aamma pinerlisamat eqqarsaatiginnittumik piffissatigut naleqquttumik naammassineqartarlutik. Aamma pingaaruteqarpoq isumannaassallugu, Kalaallit Nunaanni politiini, unnerluussisussaaitaasuni aamma eqqartuussivinni siunertanut naapertuuttumik nukinnik atuilluarnissaq, aammalu suleriaatsitigut ullutsinnut naleqqussaannermi teknologikkut periarfissat atorluarnissaat.

Tamanna tunngavigalugu, annerusumik Kalaallit Nunaanni eqqartuussisarnermik inatsisip allangortinneqarnissanik siunnersuutunik arlariinnik inatsisissatut siunnersuut imaqarpoq, siunertaqartunik pinerluttulerinermi suliat suliarineqartarnerisa pitsaangorsarneqarnissaat.

Danskit Naalakkersuisuisa aamma Namminersorlutik Oqartussat Kalaallit Nunaanni danskit akisussaaffigisaasa ineriartortitsinerat tunngavigalugu inatsisissatut siunnersuut suliarineqarpoq. Socialdemokratietip, Radikale Venstrep, Socialistisk Folkepartip aamma Enhedslistenip politikikkut paaseqatigiissutaanni 25. juni 2019-imeersumi allaqqavooq, danskit Naalakkersuisuisa Kalaallit Nunaanni akisussaaffitik Kalaallit Nunaat peqatigalugu ineriartortinniaaraat

Siullertut inatsisissatut siunnersuutip siunertaraa, pinerluttulerinermi eqqartuussisarnermi digitalimik attaveqaatinik atuisinnaanermut tunngavissamik eqqussisoqarnissaa, danskit eqqartuussisarnermik inatsisaanni § 148 c-mi aalajangersakkamut assingusumik. Inatsisissatut siunnersuummi taanna, Kalaallit Nunaanni Eqqartuussiveqarneq pillugu Siunnersuisoqatigiinniit innersuussinermik tunngaveqarpoq.

Aappaattut inatsisissatut siunnersuutip siunertaraa, suliat nassuernertut suliarineqartut pillugit malittarisassanik eqqussisoqarnissaa, ass. ingerlaannartumik eqqartuussutinik taaneqartunik eqqartuussuteqartoqarsinnaanngortillugu.

Naalakkersuisut kissaatigisimavaat, Kalaallit Nunaanni eqqartuussisarnermik inatsimmi suliat nassuernertut suliarineqartut pillugit malittarisassanik eqqussisoqarnissaa, tassunga ilagitillugu pinerluttulerinermi suliat inger-laannartumik eqqartuussuteqarfiusinnaanngornissaannut tunngavimmik eqqussinikkut – eqqartuussisooqataasartut peqataaffigisassaraluanni – pasisaq nangaassuteqarani nassuerpat.

Inatsisissatut siunnersuutikkut eqqartuussisarnermik inatsimmi immikkoortumik nutaamik ikkussinissaq siunniunneqarpoq, suliat nassuernertut suliarineqartut pillugit aamma eqqartuussinertaqanngitsumik akiligassinneqarnermut malittarisassanik imaqartumik, danskit eqqartuussisarnermik inatsisaanni kapitali 76-imut assingusumik. Tassunga atatillugu ilaatigut siunniunneqarpoq, sumiiffigisami akiligassinneqarnermut akuersaarnissamut aamma akiliinissamut tunngavimmik pilersitsisoqarnissaa. Tamanna danskit eqqartuussisarnermik inatsisaata allanngortinneqarneranik tunngaveqarpoq, naammassineqartumik eqqartuussisarnermik inatsisip allanngortinneqarnissaanik inatsimmi nr. 714, 8. juni 2018-imeersukkut (Suliassiissutini pillaatissartallit suliarineqartarnerinik sivikillisaaneq).

Pingajuattut inatsisissatut siunnersuutip siunertaraa, pinerluttulerinermi suliani najuutinngitsoornermut eqqartuussuteqarsinnaanerup annertusineqarnissaa. Malittarisassanik annertusaaneq danskit eqqartuussisarnermik inatsisaannik allannguinnermik tunngaveqarpoq, naammassineqartoq eqqartuussisarnermik inatsisip allanngortinneqarnissaannik inatsisikkut, pillaa-tinik naammassinninnermut il. il. inatsisikkut aamma attaveqaatit elektroniskiusut aamma kiffatuussissutit pillugit inatsisikkut nr. 203, 28. februar 2017-imeersukkut (Najuutinngitsoornermi eqqartuussutit, suliassiissutini pillaatissartalinni il. il. nalunaarutiginninneq aamma digitalimik attaveqaatinik atuneq).

Allanguutip siunnersuutigineqartup malitsigivaa, suliani, allamik kinguneqanngitsuni akiligassinneqarnermik, arsaagaanermik, biilersinnaanermut allagartamik arsaagaanermik aamma taarsiiviginninnissamik, eqqaartuussiviit pinerluttulerinermi suliat taamaattut *naamassissagaat*, unnerluusaaq nassuersimagaluartoq, aamma suliaq allanik uppersaatinik saqqummii-nertaqanngitsumik aalajangiiffigissagaat, unnerluusaaq najuutinngitsoorpat inatsisitigut malinninnikkut paasissutissiinertaqanngitsumik.

Aamma allanguutip malitsigissavaa, unnerluusaaq akuersiteqqaarnagu eqqartuussutissamik isu-maqatigiinniarnep eqqartuussuteqarfionissaanut periarfissaqalernissaa, unnerluusaaq najuutinngippat, eqqartuussisarnermik inatsimmi § 453, imm. 3 malillugu, naatsorsuutigineqaraluarpalluunniit isertitsivimmi inissinneqarsinnaaneq (taamaattoq sivisunerpaamik qaammatini 6-*ini*). Tassunga atatillugu illersuisussamik toqqaasoqartussaataa-nermik eqqussisoqarpoq, suliani § 453, imm. 3, nr. 4 malillugu ingerlanneqartuni, isertitsivimmiittussanngortitsinissamat apeqquteqarfiusuni, soorlutaaq suliani § 453, imm. 3 malillugu ingerlanneqartuni suliareqqitassanngor-titsinermut malittarisassanik eqqussisoqartoq.

Sisamaattut inatsisissatut siunnersuutip siunertaraa, naalagaaffimmi tjenestemandit Kalaallit Nunaanniittut pillugit inatsisip allanngortinneqarnissaa, Kalaallit Nunaanni eqqartuussivinni eqqartuussisunut aamma inatsisilerituunut tjenestemandit atorfilinnut allanut tunuartussaataa-nermut ukioritinneqartut 65-*iniit* 70-*inut* qaffanneqarnissaat siunertaralugu, kiisalu najukkami eqqartuussisunut tunuartussaataa-nermut ukioritinneqartunik aamma taamannak qaffasissusilinnik eqqussinissaaq siunertaralugu. Allanguinerup malitsigissavaa, eqqartuussisut aamma inatsisilerituut tjenestemandit atorfilit allat kiisalu najukkami eqqartuussisut, qaammatip 70-*inik* ukioqalerfissaata naanerani tunuartitaasalernissaat. Tamanna Danmarkimi eqqartuussisunut il. il. tunuartussaataa-nermut ukioritinneqartut pillugit malittarisassanut assinguvoq.

2. Inatsisissatut siunnersuutip immikkoortui pingaarnerit

2.1. Pinerluttulerinermi eqqartuussisarnermi digitalimik attaveqaatinik atuineq

2.1.1. Inatsisit atuuttut

Eqqartuussisarnermik inatsimmi pinerluttulerinermi eqqartuussisarnermi suliat suliarisarneri pillugit immikkoortoq V aamma eqqartuussisunut annerusunut suliarisassanngortitsinerit aamma suliareqqitassanngortitsinerit pillugit immikkoortoq VI pinerluttulerinermi eqqartuussisarnermi eqqartuussutinik naamassinninnerit pillugit immikkoortoq VII aalajangersakkanik imaqarput ilaatigut pinerluttulerinermi eqqartuussisarnermi suliarinninnermut tunngasunik.

Aalajangersakkat digitalimik attaveqarnermut tunngasunik imaqaangillat, imaqarlutilli nalunaaruteqarnermut il. il. piumasasaqaatinik arlalinnik soorlu, allakkatigut ingerlatsisoqarnissaanik imaluunniit atsiortoqarnissaanik. Allakkatigut ingerlatsisoqarnissaanut imaluunniit atsiortoqarnissaanik piumasasaqaat immiini digitalimik attaveqarnissamut ajornartitsinngilaq. Taamaattoq piumasasaqaatinut tunngatillugu digitalimik attaveqarnissamut ajornartitsisoqarsinnaaneranut sukuiaanissaq apequtaassaaq. Isumaqaarnarmat unnerluusummik imaluunniit eqqartuussivikkoortitsinissamik allamik piumasaqarneq digitalimik ingerlanneqarsinnaanngitsoq.

2.1.2. Justitsministeriap isumaliutai aamma aaqqissuussineq siunnersuutigineqartoq

Eqqartuussisarnermik inatsisip, pillaatini il. il. naammassinninnerit pillugit inatsisip aamma attaveqaatit elektroniskiusut aamma – kiffartuussissutit pillugit inatsisip allannngortinneqarnissaanik inatsimmi (Najuutinngitsoornermi eqqartuussutit, nalunaarutiginninneq aamma suliani pillaatissartalinni il. il. digitalimik attaveqaatinik atuineq) nr. 203, 28. februar 2017-imeersukkut danskit eqqartuussisarnermik inatsisaanni pillaatissartalinni eqqartuussisarnermi digitalimik attaveqaatinik atuisinnaaneq tunngavissinneqarpoq.

Inatsisissatut siunnersuummut oqaaseqaatini allaqqavoq, Justitsministerip paasinninnera naapertorlugu eqqartuussisarnermik inatsit pillaatissartalinni eqqartuussisarnermi digitalimik attaveqaatinik atuinissamut ajornartitsissanngitsoq, tamanna instsisitigut illersugaanermut atatillugu periarfissaappat aamma illersorneqarsinnaappat (tak. Folketingstidende 2016-17, A, L 105 saqqummiunneqartutut, qupp. 8).

Inatsisissatut siunnersuummut oqaaseqaatini aamma allaqqavoq, Justitsministerip paasinninnera naapertorlugu pillaatissartalinni eqqartuussisarnermi digitalimik attaveqaatinik atuisinnaaneq pillaatissartalinnik suliaqartarnermut pitsanngorsaataassasoq ilaatigut, isumalluutini atuiulluarnermik isumannaarinninnikkut aammattaaq eqqartuussivinni isumaginnittunut kiffartuussisarnermik pitsaannerusumik tunniussinikkut. Taamatuttaaq pinerluttulerinermi eqqartuussisarnermi sulianik suliarinninneq aamma oqartussaqaarfiit akornanni isumaginnittullu akornanni paasissutissanik atuineq eqaannerusooq qulakkeerneqassaaq (tak. Folketingstidende 2016-17, A, L 105 saqqummiunneqartutut, qupp. 8).

Tamanna tunngavigalugu eqqartuussisarnermik inatsimmi § 148 c, imm. 1-imi digitalimik attaveqaatinik atuinissamut erseqqissumik tunngavissiisoqarpoq – tassa allakkat digitalit, e-mail, imaluunniit digitalimik aaqqissuussinerit allat – pillaaasarnemik suliani nassiusseriaatsit il. il. aamma nalunaarutit aamma allagaatit imarisaat, taamaalilluni digitalimik attaveqarnermi aamma digitalimik suliarinninnermi inatsisitigut aporfiit peerneqarlutik.

Tassunga ilagitillugu eqqartuussisarnermik inatsimmi § 148 c-mi imm. 2-mi pillaasarnemik suliani pillugit aalajangersakkani atsiortoqarnissaanut piunasaqaat aporfiliinngitsoq nalunaarutip digitalimik allakkatigut nassiuuneqarsinnaaneranut aalajangersakkamik ikkussisoqarpoq. Taamaattoq piunasaqaataavoq nalunaarutip inummiit digitalimik atsiorneqarsimanissaa – inummit inatsisitigut pisussaataasumit – imaluunniit oqartussaqaarfimmiit. Taassuma saniatigut imm. 3-mi aalajangersakkamik ikkussisoqarpoq, nalunaarut digitalimik attaveqaatikkut nassiuuneqartoq apuussimasutut isigineqassasoq tigusisussamit tiguneqarsinnaanngoraangat.

Kalaallit Nunaanni Eqqartuussiveqarneq pillugu Siunnersuisoqatigiit innersuussutigisimavaat, pinerluttulerinermi eqqartuussisarnermi suliani digitalimik attaveqaatinik atuinissamut Kalaallit Nunaanni eqqartuussisarnermik inatsimmi tunngavimmik assingusumik ikkussisoqartariaqarnera.

Kalaallit Nunaanni Eqqartuussiveqarneq pillugu Siunnersuisoqatigiit in-nersuussutaannut Justitsministeria isumaqataavoq.

Taamaattumik inatsisissatut siunnersuutikkut siunnersuutigineqarpoq, danskit eqqartuussisarnermik inatsisaanni 148 c-mut assingusumik eqqartuussisarnermik inatsimmi § 128 a-mi aalajangersakkamik ikkussisoqassasoq.

Siunnersuutip malitsigivaa, Kalaallit Nunaanni eqqartuussisarnermik inat-simmi nalunaarutit pillugit, allakkatigut ingerlatsinissaq pillugu, noqqaassuutit pillugit, piunasaqarnerit pillugit, ilisimatitsinerit pillugit, tunniussaqaarnerit pillugit, tunniussinerit pillugit, nassiuussinerit pillugit, assilinernik imaluunniit anillatsitanik nassiuussinerit pillugit, tunniussaqaarnerit pillugit, saqqummiussinerit pillugit, misissuinerit imaluunniit assigisaat pillugit immikkoortut V aamma VI kiisalu VII, digitalimik attaveqaatinik atuinissamut taamaalillutik aporfiumnginnissaat.

Tamatuma saniatigut siunnersuutip malitsigivaa, saniatigut tigussaasunik nassiuussisoqassanngitsoq, tunniussisoqassanngitsoq il. il. Taamaalilluni siunnersuutip aamma malitsigissavaa, pinerluttulerinermi eqqartuussisarnermi suliat digitalimik ingerlanneqarsinnaaneri, taamaalilluni allagaatit il. il. anillatsinneqartariaqaratik.

Pinerlunermik suliassami unnerluussisussaataasut, eqqartuussiviit, advokatit, unnerluussat aamma allat aalajangersakkap kingorna qinersinnaavaat nalunaarutit pisortat digitalimik allakkerinermik aaqqissuussaat imaluunniit e-mail adressit isumannaatsut imaluunniit assigisaat atorlugit nassiuunissaat, taamaattut nalunaarutigineqarsimappata.

Kalaallit Nunaanni allakkerinermik aaqqissuussineq Pisortani Digitalimik Allakkerineq pisortaniit nassiuussit aamma inuit imaluunniit inatsisitigut suliaqarfiit akornanni digitalimik attaveqarnermut atorneqarsinnaavoq, tak. Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersumi malittarisassat. Inatsimmi § 13, imm 4 malillugu Naalakkersuisut

naalagaaffimmi oqartussaqrfiit isumaqatigiinniarfigereernerisigut Kalaallit Nunaanni naalagaaffiup suliffeqarfiisa, pisortaniit nassiussisutut, allakkerinermik aaqqissuussinermik atuisinnaanerannut malittarisassanik aalajangersaasinnaapput.

Inatsisissatut siunnersuutip assersuutigalugu periarfissaatippaa, politiinit allakkap unnerluussuttip eqqartuussivimmud digitalimik tunniunneqarsinnaanerani, tak. § 441, imm. 1, pkt. 1. Taamatuttaaq allagaq unnerluussut unnerluussamut digitalimik nassiunneqarsinnaavoq, tak. eqqartuussisarnermik inatsimmi § 441, imm. 2, pkt. 1.

Unnerluussisussaataitaasunut aamma eqqartuussivinnut, digitalimik attaveqarnerup teknikkikkut qanoq periarfissaatigineranut aalajangersagaq apeqqutaatitsinngilaq.

Aalajangersagaq malillugu nassiussisup attaveqarnerup digitalimik ingerlanneqarnissaanut qinersinissaminut periarfissaqarpoq – tassunga ilagitillugu digitalimik attaveqariaaseq sorliussanersoq – tassani piumasagaataalluni, digitalimik attaveqariaatsip nassiussisumut aamma tigussisussamut teknikkikkut periarfissaanissaa. Taamaalilluni digitalimik attaveqarnissap pisussaaffiunissaa peqqussutaanngilaq, nassiussisulli qinersinnaavaa digitalimik attaveqarnissaq. Taamaalilluni nassiussisoq assersuutigalugu, nalunaarutinik, suliat takussutissartaannik il. il. tigussaasunik atusinnaassaaq suli. Aamma innuttaasut digitalimik tigusinissamut imaluunniit nassiussinissamut pisussaaffiliinikkut peqquneqanngillat, inatsisitigut malitassaareersut saniatigut. Kalaallit Nunaanni naalagaaffiup suliffeqarfii, soorlu assersuutigalugu eqqartuussiviit, Pisortani Digitalimik Allakkerineq pillugu malittarisassani ilanngunneqarunik, innuttaasut pisussaataalissapput naalagaaffiup suliffeqarfiiniit nalunaarutinik digitaliusunik tigusinissamut.

Siunnersuutikkut aamma qularnaarneqarpoq, eqqartuussivimmi atuaanermi, saqqummiussinermi, saqqummiinermi, nassuiaanermi assigisaanilu allagaatinik digitalinik atuisinnaaneq. Taamaalillutik allagaatit saniatigut tigussaallutik nassiunneqassanngillat imaluunniit piullutik.

Siunnersuutikkut piumasarineqarpoq, digitalimik attaveqarneq politiinit, unnerluussisussaataitaasunit aamma eqqartuussivinnit sapinngisamik atorneqarnissaa. Taamaattumik ingerlaavartumik digitalimik attaveqarneq aamma suliaqarneq annertusaarneqassaaq, IT-kkut aaqqissuussinerit ineriartortinneqarneri aamma naammassineqarneri ilutigalugit.

Politiit, unnerluussisussaataitaasut aamma illersuisut pinerluttulerinermi eqqartuussisarnermi suliani digitalimik attaveqarnermik atuinerini inunnt paasissutissanik suliaqartillugit inunnt paasissutissat pillugit inatsit nangittumik alaatsinaanneqassaaq. Eqqartuussisarnermik inatsimmi unnerluussisussaataitaasut aamma eqqartuussiviit inunnt paasissutissanik suliaqartanerannut malittarisassat allanngortinneqarnissaat siunnersuutikkut siunertaanngilaq.

Aamma inatsisissatut siunnersuummi § 1, nr. 5-mut tassungalu oqaaseqaatinut innersuussisoqarpoq.

2.2. Suliat nassuernertut suliarineqartut

2.2.1. Inatsisit atuuttut

2.2.1.1. Eqqartuussivimmi suliat nassuernertut suliarineqartut

Kalaallit Nunaannit eqqartuussisarnermik inatsimmi § 44, imm. 1-imi allaqqavoq, pinerluttulerner mi suliani eqqartuussisooqataasartunik marlunnik peqataasoqarnissaa. Taamaattoq eqqartuussisooqataasartut suliani unnerluussaq pisuusutut eqqartuunneqarsimatillugu, pillaammut atatillugu taamaallaat akiliisinneqarpat, arsaagaappat, biilersinnaanermut allagartamik arsaagaappat imaluunniit taarsiisussanngortinneqarpat eqqartuussisooqataasartut peqataassanngillat, tak. § 44, imm. 2. Eqqartuussiviup nalilerpagu, suliaq § 44, imm. 2 malillugu, unnerluussamut immikkut akulerunnermik kinguneqartoq, eqqartuussivik aalajangersinnaavoq, suliap suliarinerani eqqartuussisooqataasartunik peqataasoqarnissaa, tak. § 44, imm. 3.

Eqqartuussisarnermik inatsit eqqartuussisooqataasartunik peqataasoqartinnagu pinerluttulerinermi eqqartuussisarnermi suliat suliarineqartarnissaannik tunngavimmik imaqqanngilaq. Tamatuma malitsigivaa, pinerluttulerinermi eqqartuussisarnermi suliani isertitsivimmi inissinneqarnissamut apeqqusiisoqartillugu, aamma pasisaq unnerluussammut nangaassuteqarani akuersaartillugu, piumarnerusumik periuseqarnikkut aammalu eqqartuussisooqataasartunik peqataasoqartinnagu eqqartuussisooqarsinnaanngitsoq.

2.2.1.2. Akiliisitsissutissamut eqqartuussinertaqanngitsumik aalajangiineq

Eqqartuussisarnermik inatsimmi § 440, imm. 1 malillugu – ilimagineqarpat, pinerlunneq taamaallaat akiliisitsinermik imaluunniit arsaagaanermik kinguneqassasoq – politiit allagaq unnerluussut pasisamut nassiussinnaavaat, pasisaq nassuerpat, allagaq oqaaseqaatilerlugu eqqartuussinertaqanngitsumik akiliisinnaaneranik annertussusilimmik oqaaseqaammit allaqqasumik, aamma arsaaganissaq pineqarpat ilanngullugu akuerisinnaagaa.

Pasisaq nalunaaruteqarpat, siunniunneqartoq malillugu suliaq naammassitikkumanagu, imaluunniit pasisaq nalunaaruteqanngilluinnarpat, taava allagaq unnerluussut, pasisap nalunaarutaa pillugu imaluunniit nalunaaruteqanngilluinnarnera pillugu oqaaseqaatertalerlugu eqqartuussivimmut tunniunneqassaaq, tak. § 440, imm. 2.

2.2.2. Justitsministeriap isumaliutai aamma aqqissuussineq siunnersuutigineqartoq

2.2.2.1. Eqqartuussivimmi suliat nassuernertut suliarineqartut

Pillaatissartallit suliat suliarinerini eqqartuussisooqataasartut peqataasernerat tunngaviuvoq pillaatissartalinnik eqqartuussivimmi suliaqartarnermi, tunngaviusumi inatsimmi § 65, imm. 2-mi aallaaveqartoq. Aalajangersakkap pkt. 2-ani allaqqavoq, tamanna inatsisikkut aalajangersarneqassasoq, suliani sorlorni aamma qanoq ilusilimmik peqataaneq pissanersoq.

Tamanna tunngavik danskit eqqartuussisarnermik inatsisaanni § 686, imm. 2-mi allaqqavoq, tassannga malitsiulluni, malittarisassaq pingaarneq tassaalluni eqqartuussisooqataasartut pillaatissartalinni suliani peqataasarnissaat, akiliisitsilluni pillaaneq pineqarani qaffasinnerusumilli pillaanissaq apeqqutaagaangat.

Danskit eqqartuussisarnermik inatsisaat, 1916-imi inatsisip pingaarnerup suliarineqarneraniilli (tak. inatsit nr. 90, 11. april 1916-imeersoq) suliassat nassuernertut suliarineqartunik suliarinnittarnermut malittarisassanik imaqarsimavoq, periarfissiisumik pillaatissartallip suliap allakkamik unnerluussutitaqanngitsumik aamma eqqartuussisooqataasartunik peqataasoqartinnagu suliarineqarsinnaaneranut, pasisaq nangaassuteqarani nassuerpat, saniatigut paasissutissanit pigineqartunit taperserneqartumik.

Suliassat nassuernertut suliarineqartunik suliarinnittarnermut malittarisassat inatsisip pingaarnerup 1916-imi suliarineqarneraniit arlaleriarlugit allanngortinneqarnikuupput. Aalajangersakkat atuuttut eqqartuussisarnermik inatsimmi kapitali 76 atorlugu aaqqissorneqarput (§§ 831-832 a). Danskit eqqartuussisarnermik inatsisaanni § 831-ip taamaalilluni aalajangersarpai eqqartuussiviup pillaatissartalinnik suliaqartarneranut malittarisassat, unnerluussap nangaassuteqarani nassuerneranut. Tamatumunnga ilaliullugu § 832-ip aamma § 832 a-p aaqqissorpai, eqqartuussinertaqanngitsumik akiliisitsinerit, inatsisissatut siunnersuummi immikkoortup 2.2.2.2.-p ataani suliarineqartut.

Suliassat nassuernertut suliarineqartut periuseq pisariinnerusoq atorlugu aalajangiiffigineqartarput, eqqartuussutissamik isumaqatigiinniarneq aqutiginagu. Eqqartuussivimmiittoqartarpoq (tak. eqqartuussisarnermik inatsimmi § 694, imm. 3), - periuseq pisariinnerusoq atorlugu – pillaatissartallinni sulianut allanut sanilliullugu eqqartuussutissamik isumaqatigiinniarnernut assingusumik, tak. § 831-mut oqaaseqaatit (Folketingstidende 2005-06, ilaliussaq A, qupp. 5413).

Periutsip pisariinnerusup malitsigivaa, allakkamik unnerluussummik suliaqartoqannginnera. Unnerluussisussaataasut taamaalillutik taarsiullugu eqqartuussivimmiinnissamut piunasaqaammik suliaqassapput, § 831 malillugu suliap ingerlanneqarnissaa siunertaralugu, piunasaqaammi allanneqassallutik pasillineq/pasilliinerit. Eqqartuussivimmi unnerluussut oqaatigineqassaaq, unnerluussaq pissutsit ataasiakkaat pillugit naatsumik killisiorneqassalluni. Eqqartuussivimmiinneq, suliap ingerlanneqarfiani, paasiniaalluni eqqartuussivimmiinnertut isigineqassaaq. Gorm Toftegaard Nielsen, Straffesagens Gang, saqqummersitaq 5., Jurist- aamma Økonomforbundets Forlag 2011, qupp. 113ff innersuussutigineqarpoq.

Danskit eqqartuussisarnermik inatsisaanni § 831, imm. 1-ip malitsigivaa, eqqartuussivimmi pillaatissartalimmi suliami pasisaq § 694, imm. 3 malillugu nangaassuteqarani nassuerpat, eqqartuussisooqataasartut ilinniarsimangitsut peqataaffigisassaraluanni, taava pinasuartumik suliaq eqqartuussinermik kinguneqarsinnaavoq, allakkamik unnerluussummik suliaqartoqanngikkaluartoq, imaassimappat 1) suliap nassuerneritut suliarineqartup ilumuussusia paasissutissanit pigineqareersutigut taperserpeqarpat, 2) pasisaq aamma unnerluussisoq akuersaarpat, eqqartuussiviup nangaanartoqartinngikkaa suliap eqqartuussutissamik isumaqatigiinniarnaq aqutiginagu aalajangiiffigineqarnissaanut aamma 3) eqqartuussiviup ajoriffissaqartinngippagu eqqartuussinertaqanngitsumik suliamut aalajangiineq, aamma 4) apeqqutaanngippat pillaa sarnermik inatsimmi §§ 68, 69, 70 imaluunniit 73-ip atorineqarnissaat (pillagaassutaasinnaasoq iliuuserineqartoq aamma navialisitsisinnaajunnaarsitsineq pissutigalugit inatsisitigut allat malitsiusut).

Danskit eqqartuussisarnermik inatsisaanni § 831, imm. 2 malillugu, eqqartuussivik eqqartuussummik nalunaaruteqartinagu, pasisaq pissutsinik unnerluussummut tunngasunik nassuiaaneqassaaq, aammalu oqaaseqarnissamut periarfissinneqassalluni. Suliami paasissutissanik annertunerusunik pissarsinissaq pisariaqartinneqarpat kapitali 67-imi aamma 68-imi malittarisassat malillugit tamanna pissaaq (paasiniaaneq aamma killisiuineq kiisalu paasianiaanermi immikkut iliuitsit pillugit aalajangersakkat nalinginnaasut), aamma pasisaq paasissutissat taakkua pillugit oqaaseqarnissamut periarfissinneqassaaq.

Eqqartuussivimmiinnerup nalaani pasisaq tigusaappat imaluunniit tigummigallagassanngortinneqarpat, illersuisua § 731, imm. 1, litra a malillugu toqqarneqartoq, suliaq pillugu paasisaqarnissamut, pasisarlu suliaq pillugu eqqartueqatigiinnissamut aamma eqqartuussivimmut oqaaseqarnissamut periarfissinneqassaaq, pasisap imm. 1 nr. 2 malillugu akuersissuteqannginnerani. Pasisap akuersissuteqarnerani illersuisoq najuutissaaq, tak. danskit eqqartuussisarnermik inatsisaanni § 831, imm. 3.

Eqqartuussivimmiinnerup nalaani pasisaq tigusaanngippat imaluunniit tigummigallagassanngortinneqanngippat, illersuisussaminik toqqaasoqarnissaanut neqeroorfigineqassaaq, pasisap imm. 1 nr. 2 malillugu akuersissuteqannginnerani. Pasisap kissaatigisaa malillugu illersuisussamik toqqaasoqarpat, imm. 3 assinganik atuutissaaq, tak. danskit eqqartuussisarnermik inatsisaanni § 831, imm. 4.

Eqqartuussisarnermik inatsimmi § 831, imm 5 malillugu, eqqartuussummik nalunaarutiginnineq, illoqarfimmi eqqartuussivimmi pillaatissartalinnik suliani nalunaarutiginnertut, eqqartuussisunut allanut malittarisassat atuuttut malillugit pissaaq.

Periuseq pisariinnerusok atorlugu suliaq ingerlanneqarsinnaangilaq, peqatigiiffinnik atorunnaarsitsineq pillugu § 684, imm. 1, nr. 2-mi ilaatinneqaruni, tak. danskit eqqartuussisarnermik inatsisaanni § 831, imm. 6.

Danskit eqqartuussisarnermik inatsisaanni § 831, imm. 7-ip kinguneraa, pineqartumut unnerluussutaasutut pissutsit pillugit paasissutissat, aamma pasisaq aamma unnerluussisussaataitaasut akuersaarsimagaat, suliaq nassuernertut suliarineqassasoq, eqqartuussiviup allatuivianut allanneqassapput. Pasisap illersuisussamik toqqaasoqarnissaa kissaatiginngippagu, tak. imm. 4, tamanna aamma eqqartuussiviup allatuivianut allanneqassaaq.

Kiisalu danskit eqqartuussisarnermik inatsisaanni § 831, imm. 8-mi allaqqavoq, imm. 1 malillugu pasisap eqqartuussivimmi alimasissumik assitalimmik peqataanissaa eqqartuussiviup akuerisinnaagaa, pasisap eqqartuussivimmi peqataanissaa pisariaqanngippat, aamma taamaallaat apequtaappata akiliisitsinissaq imaluunniit parnaarussaanissaq ukioq ataaseq angullugu, arsaaganissaq, pisinnaatitaajunnaarnissaq, pinngitsaaliinikkut akiliisitaanissaq imaluunniit taarsiissuteqarnissaq. § 192-imi malittarisassaq (alimasissumik assitalimmik peqataaneq pillugu malittarisassat) assinganik atuutissapput. Illersuisoqarpat, illersuisoq pasisap peqataanerattulli eqqartuussivimmi peqataassaaq, tamanna eqqartuussiviup nangaarnartoqartinngippagu illersuisoq taamaallaat eqqartuussivimmi peqataassasoq.

Naalakkersuisut kissaateqarsimapput, Kalaallit Nunaanni eqqartuussisarnermik inatsimmi suliassat nassuernertut suliarineqartut suliarineqartarnerannut malittarisassanik ikkussisoqarnissaanik, tassunga ilagitillugu pinerluttulerinermi eqqartuussisarnermi suliameq eqqartuussigasuartoqartarnissaanut tunngavimmik ikkussisoqarnissaanik – eqqartuussisooqataasartut peqataasussaagaluarnerni – pasisaq nangaassuteqarani nassueraangat.

Tamatumunnga tunngaviupput, pinerluttulerinermi eqqartuussisarnermi suliameq ingerlanneqalartortarnissaannik aammalu suliameq ingerlatsinermtut piffissap atorineqartartup sivikillisinneqarnissaannik kissaateqarneq.

Tamanna tunngavigalugu Justitsministeria siunnersuuteqarpoq, suliassat nassuernertut suliarineqartut suliarineqartarnerannut danskit malittarisassaannut assingusunik malittarisassaqaalernissaa. Taamaaliornerup kingunerissavaa najukkami eqqartuussiviit sulianik mikinerusunik suliaqartaneratt eqqarsaatigalugu pitsanngorsaaneq, soorluttaaq eqqartuussisooqataasartut pisariaqanngitsumik sulisinneqartannginnissaanik siunertaqarneq.

Taamaattumik inatsisissatut siunnersuutitigut siunertarineqarpoq, Kalaallit Nunaanni eqqartuussisarnermik inatsimmi suliassat nassuernertut suliarineqartut pillugit immikkoortup ataani immikkoortutut nutaamik ikkussisoqarnissaa, suliassat nassuernertut suliarineqartut pillugit aamma eqqartuussinertaqanngitsumik akiliisitsisarnermtut malittarisassanik imaqartumik (tamanna pillugu

annertunerusumik immikkoortup 2.2.2.2-p ataani) danskit eqqartuussisarnermik inatsisaanni kapitali 76-imut assingusumik.

Immikkoortup ataani immikkoortumi nutaamik aalajangersakkamik ikkussisoqassaaq (§ 449 a), malitseqqassasoq, pinerluttulerinermermi eqqartuussisarnermi suliani isertitsivimmi inissinneqarnissamik apeqquteqarfiusuni, aammalu pasisap nangaassuteqarani nassuerfigisaat, siunissami eqqartuussigasuarnermik kinguneqarsinnaanerinek periuseq pisariitsoq atorlugu aammalu eqqartuussisooqataasunik peqataasoqartinnagu

Periutsip pisariitsup malitsigissavaa, suliap eqqartuussisooqataasartunik peqataasoqartinnagu suliarineqarnissaa, allatigut uppernarsaasoqassanngitsoq unnerluussap nassuernerata saniatigut aamma nassuiaaneratigut immaqalu uppernarsaaneratigut, aammalu allakkamik unnerluussummik suliaqartoqassanngitsoq.

Taamalilluni najukkami eqqartuussivik suliani, soorlu unnerluussap politiit nalunaarutaannut pisuunerminik nassuersimanerani, eqqartuussisooqataasunik aamma ilisimannittunik aggersaanani suliassanngortitsisinnaavoq aammalu siunnersuutigineqartoq § 449 a malillugu suliaq ingerlallugu, piunasaqaatit naammassineqarsimappata. Taamaalilluni najukkami eqqartuussivik taamaattunik suliassanik katersuisinnaavoq piffissani sivikitsukkuutaani tulleriiarlugit ingerlanneqartussanik. Unnerluussaq najuuppat aammalu pisuunini nassuerutigippagu, § 449 a malillugu suliaq aalajangiiffigineqarsinnaassaaq, taamaalilluni unnerluussaq pisuutinneqarluni. Unnerluussaq najuutinnigippat aammalu pisuunini miserratigalugu, taava suliaq kinguartinneqassaaq, aammalu ilisimannittut kiisalu eqqartuussisooqataasartut aggersarneqassapput. Eqqartuussivimmiinnermi unnerluussaq periarfissinneqassaaq, ilisimannittunik aggersaanissamik kissaateqarnerminik nalu-naarnissamut imaluunniit allanik uppernarsaatissanik saqqummiussinissamut.

Siunnersuutigineqartoq § 449 a malillugu suliaq aamma ingerlanneqarsinnaassaaq, § 357 malillugu inatsit tunngaviusoq naapertorlugu killisiuinermit atatillugu, tassunga atatillugu pasisaq nangaassuteqarani nassuerpat, aamma piunasaqaatit naammassineqarpata. (taajorneqartunik ”pinasuartumik eqqartuussinerit”).

Taamaaliornikkut suliat annikinnerusut sukkasuumik aamma pilertortumik aalajangiiffigineqarsinnaassapput, tassuunakkut najukkami eqqartuussivimmi sulisut aamma politiit piffissatigut sipaaruteqarlutik, soorluttaaq ilisimannittut aamma eqqartuussisooqataasartut pisarissersorneqassanatik peqataanissakkut.

Siunnersuutigineqartup § 449 a-p kingunerissavaa, eqqartuussisarnermik inatsimmi § 44, imm. 4-mi aalajangersakkamik nutaamik ikkussineq, taassuma kingorna § 449 a malillugu eqqartuussisooqataasartut pinerluttulerinermermi eqqartuussisarnermi suliani peqataassanatik.

Aammattaaq § 472, imm. 2-mi aalajangersakkamik nutaamik eqqussisoqassaaq, taassuma kingorna eqqartuussiviup aalajangissallugu, uppersaasoqassanersoq aammalu uppersaaneq annertunerusoq pissanersoq, unnerluussaq nangaassuteqarani nassuerpat. Aammattaaq aqqiussuussinikkut § 44, imm. 1-imik aamma § 50, imm. 1-imik aamma 2-mik allannguisoqassaaq.

Inatsissatut siunnersuummi § 1, nr. 1-3 aamma 10-12, taakkunungalugu oqaaseqaatinut, innersuussisoqarpoq.

2.2.2.2. Eqqartuussineqartaqanngitsumik akiliisitsinissamut aalajangiineq

Kalaallit Nunaanni Eqqartuussiveqarnermut Ataatsimiititaliarsuup isumaliutissiissutaani allaqqavoq (Kalaallit Nunaanni eqqartuussiviit pillugit isumaliutissiissut nr. 1442/2004, atuagaq II, qupp. 571), eqqartuussisarnermik inatsimmi § 21 (maannakkut § 440) ataasiakkaanik ilanngunneqanngitsunik danskit eqqartuussisarnermik inatsisaanni § 924-mi malittarisassamut assingusoq (maannakkut § 832). Taamaattoq tassunga atatillugu oqaatigineqarpoq, danskit eqqartuussisarnermik inatsisaanni aalajangersagaq akiliisitsinissamik aalajangiinernut malittarisassanik inatsisitigut malitsigisaasut pillugit ilaqarnerusunik imaqartoq kiisalu ersersitsinerup imarisaanik.

Eqqartuussisarnermik inatsisikkut nr. 714, 8. juni 2018-imeersukkut (Pillaatissartallit suliani suliarinnittarnermik sivikillisaaneq) siunniunneqarpoq, pasisat, eqqartuussisarnermik inatsimmi § 832 malillugu, inatsimmik unioqqutitsinermut atatillugu akiliisitaasut ingerlaannaq akuersinissamut periarfissaqarnissaat aammalu akiliisinnaanissaat.

Oqaaseqaatigineqarpoq, allannginerup taamaallaat siunertarigaa, akiliisitsinernut akuersaanerit aamma akilernissaannut periarfissat annertusinissaanut tunngaviup aqqutissiuunnissaa. Tamanna pissuteqarpoq, allaffissornikkut aaqqiinermik nutaamik aqqutissiuussisoqartussaana, qanoq tjenestemandit politiit piffimmi akiliisitsinernut akuersaarnernik aamma akiliinernik tiguisinnaanerannik.

Annertusaaneq qulaani allassimasoq tunngavilersorniarlugu danskit eqqartuussisarnermik inatsisaanni aalajangersakkamik nutaamik (§ 832 a) ikkussisoqarpoq. Aalajangersakkaq malitsigivaa, inatsimmik unioqqutitsinermut atatillugu pisasaq akiliisitaanermut akuersaarpat aamma arsaagaasimasinnaanermut, pasisap noqqaassuteqarneratigut unnerluussisussaataasuniit akiliisitsissutip appartinneqarsinnaaneranut akuersaarsimaneq akornutaassanngitsoq, pasisap isertitakippaallaanera pissutigalugu. Aamma pisuni taamaattuni pasisap akuersaarnini ullut 14-it qaangiutsinnagit politiinut nalunaaruteqarnikkut tunuartissinnaavaa.

Allannginerup ilaatigut siunertarisimavaa, suliani pasisap ingerlaannartumik akiliisitaanermut akuerinnitsillugu suliarinninnermut piffissap sivikillineqarnissaa, taamaaliornikkut

akiliisitsiniarnermut piffissaq sipaarneqarluni. Allanguineq aamma eqqartuussivinni nukinnik atuilluarnissamut tunngaviussammat.

Justitsministeriap paasinninnerivaa, 2018-imi danskit eqqartuussisarnermik inatsisaannik allanguinerneq eqqarsaatiginninnerit tunngaviusut, Kalaallit Nunaat pillugu eqqarsaatiginninnermut aamma atuuttut. Tamanna aamma, suliassat nassuernertut suliarineqartut pillugit eqqartuussisarnermik inatsimmi siunnersuutigineqartoq § 449 a-mi malittarisassanik eqqussinermut attuumassuteqartutut isigineqartariaqarpoq, tak. inatsisissatut siunnersuummi immikkoortoq 2.2.2.1.

Taamaattumik siunnersuutigineqarpoq, inatsisissatut siunnersuutikkut danskit eqqartuussisarnermik inatsisaata allangortinneqarnissaanik inatsit nr. 714, 8. juni 2018-imeersup allangortinneqarnera (Pillaatissartalinni suliani suliarinninnerit siviussusaannik annikillilerineq) assigalugu akiligassamik ingerlaannartumik akuersinissamut aamma akiliinissamut periarfissap annertusineqarnissaa. Oqaaseqaatigineqarpoq, inatsisissatut siunnersuutikkut taamaallaat eqqartuussinertaqanngitsumik akiligassamik akuersisarnerup annertusinissaanut inatsisitigut tunngavissap aqutissiuunnissaa. Taamaattumik annertunerusumik misissorneqartariaqassaaq, Kalaallit Nunaanni pissutsit tunngavigalugit, allaffissornikkut aaqiineq nutaaq qanoq aqutis-siunneqarsinnaanersoq.

Qulaani allassimasumut atatillugu siunnersuutigineqarpoq, eqqartuussisarnermik inatsimmi aalajangersakkamik nutaamik ikkussisoqarnissaa (§ 449 c). Aalajangersakkap malitsigivaa, pasisaq inatsimmik unioqqutitsinermut atatillugu akiligassamut akuersisimappat aamma arsaagaasinnaanermut, akuersineq ajornatitsinngilaq noqqaasoqareneratigut unnerluussusissaatitaasunit akiligassap annikillineqarnissaanut, pasisap isertitakippaallaarnera tunngavigalugu. Pisuni taamaattuni aamma akuersinermiit ullut 14-it qaangiutsinnagit pasisap politiinut nalunaaruteqarnikkut akuersineq tunuartissinnaavaa. Aalajangersagaq siunnersuutigineqartoq danskit eqqartuussisarnermik inatsisaanni § 832 a-mut assinguvoq.

Immikkoortumi 2.2.2.1-imi allaqqasutut inatsisissatut siunnersuutitigut siunniunneqarportaaq, Kalaallit Nunaanni eqqartuussisarnermik inatsimmut suliat nassuernertut suliarineqartut pillugit immikkoortumik nutaamik eqqussisoqarnissaa, suliat nassuernertut suliarineqartut pillugit aamma eqqartuussinertaqanngitsumik akiliisitsinerit pillugit malittarisassanik imaqartumik danskit eqqartuussisarnermik inatsisaanni kapitali 76-imut assinguvoq.

Tassunga atatillugu siunnersuutigineqarpoq, eqqartuussisarnermik inatsimmi § 440 atorunnaarsinneqarnissaa, aamma aalajangersakkap imarisai siunnersuutigineqartumut § 449 b-mut nuunneqarnissai. § 449 b-mi aalajangersakkatut siunnersuutigineqartoq immikkuualuttut ataasiakkaat minillugit danskit eqqartuussisarnermik inatsisaannut § 832-imut assinguvoq.

§ 440-p akerlianik siunnersuutigineqartoq § 449 b akiligassamik akuersinermi inatsisitigut malitsigisaasut pillugit aamma nalunaarutip imarisassai pillugit malittarisassanik erseqqinnerusunik imaqqarpoq. Siunertaanngilaq aalajangersakkap atorneqqarfissaasa allanngortinneqarnissaat.

Inatsisissatut siunnersuummi § 1, nr. 11-mut aamma 12-imut, taakkunungalulu oqaaseqaatinut innersuussisoqqarpoq.

2.3. Pinerluttulerinermik suliani takkutinnngitsoornermi eqqartuussutit

2.3.1. Inatsisit atuuttut

2.3.1.1. Takkutinngitsoorneq pillugu sulianik suliaqqarneq

Inatsisini allamik aalajangigaqqanngippat, eqqartuussisarneq pillugu inatsimmi § 451, pkt. 1.-imi allassimasut naapertorlugit suliap eqqartuussutinngortinnissaata tungaanut, pinerluttulerinermik suliami eqqartuussutissamik isumaqatigiinniarnep tamarmiusup nalaani Unnerluussaasoq nammineq eqqartuussivimmi najuutissaaq. Taamaattoq eqqartuussisut siulittaasuat, unnerluussaasup oqaaseqareernerata kingorna, eqqartuussisarneq pillugu inatsimmi tak. § 451, pkt. 2.-mi allassimasut naapertorlugit unnerluussaasumit eqqartuussiviup qimannissaanut akuersisinnaavoq.

Inatsisit malillugit unnerluussaasoq qaaqusaagaluarluni takkutinnngitsoorpat, eqqartuussisarneq pillugu inatsimmi § 452, imm. 1 naapertorlugu pinngitsaaliineq atorlugu eqqartuussivimmut pineqartoq sassartinneqqarsinnaavoq. Taamaalilluni eqqartuussivik tigusarinneqqusissuteqqarsinnaavoq, eqqartuussutissamik isumaqatigiinniarnermut qaaqqusummi erserpat, Unnerluussaasoq nammineq takkuttariaqartoq aammalu takkutinnngitsoornermi tigusarineqqarneq naatsorsuutigineqqarsinnaasoq.

Unnerluussaasoq akuerisaasumik nassuiaasigaanngitsumik (atorsinnaasumik, assersuutigalugu napparsimanermik eqqartuussiviliarsinnaajunnaarsitsisumik peqquteqqarani), takkutinnngitsoorpat imaluunniit nassuiaateqqarumanani, taarsiullugu eqqartuussiviup suliaq unnerluutigineqqartup nassuerneratut suliarisinnaavaa, uppernarsaatinillu saqqummiussinertaqqanngitsumik, eqqartuussisarneq pillugu inatsimmi § 452, imm. 2, pkt. 1.-imi allassimasut naapertorlugit suliaq aalajangiiffigalugu. Taamaattoq, suliap ingerlanneqqarnerani akiliisitsinermik, arsaarinninnermik, ingerlatitsinermut allagartaajagaanermik aamma taarsiisitsinermik iliuusissanit allaanerut pillugit apeqquteqqanngippat, aammalu suliaq, § 452, imm. 2, pkt. 2.-mi allassimasut naapertorlugit unnerluussaasumut annertunerusumik sunniuteqqanngippat, tamanna taamaallaat atuuppoq.

Pisoq § 452, imm. 2-mut ilaatinneqqanngikkaluartoq, pinerluttulerinermik suliami eqqartuussutissamik isumaqatigiinniarnep aallaqqaataani imaluunniit ingerlanerani unnerluussaasoq takkutinnngippat, aamma pineqartoq ingerlaannaq takkutitinneqqanngippat,

eqqartuussisarneq pillugu inatsimmi § 453, imm. 1 naapertorlugu, imm. 2 aamma 3 malillugit eqqartuussutissamik isumaqatigiinniarnaq tamakkiisumik imaluunniit ilaannakortumik suliariniarlugu eqqartuussiviup aalajanginngippagu, eqqartuussisarneq pillugu inatsimmi § 453, imm. 1 malillugu, suliaq kinguartinneqassaaq.

Naak inatsisit malillugit qaaqquneqaraluarluni atorsinnaasumillu patsisaasumik nalunaaruteqarsimanani unnerluussaasoq takkutinngippat, eqqartuussisarneq pillugu inatsimmi § 453, imm. 2 malillugu unnerluussaasoq eqqarsaatigalugu eqqartuussiviup naleqquttutut isigippagu, aamma killisiuinissap kinguartinneqarnissaa takkuttunut annertuumik ajoqutaassappat (assersuutigalugu ilisimannittoq ataaseq arlallilluunniit angalasuuppata) imaluunniit suliap annertuumik kinguartinneqarsinnaanerani kinguneqarsinnaappat takkussimasunik ilisimannittunik naliliisartunillu killisiuisoqassasoq eqqartuussivik aalajangersinnaavoq. Taamaattoq unnerluussaasoq illersuisumit sinniisuffigineqarpat, illersuisuusoq takkussimappat killisiuineq taamaallaat pisinnaavoq.

Eqqartuussisarneq pillugu inatsimmi § 453, imm. 3, nr. 1-miit 5-imut naapertorlugit eqqartuussutissamik isumaqatigiinniutigineqartoq pisut ilaanni unnerluussaasup peqannginnerani eqqartuussutinngorlugu suliarineqarsinnaavoq. Oqariartaatsimi ”suliap suliarineqarnera”-ni uppersaatit saqqummiussuinerut, ilatillugit ilisimannittunik, misissuisartunik naliliisartunillu killisiuinertut, aammalu unnerluussisuusup illersuisuusuullu suliaq pillugu oqaaseqaasiaminnik saqqummiinerattut (procedere), tamatumalu kingornagut eqqartuussiviup (takktutinnginnermik)-eqqartuussummik oqaatiginissinnaanerattut paasineqassaaq. Unnerluussaasumut oqaaseqarnissaq siunertaralugu, eqqartuussummik isumaqatigiinniarnep nalaani, assersuutigalugu paasissutissamik pingaarutilinnik nutaanik pissuteqartumik, unnerluussaasup najuunnissaa pisariaqartoq imaluunniit kissaatiginartoq, eqqartuussisuusup nalilerpagu, eqqartuussummik isumaqatigiinniarnaq unitsissallugu aammalu suliaq kinguartissallugu eqqartuussisuusup aalajangersinnaavaa.

Aalajangersagaq malillugu eqqartuussutissamik isumaqatigiinniarnaq unnerluussaasup peqannginnerani eqqartuussutinngortillugu suliarineqarsinnaavoq:

- 1) akiliisitsinermik, arsaarinninnermik, ingerlatitsisinnaanermut allagartaajaanermik imaluunniit taarsiisussaataitanermik allaanerusumik malitseqassanngitsoq nalilerneqarpat,
- 2) unnerluussaasup peqannginnerani suliap ingerlanneqarnissaanut aalajangiivigineqarnissaanullu unnerluussaasoq isumaqataappat,
- 3) suliap ingerlanneqarnerani unnerluussaasup qularutissaanngitsumik pinngitsuutinneqarnerani kinguneqassasoq eqqartuussiviup nalilerpagu,
- 4) unnerluussaasoq suliap aallartinnerani najuuteriarluni, eqqartuussiviup akuerinngisaanik taanna qimappagu, imaluunniit
- 5) unnerluussissutip nalunaajaatigineqarnerata kingorna, unnerluussaasoq qimaasimappat.

§ 453-imut nassuiaatit (Folketingstidende 2007-08, katersuunnerit aappaat, ilassut A, qupp. 1505) naapertorlugit, unnerluussaasup najuunnissaa eqqartuussiviup pisariaqartutut isiginngikkaa, aammalu illuatungaani unnerluussaasup inatsisitigut illersugaanera eqqarsaatigalugu, aappaatigullu suliap aalajangiinerullu sivitsorsarneqarpallaannginnissaa eqqarsaatigalugu, eqqartuussiviup peqqissaartumik nalilertariaqaraa, pisuni tamani piumasaqaataavoq.

Unnerluussaasup akerraliiisinnatitaanerata qulakkeerneqarnissaa siunertaralugu, Kalaallit Nunaanni eqqartuussiveqarneq pillugu Kalaallit Nunaanni Eqqartuussiveqarnermik Ataatsimiititaliarisup isumaliutissiissutaa nr. 1442/2004 atuagaq II, qupp. 583 naapertorlugu, eqqartuussisarneq pillugu inatsimmi § 453, imm. 4, pkt. 1.-imi allasimasut malillugit, suliaq, unnerluussaasup illersuisumit sinniisuuffigineqarfigineqartoq, illersuisuusup najuunnerani taamaallaat, pisuni qulaani eqqaaneqartuni eqqartuussutinngortillugu suliarineqarsinnaavoq.

Unnerluussaasumut inatsisitigut illersugaaneq eqqarsaatigalugu qularnaveeqqutitut, unnerluussaasoq akuerisaasumik peqquteqarani takkutinngitsoornerup kingunerisinnaasai pillugit, unnerluussut pillugu oqarfigineqarnermini paasissutissinneqarsimappat, unnerluussaasoq ilaatillugit akiliisitsissuteqartoqarnermut, arsaarinninnermut, ingerlatitsisinnaanermut allagartaajagaanermut imaluunniit taarsiisuteqarnissamut pissutsinut, unnerluunneqartumut tunngasunut, eqqartuunneqarneranik kinguneqarsinnaaneranut, imm. 3, nr. 1 malillugu, suliaq taamaallaat eqqartuussutinngortillugu suliarineqarsinnaanera, pillugu § 453. imm. 4, pkt. 2.-mi allasimasut malillugit, ilassutitut piumasaqaat atuuppoq.

Nr. 2, 4 imaluunniit 5 malillugu eqqartuussutissamik isumaqatigiinniarnaq suliarineqarsinnaanani, nalilerneqarpat isertitsivimmuut inissiisoqarsinnaasoq, eqqartuussisarneq pillugu inatsimmi § 453, imm. 3 malillugu unnerluussaasup peqannginnerani eqqartuussutissamik isumaqatigiinniarnaq eqqartuussutinngortissallugu periarfissaqanngilaq.

Nunamik allamiumik unnerluussaasup anisinneqarnissaa pillugu apeqqummut, suliaq eqqartuussisutigineqarsinnaanngilaq unnerluussap peqannginnerani, pissutsini maanna eqqartuussisarnermut inatsimmi § 453, imm. 3, nr. 1-imi taakkartorneqartuni. Tamatumunnga pissutaavoq, suliani takkutinngitsoornermi eqqartuussutinut tunngassutilinni aalajangersakkani nunamit anisitaaneq ilaatinneqanngimmat.

Taamaattorli periarfissatut isigineqarsinnaavoq unnerluussaasup anisinneqarnissaa pillugu apeqqummut pisuni unnerluussap peqannginnerani maanna eqqartuussisarnermut inatsimmi § 453, imm. 3 nr. 2-5-mi allaqqasut malillugit eqqartuussisukkoortitsineq, taakku aalajangersakkat killilersuutinik pillaatissinerup saniatigut allanik eqqartuussisutigut kinguneqartitsinernik imaqqanngimmata.

Anisitsineq Nunami allamiut pillugit inatsisip Kalaallit Nunaannut atortuulernera pillugu peqqussummi nr. 150, 23. Februar 2001-meersumi kapitali 4 malillugu pissaaq.

2.3.1.2. Takkutinngitsoortut pillugit suliani illersuisussanngortitsisarneq

Eqqartuussisarneq pillugu inatsimmi § 321, imm. 1, nr. 1-3 naapertorlugu sukumiinerusumik tulleriarlugit allattukkanik piumasaqaatinik naammassinnittumik, suliami ataatsimeeqataasinnaasumik, pasissaasoq nammineerluni eqqartuussivilerisinnaatitaasumik illersuisussarsisimangippat, eqqartuussisarneq pillugu inatsimmi § 321, imm. 1 malillugu, eqqartuussivik pasisaasumut illersuisussaliissaaq.

Eqqartuussisarneq pillugu inatsimmi § 321, imm. 1-imi aalajangersagaq atuuttoq malillugu, suliani § 453, imm. 3, nr. 1 malillugu suliarineqartuni illersuisuliisussaataaernerik atuisoqassanngilaq.

2.3.1.3. Takkutinngitsoortut pillugit suliat ingerlannerini uppersaatitut atortut

Eqqartuussisarneq pillugu inatsimmi § 467, imm. 2, nr. 1-5-imut malillugit, sukumiinerusumik tulleriarlugit allattukkat arlallit allakkiat, eqqartuussutissamik isumaqatigiinniarnermi uppersaatitut atorneqarsinnaapput.

Taamaalilluni eqqartuussisarneq pillugu inatsimmi § 453, imm. 3 malillugu suliarineqartunut sulianut tunngatillugu, unnerluutigineqartup pasisaaneq pillugu killisiorneqarnermini nassuiaataanit, eqqartuussinermi allattugaatini nassuiaanernik issuaanerit, unnerluussaasoq takkutinnngippat, eqqartuussutissamillu isumaqatigiinniarneq § 453, imm. 3 malillugu ingerlanneqarpat, uppersaatitut atorneqarsinnaapput.

Tamatuma akerlianik suliani pineqartuni, eqqartuussiviup qaqtigoorluinnartumik tamanna imm. 3 malillugu akuersissutiginnngippagu, politiit nalunaarusiaannut unnerluussaasup nammineq nassuiaataanik uppersaaneq pisinnaanngilaq. Tamatuma akerlianik inatsisunik unioqutitsinermi pissutsit, ilaatillugit assersuutigalugit tigusarinninnermut atatillugu piffissaq aamma sumiiffik aamma pissutsit pillugit politiit nalunaarusiorneri suleriaaseq malillugu uppersaatigineqarsinnaapput.

2.3.1.4. Takkutinngitsoornerit pillugit suliani eqqartuussummik nalunaarutiginninnerit

Eqqartuussisarneq pillugu inatsimmi § 474, imm. 3, pkt. 2.-mi allassimasut malillugit, nalunaarutiginninnermi unnerluussaasoq najuussimanngippat, eqqartuussutip allakkiartaa unnerluussaasumut nalunaarutigineqassaaq. § 453, imm. 3 malillugu unnerluussaasup najuutinnginnerani suliaq eqqartuussutinngortillugu suliarineqarsimappat, § 474, imm. 3, pkt. 3.-mi allassimasut naapertorlugit allakkiat unnerluussaasumut nalunaajaatigineqassaaq.

Eqqartuussaasumut namminerit nalunaajaatiginninnerup pinissaa pillugu maleruagassamik aalajangersagaq atuuttoq imaqqanngilaq.

2.3.1.5. Takkutinngitsoornerit pillugit suliat aallarteqqinneqarneri

Unnerluussaasoq takkutinnitsoorsimasooq § 452, imm. 2 malillugu eqqartuussaasimaguni, assersuutigalugu unnerluussaasoq eqqartuussinissaq puigorsimaguniuk imaluunniit takkussinnaannginnerminut nalunaarnissamut periarfissaqarsimannikkuni § 452, imm. 3, pkt. 1.-imi allassimasut naapertorlugit suliap aallarteqqinneqarnissaa pillugu pineqartup qinnutigisinnaavaa. Suliap aallarteqqinneqarnissaanut, unnerluussaasup takkutinnitsoornerata akuerisaasumik pissuteqarnera, apeqqutaanngilaq. Eqqartuussisarneq pillugu inatsimmi § 452-imut nassuiaatit (Folketingstidende 2007-08, katersuunnerit aappaat, ilassut A, qupp. 1505) naapertorlugit suliap aallarteqqinnissaanut pisinnaatitaaffik ataasiaannarlugu atorneqarsinnaavoq.

§ 452, imm. 3, pkt. 2.-mi allassimasut naapertorlugit eqqartuussut pillugu eqqartuussaasup nalunaarfigineqarnerata kingorna kingusinnerpaamik ullut 14-it qaangiutsinnagit eqqartuussivimmu tassunga suliami eqqartuussummik nalunaaruteqartumut qinnuteqaat saqqummiunneqassaaq.

Suliamik aallartitseqqinnissaq itigartitsissutaappat, § 452, imm. 3, pkt. 3.-mi allassimasut naapertorlugit eqqartuussiviup aalajangiinerata kingorna sapaatit akunneri sisamat qaangiutsinnagit Den Særlige Klageret-imut 'Maalaarutinut Eqqartuussivimmu Immikkut Ittumut' apeqqutit tunniunneqarsinnaapput.

Eqqartuussutissamik isumaqatigiinniarnermut nutaamut eqqartuussaasoq takkutinnitsoorpat, § 452, imm. 4 naapertorlugit eqqartuussiviup suliaq inaassavaa, eqqartuussullu siusinnerusukkut nalunaarutigineqartoq atuutiinnassaaq.

Eqqartuussisarneq pillugu inatsimmi § 452, imm. 2 malillugu suliat eqqartuussutinngortillugit suliarineqartunut atuuttup akerlianik, § 453, imm. 3, nr. 1-5-imut malillugit suliat eqqartuussutinngortillugit suliarineqartut aallarteqqinnissaat pillugu maleruagassamik eqqartuussisarneq pillugu inatsit imaqqanngilaq.

2.3.2. Justitsministerie-p isumaliutai aammalu aaqqiineq siunnersuutigineqartoq

2.3.2.1. Takkutinngitsoornerit pillugit suliat suliarineqartarnerat

Eqqartuussisarneq pillugu inatsimmi § 452-imut nassuiaatini (Folketingstidende 2007-8, katersuunnerit aappaat, ilassut A, qupp. 1504-mi) ersippoq, 2011-imi aamma 2017-imi akuerineqartoq qallunaat aalajangersagaanik allannguut kingusinnerpaaq sioqqullugu, qallunaat eqqartuussisaaseq pillugu inatsisaanni § 897, imm. 1, aalajangersakkami imm. 2-p assigigaa.

Eqqartuussisarneq pillugu inatsimmi § 453-imut nassuiaatit (Folketingstidende 2007-8, katersuunnerit aappaat, ilassut A, qupp. 1505-i) malillugu, qallunaat eqqartuussisaaseq pillugu inatsisaanni § 855 tunuliaqutaralugu aalajangersagaq annertunersamigut ilusilersorneqarsimavoq, piffissami tassani. Qallunaat aalangersagaat 2007-imiit allanngortinneqarpoq 2014-imi, 2017-imi 2019-imi aammalu 2021-imi.

Qallunaat eqqartuussisarneq pillugu inatsisaanni § 855 aamma § 897, ilaatigut eqqartuussisarneq pillugu inatsimmik allannguneq pillugu inatsit nr. 203, 28. Februar 2017-imeersumik, pillaatissiinermik naammassinninneq il. il. pillugu inatsimmik aamma qarasaasiakkut attaveqaqatigiissutinut attaveqaatit aamma kiffartuussiffiit (takkutinngitsoornermi eqqartuussutit, nalunaajaatit aamma pillaatissiiffiusuni suliani qarasaasiakkut attaveqaqatigiissutinik atuineq il. il.) pillugit inatsimmik kingorna allanngortinneqarput.

Ilaatigut pillaatissiissutinik suliat tullerriaaginnavissut ingerlalluarneqarsinnaanerit siunertaralugu, inatsimmik allannguinikkut ataatsimut isigalugu takkutinnitsoornermi eqqartuussutinik nalunaarutiginninnissanut periarfissat annertusineqarput. Allannguinerit pineqartut eqqartuussisarneq pillugu politikkerisamut siunnersuummik “(inuiaqatigiittut) Peqatigiiffigisanut ataqqinninneq – Respektpakke 1” (“Ataqqinninneq pillugu katitikkat”)-mik aallaaveqarput.

Siunnersuummi oqallisissiarineqarpoq, piunasaqaatit naammassineqarsimappata, unnerluussaasup takkutinnitsoornerani takkutinnitsoornermi eqqartuussutit atorerinut aallaaviusiq, siunissami allanngortinneqassasq, taamaalilluni eqqartuussiviit suliamik (naammassinnissinnaaginnaratik) naammassinnittalissasut. Tamatuma kingorna pillaatissiissummik suliaq, periararfissaagallartillugu, takkutinnitsoornermi suliatut suliarineqassanngippat, immikkut ittumik peqquteqaqqaartariaqarpoq. Taamaalilluni piunasaqaataalerpoq, Folketingstidende 2016-17, A, L 105 qupp. 16-imiittoq naapertorlugu maleruagassani periarfissaatillugu, siunissami suliani tamani takkutinnitsoornermi eqqartuussummik nalunaarutiginnittoqartalissasq.

Allannguinerup nassataraa siullertut, qallunaat eqqartuussisarneq pillugu inatsisaanni § 855, imm. 3, allanngortinneqarmat, taamaalilluni, unnerluussisuusiq tamatuminna qinnuteqarpat, eqqartuussiviullu unnerluussaasup najuunera pisariaqartinngippagu, unnerluussaasup peqannginnerani, eqqartuussutissamik isumaqatigiinniarnaq suliarineqartussanngorlugu. Tamatuma saniatigut takkutinnitsoornermi eqqartuussummik nalunaarutiginninnissamut piunasaqaatit aammattaaq naammassineqarsimassapput.

Allannguinerup aappaatut nassataraa, eqqartuussisarneq pillugu inatsimmi § 897, imm. 1 allanngortinneqarmat, taamaalilluni, suliami akiliisitsinermiit pillaat annerusiq pillugu apeqquteqanngippat, pineqartup unnerluussaasimaneratut, pissutsit allat tamatuminna allannguinngippata, unnerluussaasq akuerisaasumik nalunaartigineqarsimasumik peqquteqarnani

eqqartuussutissamik isumaqatigiinniarnermut takkutinnitsoorpat, nassuiaateqarumangippat imaluunniit § 896 a naapertorlugu eqqartuussinissaq pillugu qinnuteqarsimangippat, suliaq unnerluussaasup pissutsinut pineqartunut nassuersimaneratut eqqartuussivimmit *suliarineqassalluni*.

Kiisalu, eqqartuussisarneq pillugu inatsimmi § 855, imm. 3, nr. 3 malillugu unnerluussaasup peqannginnerani eqqartuussutissamik isumaqatigiinniarnerp eqqartuussutinngortillugu suliarineqarsinnaanerani, unnerluussaasup eqqartuussutissamik isumaqatigiinniarnerp naammassineqarnissaanut isumaqataanerarsimappat, eqqartuussummut killigititaasoq qaammatini 6-ni pinngitsoorani parnaarussaaniissamiit, ukiumi 1-imi pinngitsoorani parnaarussaaniissamut sivitsorneqarpoq, tamatuma peqatigisaanik, eqqartuussisarneq pillugu inatsimmi § 855, imm. 3, nr. 4 malillugu unnerluussaasup peqannginnerani eqqartuussutissamik isumaqatigiinniarnerp eqqartuussutinngortillugu suliarineqarsinnaanerani, (unnerluussaasoq isumaqataatinneqaqqaarani), qaammatini 3-ni pinngitsoorani parnaarussaaniissamiit, qaammatini 6-ni pinngitsoorani parnaarussaaniissamut sivitsorneqarpoq.

Aammattaaq, eqqartuussisarneq pillugu inatsimmik (anisitsinissaq aamma eqqartuussinerni assiliartalimmik telekommunikation-imik atuineq pillugu oqaatigineqartuni suliani takkutinnitsoornermi eqqartuussutit) allanngineq pillugu inatsisikkut nr. 485, 30. April 2019-imeersukkut, qallunaat eqqartuussisarneq pillugu inatsisaanni § 855 allanngortinneqarpoq. Pillaatissiissutinik sulianik tullerriaaginnavissunik sukkanerusumik suliarinnissinnaaneq siunertaralugu suliani, anisitsinissaq pillugu apeqquteqartillugu, suliap nalaani unnerluussaasoq najuutinngikkaluartoq, pillaatissiissummik suliap eqqartuussutinngortillugu suliarinnissinnaanngornissamik periarfissap annertusarnissaa inatsimmik ilaatigut siunertaasimavoq.

Tamanna tunulequtaralugu, unnerluussaasup najuunnissaa pisariaqartutut isigineqanngippat, ilatillugu unnerluussaasup anisinneqarnissaa pillugu apeqqummut toqqissillutik eqqartuussisut aalajangiinissamut atugassaqaqqullugit, unnerluussaasup najuutinnginnerani, suliap ingerlanerani isummerfigineqarsinnaasutut eqqartuussinerup malitsigisaatut, qallunaat eqqartuussisarneq pillugu inatsisaanni § 855, imm. 3, nr. 3 aamma 4-mut anisitsineq ikkunneqarpoq.

Pinerluttoqarsimaneranik suliani takkutinnitsoornermi eqqartuussutinik atuinissamut periarfissamik annertusisamik atulersitsisoqartariaqartoq Kalaallit Nunaanni Eqqartuussiveqarnermut isumalioqatigiissitat innersuussutigisimavaat.

Kalaallit Nunaanni Eqqartuussiveqarnermut isumalioqatigiissitat innersuussutaat Justitsministeriamit isumaqatigineqarpoq.

Taamaattumik, eqqartuussisarneq pillugu inatsimmi § 452, imm. 2, pkt. 1.-imi, 2017-imi eqqartuussisarneq pillugu inatsimmi § 897, imm. 1-ip allanngortinneqarnerata assinganik allanngortinneqassasut inatsisissatut siunnersuummik siunnersuutigineqarpoq.

Unnerluussaasoq akuerisaasumik peqquteqarani takkutinngitsoorpat, soorlusooq unnerluussaasoq nassuersimasooq, suliarlu annertunerusumik uppersaasarsunnigikkaluarlugu aalajangiivigalugu, eqqartuussiviup suliaq suliarisinnaaginnarnagu, kisianni suliarisassagaa, allannguinerup nassataraa. Tamatuma saniatigut aalajangersakkap atuuffissaani suliassaqarfimmi allannguiniartoqanngilaq.

Aammattaaq, eqqartuussisarneq pillugu inatsimmi § 453, imm. 3 aamma 4, nutaamik allanneqassasut, taamaalilluni qallunaat eqqartuussisaasianni unnerluussaasup takkutinngitsoorneranut atatillugu suliat suliarineqartarnerat pillugu inatsimmi § 855, imm. 3 aamma 4-mi aalajangersakkat tamakkiisumik kalaallit eqqartuussisaaseq pillugu inatsisaannut nuunneqassasut, siunnersuutaavoq.

Tamanna siullermik isumaqarpoq, unnerluussaasoq takkutinngitsoorpat, unnerluussisuusut tamanna pillugu qinnuteqarpata, aamma tamatumunnga piunasaqaataasut naammassineqarsimappata, 2017-imi, qallunaani eqqartuussisarneq pillugu inatsimmi § 855, imm. 3-mik allanngineq assigalugu, eqqartuussisarneq pillugu inatsimmi § 453, imm. 3, allanngortinneqartoq, taamaalilluni erseqqissumik allassimalerluni, eqqartuussiviit suliaq naammassisassagaa. Tamatuma kingorna, periarfissaqartillugu, pinerluttulerinermik suliaq, takkutinngitsoortoqartillugu suliatut suliarineqassanngippat, immikkut ittumik peqquteqartariaqartoq piunasaqaatalissaaq. Taamaalilluni maleruagassani periarfissaatillugu, suliani tamani, takkutinngitsoortoqartillugu eqqartuussutinik oqaatiginnittoqartalissasoq piunasaqaataalerpoq.

Aammattaaq allannguinerup nassataraa, pineqaatissinneqarsimasunut inissiisarfirmut inissiisoqarsinnaaneratul nalilernerqarpat, eqqartuussisarneq pillugu inatsimmi § 453, imm. 3 malillugu unnerluussaasup peqannginnerani, unnerluussaasoq isumaqataateqqaarnagu eqqartuussummik isumaqatigiinniarnep eqqartuussutinngortillugu suliarineqarsinnaalernissaa periarfissaalissasoq. Suliani unnerluussisuusut anisitsinissamik piunasaqarfianni, unnerluussaasup peqannginnerani eqqartuussummik isumaqatigiinniarnep eqqartuussutinngortillugu suliarineqarnissaa aammattaaq periarfissaalissaaq.

Tamatuma kingorna, unnerluussisuusut tamatuminnga qinnuteqaateqarpata, aammalu unnerluussaasup najuunnissaa eqqartuussiviup pisariaqartutut isiginngippagu, suliap nalaani taamaallaat ukiumik 1-imik imaluunniit sivikinnerusumik pineqaatissinneqarsimasunut inissiisarfirmut inissiinissaaq, arsaarinninneq, anisitsineq, ingerlatsisinnaanermut allagartaajagaaneq imaluunniit taarsiisussaataaneq pillugu apeqqutaatinneqarpat, siunnersuutigineqartorlu § 453, imm. 3, nr. 3 naapertorlugu eqqartuussummik isumaqatigiinniarnep suliarineqarnissaanut unnerluussaasoq isumaqataasimappat, pinerluttulerinermik suliami eqqartuussummik isumaqatigiinniarnep, unnerluussaasup peqannginnerani eqqartuussutitut suliarineqartalissaaq. Tamatuma akerlianik pinerluttulerinermik suliaq sunaluunniit, § 453, imm. 3, nr. 2-mi aalajangersagaq atuuttoq malillugu suliarineqarnissaatut suliarineqarsinnaasoq isumaqatigineqarsinnaanngilaq.

Aammattaaq siunnersuutigineqartoq § 453, imm. 3, nr. 4 naapertorlugu, unnerluussaasoq qaammatini 6-ni imaluunniit sivikinnerusumik pinerluuteqarsimasunik inissiisarfirmut inissinneqarnissamit, akiliisitaanermit, arsaarinniffigineqarnermit, anisitaanermit, ingerlatsisinnaanermit allagartaajagaanermit imaluunniit taarsiisussaataitanermit allanik malitsigititanik eqqartuunneqanngippat pinerluttulerinermik suliami eqqartuussummik isumaqatigiinniarneq, unnerluussaasup peqannginnerani eqqartuussutinngortillugu suliarineqartalissaaq. Eqqartuussummik isumaqatigiinniarnep ingerlanneqarnissaanut unnerluussaasup isumaqataanerminik saqqummiussaqaarsimansoq apeqqutaatinnagu tamanna atuuppoq. Taamaattoq, siunnersuutigineqartoq § 453, imm. 4 naapertorlugu unnerluussaasup isumaqataanerminik saqqummiussaqaarsimanngippat, suliap suliarineqarnissaanut, unnerluussaasoq inatsisit malillugit eqqartuussummik isumaqatigiinniarnissamut aggersarneqarsimassasoq piumasqaataavoq, aamma aggeqqusissummi ersissasoq, inatsisitigut akuerisaasumik peqquteqarani takkutinnitsoorneq, unnerluussaasoq pissutsinut unnerluussutaasunut eqqartuunneqarneranik nassataqarsinnaasoq.

Nunami allamiup Danmarkimut attuuattuumassuteqarnini pillugu paasisutissanik ilanngussisimanngippat – soorlu peqqussummi nunami allamiut pillugit inatsip § 26-a naapertorlugu killisiuinermit – taava tamanna imminermit naammannaviannngilaq eqqartuussiviup suliap eqqartuussutigineqartinngitsoornissaanut.

Akerlianilli eqqartuussiviup isumaqarfigippagu, unnerluussap eqqartuussinermi najuunnissaanut aalajangersimasunik peqqutissaqartoq, taava eqqartuussiviup aalajangiiffigisinnaavaa unnerluussaasup peqannginnerani suliaq eqqartuussutigineqarsinnaanngitsoq. Eqqarsaatigineqarsinnaavoq soorlu nunami allamiup akuersissuteqarluni nunami tassaniinnerata sivilissusaanut tunngassutilinnik paasisutissanik amigaateqartoqarpat imaluunniit assingusunik paasisutissanik inummut tunngassutilinnik amigaateqartoqarpat, unnerluussaasut anisitaanissaanut apeqqummut aalajangiisooqataasinnaasunik.

Kiisalu allannguutip nassataaraa, eqqartuussisarneq pillugu inatsimmi § 453, imm. 4-mi allassimasoq, unnerluussaasoq illersuisumit sinniisuuffigineqarpat, illersuisuusorlu najuulluni, suliaq imm. 3 malillugu suliarineqarsinnaasoq. Inatsisissatut siunnersuummik, pineqaatissinneqarsimasunut inissiisarfirmut inissiisoqarnissaanik apeqqutaatitsisoqartillugu, suliani § 453, imm. 3 malillugu suliarineqartuni, pinngitsoorani illersuisumik atorfinitsitsineq pillugu aaqqiinermit atuutilersitsisoqarallarpog. Ataani allassimasutut inatsisissatut siunnersuummi imm. 2.3.2.2.-up ataani nassuiaatinut innersuussisoqarpoq.

Tamatuma saniatigut, § 453, imm. 3 aamma 4-mik aaqqissuisoqarnikkut allannguutinik arlalinnik siunnersuut nassataqarpoq. Allannguutinik tamakkuninnga aalajangersakkat sinnerini suliaqarfinni atuuffiini allannguiniartoqanngilaq.

Naggasiutigalugu maluginiaqquneqarpoq qallunaat eqqartuussisarnermut inatsisaanni § 855 aamma § 897 allanngortinneqarnikummata inatsimmi nr. 1169, 8. Juni 2021-imeersumi. Tamanna isiginiarneqarsimannigilaq inatsisissatut siunnersuummi, tassami tamanna suliarineqarnikummat inatsimmi allannguutit Folketingimi akuersissutigineqanngikkallarmata.

Inatsisissatut siunnersuummi § 1, nr. 13-mut aamma 14-mut kiisalu tamatumunnga nassuiaatinut innersuussisoqarpoq.

2.3.2.2. Takkutinngitsoortoqarnera pillugu suliani illersuisussanngortitsisarneq

Inatsisikkut nr. 369, 18. Maj 1994-imeersukkut (eqqartuussisutut angalasarnermik aaqiineq, nalunaajaaneq, pineqaatissiinermik suliani kiisalu akiliisitsissutinut akissarsianit ilanngaasarnerni, suliamut aningaasartuutini aamma aningaasanik arsaarinninnermi takkutinnitsoortoqarnerani eqqartuussutit il.il.) unnerluussaasumut inatsisitigut illersugaaneq eqqarsaatigalugu qularnaveeqqutitit ilillugu, qallunaani eqqartuussisarneq pillugu inatsimmi § 855, imm. 3, nr. 4 malillugu unnerluussaasup peqannginnerani suliap suliarineqarnissaanut piumasqaatit, qallunaani eqqartuussisarneq pillugu inatsimmi § 731, imm. 1, naqinneq j malillugu illersuisussanngortitsisoqartassasoq aalajangersarneqarpoq.

Inatsisissatut siunnersuummut nassuiaatini ersepoq, takkutinnitsoortoqarnerani suliani illersuisussanngortitsisarneq eqqarsaatigalugu aaqiinerup piareersarneqartarnera, qularnanngitsumik periaatsit assigiinngitsut atorlugit pisinnaasassasoq. Periaasiusinnaasoq tassaavoq, eqqartuussivik, unnerluussisut suleqatigalugit, aaqiinerup atuuffigisinnaasaanik, pingaartumik aalakoornartortalinnik imigassartorsimalluni biilersimanermut tunngassutilinnik imaluunniit allagartaajagaaffimmi biilersimaneq pillugu sulianik toqqartuineq. Suliani tamakkunani unnerluussutit allannera unnerluussaasumut namminermut nalunaajaatigineqassaaq, pineqartorlu tamatumunnga peqatigitillugu, takkutinnitsoorneq parnaarussaananissamik eqqartuunneqarnermik nassataqarsinnaanera pillugu allakkatigut nalunaarfineqassaaq. Suliat taamaattut amerlassusilerlugit piffissamut aalajangikkamut suliassanngortinneqassapput. Piffissami tamatumani takuneqarsinnaassaaq, unnerluussaasut ilaat takkussimasut, ilaallu allat takkussimanningsut. Tamatuma kingorna unnerluussaasut takkussimasut pillugit suliat suliarineqaaqassapput. Tamakkuninnga sulianik suliaqarneq ingerlatillugu, eqqartuussivik, unnerluussaasumut imaluunniit unnerluussaasaasunut takkutinnitsoortunut illersuisussanngortinneqarsinnaasumik, tamakkuninnga sulianik ingerlatsisinnaatitaasumik inatsisilerituumik ataatsimik arlalinnilluunniit qaaqqusissaaq. Aaqiinerusinnaasumik pilersitsisoqarsinnaavoq, suliat taamaattut suliarineqarnerini, eqqartuussivimmi aalajangersimasumik illersuisumik najuuttoqartitsisoqartarluni, imaluunniit illersuisumik ataatsimik arlalinnilluunniit aggerteriaannaasunik piareersimasoqartarluni. Unnerluussaasut takkussimasut pillugit suliat eqqartuussivimmit suliarineqarneranni, illersuisup illersuisussanngorfigisimasani unnerluussaasut takkutinnitsoorsimasut pillugit suliat imarisaannik misissuissalluni illersuisuusoq periarfissinneqartassaaq. Piffissaliunneqarsimasoq

naammassimangippat, eqqartuussiviup illersuisuusoq sivikitsumik ilassutaasumik piffissalersinnaavaa. Tamatuma kingorna unnerluussisuusup aamma illersuisuusup peqataaffigisaannik nalinginnaasumik periaaseqarluni unnerluussaasoq takkutinnngitsoortoq imaluunniit takkutinnngitsoortut pillugit suliat suliarineqartassapput. Eqqaaneqareersutut eqqartuussiviit ataasiakkaat imminnut tulluarnerusorisaminnik periaatsimik, sumiiffinni pissutsinut tulluarnertitaminnik, ujartuissapput, tak. Folketingstidende 1993-94, ilassut A, sp. 8056-8057.

Imm. 2.3.2.1. naapertorlugu, eqqartuussisarneq pillugu inatsimmi § 453, imm. 3 malillugu atuuffigisassatut suliaasaqarfimmik ilassuteqarneq siunnersuutigineqartoq tunuliaqutaralugu, eqqarsaatigisassat, 1994-imi Danmark-imi inatsimmik allannguinnermut tunngavigineqartut, aammattaq Kalaallit Nunaannut atuuttut Justitsministeriamit isumaqarfigineqarpoq.

Taamaalilluni siunnersuutaavoq, kalaallini eqqartuussisarneq pillugu inatsimmi § 321, imm. 1-imi, qallunaani eqqartuussisarneq pillugu inatsimmi § 731, imm. 1, naqinneq j-imut assingusumik, pinngitsoorani illersuisussanngortitsisoqartarnissaanut inatsisitigut tunuliaqutissamik ikkussisoqassasoq, tamatuma kingorna, suliani, § 855, imm. 3, nr. 4 malillugu suliarineqartuni, pineqaatissinneqarsimasunut inissiisarfimmut inissiinissaq pillugu apeqquteqarfiusuni, unnerluussaasoq nammineq illersuisussarsisimangippat, illersuisumik unnerluussaasumut illersuisussanngortitsisoqartassalluni.

Inatsisissatut siunnersuummi § 1, nr. 9-mut, kiisalu tamatumunnga nassuiaatinut innersuussisoqarpoq.

2.3.2.3. Takkutinngitsoortoqarnera pillugu suliat nalaanni uppernarsaasersuutit

Eqqartuussisarneq pillugu inatsimmik allannguneq pillugu inatsisikkut nr. 256, 8. maj 2002-meersukkut (Pillaatissiinermik suliani takkutinnngitsoortoqarnerani eqqartuussutit, eqqartuussutinik allakkianut tusagassiortut takunnissinnaaneritut il. il. aamma politiit pillugit naammagittaalliorfissami ataatsimiititaliami ilaasortat sullissinerat), qallunaani eqqartuussisarneq pillugu inatsimmi § 855, imm. 3, nr. 4-mut (§ 847, imm. 3, nr. 4-aanikumut) atuuffigisassatut suliaasaqarfik, unnerluussaasup peqannginnerani pillaatissiinissamik suliat assigiinngitsut arlallit eqqartuussutinngortinnissaanut isumaqatigiinniutigineqarsinnaalersissinnaanissaat siunertaralugu, ulluni 30-imi parnaarussaannermiit, qaammatini 3-ni parnaarussaannermut annertusineqarpoq.

Annertusaaneq ilaatigut isumaqarpoq unnerluussaasup nassuiaataa siusinnerusumut naleqqiullugu eqqartuussiviup suliamik aalajangiiniarneranut annertunerusumik sunniuteqarsinnaalluni, taamaattoq ima pingaaruteqartiginani, unnerluussaasup tikiulluni peqataanissaa siunertaralugu eqqartuussiviup tamanna pissutigalugu suliamik kinguartitsisariaqalersinnaanerani tunngaviusinnaanani.

Tamanna tunuliaqutaralugu qallunaani eqqartuussisarneq pillugu inatsimmi § 871, imm. 2, nr. 6-imi (§ 877, imm. 2, nr. 6-iunikumi) aalajangersakkamik nutaamik ikkussisoqarpoq, suliani qallunaani eqqartuussisarneq pillugu inatsimmi § 855, imm. 3, nr. 4 malillugu suliarineqartuni, illersuisumut, – kisianni unnerluussisumuunngitsoq – unnerluussaasup politiinut nassuiaatigisimasaanik uppernarsaasiorluni allakkiornissaanik periarfissiisumik.

Siunertaavoq, unnerluussaasoq najuutinngikkaluartooq taamalu nassuiaateqarsinnaanani, unnerluussaasumut inerniliinissamat iluaqutaanerumik sunniuteqarsinnaasut, paasissutissat tamarmik, suliamut ilaatinneqarsinnaanerat qulakkiissallugu. Illuinnaasiortumik unnerluussaasup nassuiaataanik uppernarsaatitut allakkiornissamat illersuisumut periarfissaq, pillaatissiinissamat suliami unnerluussisuusumut aammalu illersuisuusumut assigiisitsinissaq («assigiimmik sakkusaqartitaaneq») («equality of arms») pillugu ileqquusumik (najoqqutassiamik) saneqqutsinerusoq Justitsministeriamiit eqqumaffigineqarsimavoq. Taamaattoq Justitsministeriamiit isumaqarfigineqanngilaq tamanna najoqqutassianik annerusumik eqqarsarnartoqartissasoq, saneqqutsineq illersuisuusumut iluaqutaasumik pissammat, aammalu suliaq pillugu pitsaanerumik paasissutissiinissamik eqqarsaatiginninnissaq pingaarnerutinneqartariaqarmat, tak. Folketingstidende 2001-2, ilassut A, qupp. 2081.

Imm. 2.3.2.1.-i naapertorlugu, eqqartuussisarneq pillugu inatsimmi § 453, imm. 3 malillugu takkutinnngitsoortoqartillugu eqqartuussummik, atuuffigisassatut suliaasaqarfimmik annertusisitsineq siunnersuutigineqartoq tunulequtaralugu, Justitsministeriami isumaqartoqarpoq, Danmarkimi 2002-mi inatsimmik allannguinnermut tunngaviusut eqqarsaatigisassat, aammattaaq Kalaallit Nunaannut atuuttut.

Taamaattumik, eqqartuussisarneq pillugu inatsimmi § 467, imm. 2, nr. 5 malillugu, § 871, imm. 2, nr. 6-ip assinganik, eqqartuussisarneq pillugu qallunaat inatsisaanni, aalajangersakkamik nutaamik ikkussisoqassasoq siunnersuutigineqarpoq.

Unnerluussaasup killisiorneqarnermi nalaani unnerluussummut nassuiaatitut politiit nalunaarusiaannut ilassutit, siunnersuutigineqartoq § 453, imm. 3, nr. 4 malillugu suliani suliarineqartuni illersuisuusup piumasaqarneratigut uppernarsaatitut atorneqarsinnaasut aalajangersakkap nassataraa.

Taamaalilluni, pisuni, paasissutissat taamaattut unnerluussaasup politiinut nassuiaataanit ersittut, tamanna pillugu, unnerluussaasup nammineq takkussinnaanissaanut, eqqartuussiviup suliamik kinguartitsisariaqarneranik pisariaqartitsilersitsinatik, pisuutitaanissamat imaluunniit pillaatissiisutaasussap annertussusaanut aalajangiisuusumik sunniuteqanngikkaluartut illersuisuusoq unnerluussaasumut iluaqutaasunik paasissutissanik ilanngussinissamat periarfissinneqarpoq.

Inatsisissatut siunnersuummi § 1, nr. 15-imut, kiisalu tamatumunnga nassuiaatinut innersuussisoqarpoq.

2.3.2.4. Takkutinngitsoorneq pillugu suliani eqqartuussummik nalunaaruteqarneq

Eqqartuussisarneq pillugu inatsimmik allanngineq pillugu Inatsisikkut nr. 256, 8. maj 2002-meersukkut (Pillaatissiinermik suliani takkutinnitsoortoqarnerani eqqartuussutit, eqqartuussutinik allakkianut tusagassiortut takunnissinnaaneritut il.il. aamma politiit pillugit naammagittaalliorfissami ataatsimiititaliami ilaasortat sullissinerat) § 855, imm. 3, nr. 4 (siusinnerusukkut § 847, imm. 3, nr. 4-simasoq) malillugu suliarineqartumi suliami eqqartuussutip taassumunnga namminermut qaaqqusissut nalunaajaatigineqarsimangippat, siunissami pinerit tamaasa unnerluussaasumut namminermut nalunaajaatigineqartarnissaa pillugu, qallunaani eqqartuussisarneq pillugu inatsimmi § 219 a, imm. 5-imi piumasaaqammik ikkussisoqarpoq.

Suliani § 855, imm. 3, nr. 4 malillugu suliarineqartuni aggeqqusissutinik inummut namminermut nalunaajaaneq, atuutsinnissaanut tunngasutigut unammuniagassaqaqarneranut attuumassuteqartinneqartoq, pillugu tamatumunnga peqatigitillugu piumasaaqatip atorunnaarsinneqarnissaanut aalajangersagaq kinguneritinneqarpoq.

Imm. 2.3.2.1.-i naapertorlugu, eqqartuussisarneq pillugu inatsimmi § 453, imm. 3 malillugu takkutinnitsoortoqartillugu eqqartuussummik, atuuffigisassatut suliaassaqarfimmik annertusisitsineq siunnersuutigineqartoq tunulequtaralugu, Justitsministeriami isumaqartoqarpoq, Danmark-imi 2002-mi inatsimmik allannguinermut tunngaviusut eqqarsaatigisassat, aammattaaq Kalaallit Nunaannut atuuttut.

Taamaattumik, eqqartuussisarneq pillugu inatsimmi § 474, imm. 3-mi, § 219 a, imm. 5-ip assinganik, eqqartuussisarneq pillugu qallunaat inatsisaanni, aalajangersakkamik ikkussisoqassasoq siunnersuutigineqarpoq.

Suliaq § 453, imm. 3, nr. 4 malillugu unnerluussaasup peqannginnerani suliarineqarsimappat, nalunaarut tassunga namminermut nalunaajaatigineqarsimangippat, allaganngortinneqarnerata nalunaajaatigineqarnera inummut namminermut pissasoq, aalajangersakkap siunnersuutigineqartup nassataraa.

Tamanna isumaqarpoq, suliani, siunnersuutigineqartoq § 453, imm. 3, nr. 4 malillugu suliarineqartuni, qaaqqusissut imaluunniit eqqartuussut unnerluutigineqartumut namminermut tamatigut nalunaajaatigineqartassasoq. Tamanna aamma unnerluussaasup pinerluttulerinermik suliamik ilisimannilernissaanut peqataaqataassaaq.

Inatsisissatut siunnersuummi § 1, nr. 17-imut, kiisalu tamatumunnga nassuiaatinut innersuussisoqarpoq.

2.3.2.5. Takkutinngitsoortoqarnera pillugu suliat aallarteqqinneqartarnerat

Pillaanermik naammassinnineq pillugu inatsimmik, attaveqaaqatigiinnermut atassuteqaatit aamma – kiffartuussiviit pillugit inatsimmik (takkutinngitsoortoqarnerani eqqartuussutit, nalunaajaaneq aammalu pillaatissiiffiusuni suliani qarasaasiakkut attaveqaaqatigiissutinik atuineq il. il.) kiisalu eqqartuussisarneq pillugu inatsimmik allanngineq pillugu inatsisikkut nr. 203, 28. februar 2017-imeersukkut, qallunaani eqqartuussisarneq pillugu inatsimmi § 987, imm. 3 malillugu, § 855, imm. 3, nr. 4 malillugu suliarineqartunik, eqqartuussutinik aallartitseqqinissamut apeqqutaatitaqarsimanikuunngitsumik periarfissamik annikillisaanermik suliaqartoqarpoq. Allanngineq “Respektpakken”-imik (“Ataqqinnineq pillugu katitikkat”-nik) aallaaveqarpoq.

Eqqartuussummik nutaamik isumaqatigiinniutiginninnissamut suliap § 855, imm. 3, nr. 4 malillugu ammaqinnissaanut qinnuteqarnissamut eqqartuussaasup periarfissaata, eqqartuussaasup eqqartuussummik ingerlatitseqqiisinnaanngiffianut sulianut, imaluunniit eqqartuussaasup uppersarsinnaappagu inatsisinik eqqortitsisumik peqquteqarluni namminerminiillu naatsorsorneqarsinnaanngitsunik pissutinik akornguserneqarsimanini pissutigalugu tamatumunnga nalunaarutiginnissinnaasimanninneranut, imaluunniit eqqartuussisulersuussinerup ilisimatitsissutigineqarnera eqqartuussaasumut piffissaq eqqorlugu apuunneqarsimanninneranut, killilerneqarneranik allanngineq nassataqarpoq. Tamatuma saniatigut suliani ingerlateqqinneqarsinnaanngitsuni suliap ammaqinneqarnissaanut piunnaqarsinnaanermut piffissarititaq sapaatit akunnerinik 4-niit sapaatit akunnerinut 2-nut sivikillineqarpoq.

Annikilliliineq inatsisitigut illersugaanermut tunngasutigut eqqarsarnartoqartutut Justitsministeriami isumaqarfigineqanngilaq. Tamatumunnga atatillugu siullertut § 855, imm. 3, nr. 4-mi aalajangersagaq malillugu takkutinnitsoortoqarnerani eqqartuussummik oqaatiginnittoqarnissaanut periarfissaqarneranut taamaallaat, unnerluussaasup qaammatini 6-nik sivisunerusumik pinngitsoorani parnaarusnaanissaanik eqqartuunneqarpat, aammalu taamaallaat unnerluussaasoq – taanna suliap suliarineqarneranut isumaqataasimannitsoq – eqqartuussinnermut inatsisit malillugit aggersarneqarsimappat, aggersaassummilu ersippat akuerineqarsinnaasumik peqquteqarani takkutinnitsoorneq, § 855, imm. 4 naapertorlugu unnerluussummumut tunngasunut pissutsinut unnerluussaasup eqqartuunneqarneranik nassataqarsinnaaneranut innersuussisoqarpoq.

Aammattaaq Justitsministeriamiit innersuussutigineqarpoq eqqartuussut unnerluussaasumut, taanna takkutinnitsoortutut eqqartuussaappat, suli nalunaajaatigineqartaannassasoq. Aggeqqusissut unnerluussaasumut namminermmut nalunaajaatigineqarsimannigippat, eqqartuussut eqqartuussaasumut namminermmut nalunaajaatigineqassaaq. Aappaattut eqqartuussiviup periaaseq isumannaatsumik ima ingerlatarissavaa, unnerluussaasoq illersuisoqassalluni, suliamilu tamakkiisumik uppersarsaatini

saqqummiussisoqassalluni, unnerluussaasoq eqqartuussummik isumaqatigiinniarnermut takkutinngitsooraluarpalluunniit, unnerluussaasoq suliami eqqartuunneqarsinnaaniassammat. Folketingstidende 2016-17, A, L 105, qupp. 16-imut innersuussisoqarpoq.

Illuatungeriinnit tamanit eqqartuussummut isumaqatiginniarneq sioqqullugu killisiuinissamik nutaamik qinnuteqartoqarsimangippat, § 987, imm. 3 malillugu pillaatissiinermik suliaq ammaqinneqassappat, inatsisikkut nr. 256, 8. maj 2002-meersukkut takkutinngitsoortoqartillugu eqqartuussutinik ammaqinnerit pillugit aalajangersakkamut ilassutit, qallunaani eqqartuussisarneq pillugu inatsimmi § 988-imi aalajangersagaq ilanngunneqarpoq, taamaalilluni tamanna sioqqullugu suliarinninnerup nalaani, § 871-imi eqqaaneqartut pisut saniatigut, ilisimannittunit aammalu naliliisartunit nassuiaatigineqartut pillugit eqqartuussivimmi allattaavimmut ilanngussukat uppersarsaasersuutitut atorneqarsinnaalersillugit.

Imm. 2.3.2.1. naapertorlugu, eqqartuussisarneq pillugu inatsimmi § 453, imm. 3 malillugu atuuffigisassat suliaqarfirmik ilassuteqarneq siunnersuutigineqartoq tunuliaqutaralugu, eqqarsaatigisassat, 2002-mi aamma 2017-imi Danmark-imi inatsimmik allannguinermut tunngavigineqartut, aammattaaq Kalaallit Nunaannut atuuttut Justitsministeriamit isumaqarfigineqarpoq.

Tamanna tunuliaqutaralugu, ataasiakkaat minillugit, aalajangersagaq, § 855, imm. 3, nr. 4 malillugu eqqartuussutinngortillugit suliarineqartut suliat ammaqinneqarnissaat pillugu qallunaani eqqartuussisarneq pillugu inatsimmi § 987, imm. 3-miittoq, eqqartuussisarneq pillugu inatsimmut nuunneqassasoq siunnersuutigineqarpoq.

Taamaalilluni siullertut siunnersuutigineqarpoq, eqqartuussisarneq pillugu inatsimmi § 592 a-mi aalajangersakkamik nutaamik ikkussisoqassasoq, tamatuma kingorna, siunnersuutigineqartoq § 453, imm. 3, nr. 4 malillugu, eqqartuussaasup akuerisaasumik peqquteqarluni aammalu nammineq naatsorsuutigisinnaanngisaminik pissutsinik peqquteqarluni tamatuminna nalunaarutiginninnissaminut akornguseqqaneqarsimanini uppersarsinnaappagu, imaluunniit eqqartuussisulersuussineq piffissaq eqqornagu eqqartuussaasumut ilisimatitsissutigineqarsimanera pissutigalugu, eqqartuussutip nutaamik isumaqatigiinniutigeqqinnissaanut suliamik ammaqinissamut eqqartuussaasoq qinnuteqarsinnaalerluni.

Aappaattut siunnersuutigineqarpoq, qallunaani eqqartuussisarneq pillugu inatsimmi § 988-ip assinganik, eqqartuussisarneq pillugu inatsimmi § 592 b-mi aalajangersakkamik nutaamik ikkussisoqassasoq, tamatuma kingorna, peqataasut arlaannaanniilluunniit eqqartuussutissamik isumaqatigiinniarneq sioqqullugu nutaamik killisiuiniarneq pillugu qinnuteqartoqarsimangippat, § 467-imi eqqaaneqartut pisut saniatigut suliarinninnermi sioqqutsisumi ilisimannittunit aamma naliliisartunit nassuiaataasimasut pillugit eqqartuussinermi allattugaatinut ilassutit, uppersarsaatitut atorneqarsinnaalerlutik.

Taamaalilluni eqqartuussummut nassuiaanissaq siunertaralugu ilisimannittut tamaasa aggersaqeqqaanngikkaluarlugit isumaqatigiinniarneq nutaaq ingerlanneqarsinnaassaaq. Taamaattoq eqqartuussummik isumaqatigiinniarnep nutaap nalaani, eqqartuussummik isumaqatigiinniarneq sioqqullugu, nutaamik killisiuinissamik illuatungeriit arlaannaalluunniit qinnuteqarsimangippat, siusinnerusukkut eqqartuussummik isumaqatigiinniarnep nalaani nassuiaanerit uppernarsaatiginissaannut periarfissaqarpoq.

Aalajangersagaq siunnersuutaasoq imatut ingerlanneqassasoq, aammattaaq pillaatissiissummik suliamik ammaaqqiinerup nalaani ilisimannittut pingaarutillit apersorneqartassasut piumasqaataavoq, tassami taamaangippat unnerluussaasup eqqartuunneqarnissaa eqqartuussiviup eqqarsarnartoqartissagaluaruarmagu.

Naggasiutigalugu maluginiaqquneqarpoq qallunaat eqqartuussisarnermut inatsisaanni § 855 aamma § 897, stk. 3 allanngortinneqarnikummata inatsimmi nr. 1169, 8. Juni 2021-imeersumi. Tamanna isiginiarneqarsimangilaq inatsisissatut siunnersuummi, tassami tamanna suliarineqarnikummat inatsimmi allannguutit Folketingimi akuersissutigineqanngikkallarmata.

Inatsisissatut siunnersuummi § 1, nr. 18-imut, kiisalu tamatumunnga nassuiaatinut innersuussisoqarpoq.

2.4. Eqqartuussisut aamma najukkami eqqartuussisut tunuartussaataitanerannut ukioritinneqartut il. il.

2.4.1. Inatsisit atuuttut

2.4.1.1. Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat

Naalagaaffimmi tjenestemandit Kalaallit Nunaanniittut pillugit inatsimmi § 34, imm. 2 malillugu, tak. inatsimmut nalunaarut nr. 1291, 14. november 2015-imeersoq, Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat tunuartinneqartassasut qaammatip 65-inik ukioqalerfiisa naanerani (tunuartussaataitaneq). Aalajangersakkap malitsigivaa, eqqartuussisut il. il. 65-inik ukioqaleraangata atorfeqarnerisa ingerlaannarnissaanut periarfissaqannginnera.

1964-imi, naalagaaffimmi tjenestemandit Kalaallit Nunaanniittut pillugit inatsisikkut nr. 168, 27. maj 1964-imeersukkut, Kalaallit Nunaanni tjenestemandinut 65-inik ukioqalernermi tunuartussaataitaneq eqqunneqarpoq (tjenestemandit najugaqavissut aamma najugaqavissuunngitsut). 1964 tikillugu

tunuartussaataaneq taamaallaat tjenestemandinut Danmarkimiit Kalaallit Nunaannut aallartitanut atuussimavoq.

65-inik ukiulinnut tunuartussaataaneq naalagaaffimmi tjenestemandit Kalaallit Nunaanniittut pillugit inatsisikkut nr. 263, 9. juni 1971-imeersukkut ingerlateqqinneqarpoq. Tassunga atatillugu inatsisissatut siunnersuummut oqaaseqaatini allaqqavoq, misilittakkat takutissimagaat, Kalaallit Nunaanni atorfilittanut naalagaaffimmullu soqutigineqartoq, tjenestemandit ukiukinnerusunit taarserneqartarnissaat Danmarkimut sanilliullugu siusinnerusuklut, tassani tunuartussaataanermut malittarisassaasoq pingaarneq tassaammat 70-inik ukioqalersimaneq. Tunuartussaataanermi ukiukinnerunissamut tunngavilersuutaavoq, Kalaallit Nunaanni najugaqavissuunngitsut silap pissusiatigut, suliaqarnikkut aammalu avatangiisitigut pissutsit takornartaasut ataanni kiffartuussisarnerat, soorlutaaq suliaqarfiit Kalaallit Nunaanni allaanerusarnerat Danmarkimut sanilliullugu. Tjenestemandinut najugaqavissunut pissutsit taakkartorneqartut ilaannakuusumik atuuffeqartarput, kisianni Kalaallit Nunaanni agguaqatigiisillugu inuuneqqortussuseq appasinnerusoq tunuartussaataanermik appasinnerusumut pissutaavoq, Danmarkimut sanilliullugu. Tassunga atatillugu Folketingstidende 1970-71, ilaliussaq A, spalte 3038-3039-nut innersuussineqarpoq.

Naalagaaffimmi tjenestemandit Kalaallit Nunaanniittut pillugit inatsisip aamma naalagaaffimmi tjenestemandinut il. il. Kalaallit Nunaanniittunut soraarnerussutisiat pillugit inatsisip allangortinneqarnissaannik inatsimmi nr. 249, 31. marts 2009-meersumi naalagaaffimmi tjenestemandinut Kalaallit Nunaanniittunut 65-inik ukiulinnut tunuartussaataaneq nalinginnaasutut killigititaq atorunnaarsinneqarpoq, naalagaaffimmi tjenestemandinut Danmarkimiittunut 70-inik ukiulinnut tunuartussaataanerup atorunnaarsinneqarneranut 2008-meersumut assingusoq. Inatsisip siunertarisimavaa, tjenestemandit sulisin-naasut aamma sivisunerusumik sulerusuttut ukiut angusatik pissutigalugit tunuartussaataanerisa pinngitsoortinneqarnissaa.

Danmarkimi tunuartussaataanerup atorunnaarsinneqarnera assigalugu naalagaaffimmi tjenestemandinut Kalaallit Nunaanniittunut tunuartussaataanerannik atorunnaasitsineq Kalaallit Nunaanni eqqartuussivinni eqqartuussisunut aamma inatsisilerituunut tjenestemanditutor atorfilinnut allanut atuutinngilaq. Tassunga atatillugu inatsisissatut siunnersuummi ersersinneqarpoq, taakkua inuit tunuartussaataanerannik naleqqussaanermi taamanikkut ataatsimiititaliami suliarineqarnerata inernissaa utaqeqqaartariaqartoq, Danmarkimi eqqartuussivinni eqqartuussisut aamma inatsisilerituut tjenestemanditutor atorfillit allat tunuartussaataanerannut atatillugu qaffasinnerusunut ukiunut inissiilluni aalajangiisinnaaneq, tak. annertunerusumik immikkoortup 2.4.2.1.-ip ataatungaani. Tassunga atatillugu Folketingstidende 2008-09, ilaliussaq A, qupp. 3778-imut innersuussisoqarsinnaavoq.

2.4.1.2. Najukkami eqqartuussisut

Najukkami eqqartuussiviit tassaapput suliarinnittarfiit siulliit ilaatigut pinerluttulerinermi suliani, tak. eqqartuussisarnermik inatsimmi § 55, tassani najukkami eqqartuussisut eqqartuussisutut namminersorlutik suliat aalajangiiffigisinnaallugit.

Najukkami eqqartuussisut tjenestemanditut atorfinitsitaapput, kisianni piumasagaataangilaq inatsisilerituutut soraarummeersimanissaat. Najukkami eqqartuussisutut inaarutaasunik atorfinitsitaaneq aatsaat pisinnaavoq, pineqartoq najukkami eqqartuussisutut atorfimmut kandidatitut atorfinitsitaanermi kingorna najukkami eqqartuussisutut ilinniagaq immikkut ittoq ilinniagaqarfigisimaguniuk, tak. eqqartuussisarnermik inatsimmi § 12, imm. 2.

Naalagaaffimmi tjenestemandit Kalaallit Nunaanniittut pillugit inatsimmi § 34, imm. 2-mi tunuartussaataaernermit ukioritinneqartuni taamaallaat pineqarput Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat. Akerlianik najukkami eqqartuussisunut pillugit tunuartussaataaernermit ukioritinneqartut pillugit aalajangersagaqangilaq.

Qulaani immikkoortup 2.4.1.1-ip ataani taaneqartutut 2009 tikillugu naalagaaffimmi tjenestemandinut Kalaallit Nunaanniittunut 65-inik ukiulinnut tunuartussaataaneq atuuppoq. 1. januar 2010 tikillugu najukkami eqqartuussisut tjenestemanditut atorfeqanngillat aammalu taamaattumik tjenestemandit pillugit inatsimmi tunuartussaataaernermit ukioritinneqartunut ilaattinneqanngillat.

Eqqartuussisarnermik inatsit malillugu najukkami eqqartuussisut taamaallaat soraarsinneqarsinnaavoq piukkunnanginneq pissutigalugu imaluunniit nappaateqarneq pissutigalugu, imaluunniit pineqartoq pisumi pisuusimappat pineqartup ataqqineqarunnaarneranik aamma tatigineqarunnaarneranik kinguneqartumik, najukkami eqqartuussisutut atorfimmi piumasagaataasunik naammassinnikkunnaarluni, tak. § 26, imm. 1, aamma eqqartuussivinni aaqqissuussisarnermik allanngortitsineq pippat, tak. § 26, imm. 2. Tamakkua pissutigalugit soraarsitsineq Domstolsstyrelsenimit Dommerrådetimut saqqummiunneqassaaq, tak. eqqartuussisarnermik inatsimmi § 26, imm. 4.

2.4.2. Justitsministeriap isumaliutai aamma aaqqissuussineq siunnersuu-tigineqartoq

2.4.2.1. Kalaallit Nunaanni eqqartuussivinni eqqartuussisut aamma inatsisilerituut tjenestemanditut atorfillit allat

Tjenestemandit pillugit inatsimmi § 34, imm. 2 malillugu, tak. inatsimmut nalunaarut 511, 18. maj 2017-imeersoq (danskitt tjenestemandit pillugit inatsisaat), danskitt eqqartuussiviini eqqartuussisut aamma inatsisilerituut tjenestemanditut atorfillit allat tunuartitaassassut qaammatip 70-inik ukioqalerfissaasa naanerani. Eqqartuussisunut il. il. tunuartussaataaernermit ukioritinneqartut 70-it 1933-

imiilli atuussimapput, tjenestemandit pillugit inatsimmut nr. 93, 20. maj 1933-imeersukut atuutilersinneqarnerisigut.

Dnamarkimi tjenestemandinut 70-inik ukioqalernerme tunuartussaataaneq tjenestemandit pillugit inatsisip aamma inatsisit assigiinngitsunik allat allanngortinneqarnissaannik inatsisikkut nr. 484, 17. juni 2008-meersukut atorunnaarsinneqarpoq. Danskit eqqartuussiviini eqqartuussisut aamma inatsisilerituut tjenestemandit atorfillit allat tunuartussaataanermut ukioritinneqartut atorunnaarsinneqarnerinut ilaatinneqanngillat aammalu qaammami 70-inik ukioqalerfissami naanerani tunuartussaataanerat atuutiinnarluni. Tassunga atatillugu inatsisissatut siunnersuummut oqaaseqaatini oqaatigineqarpoq, eqqartuussisunut il. il. tunuartussaataanermut ukioritinneqartunik allannguinermut apeqqut inatsisissatut siunnersuummik pineqartumik ilaatinneqassanngitsoq, kisiannili suliniutigineqassasoq, inatsisip akuersissutigineqarnerata kingorna ataatsimiititaliami suliaqartoqarnissaa eqqartuussivinni eqqartuussisunut aamma inatsisilerituunut tjenestemandi-tut atorfilinnut allanut tunuartussaataanermut ukioritinneqartunik qaffaasinnaaneq pillugu. Tassunga atatillugu Folketingstidende 2008-09, ilaliussaqaq A-mi, qupp. 3778-imut innersuussisoqarsinnaavoq.

Ataatsimiititaliap suliaqarnini 2014-imi ”Eqqartuussivinni eqqartuussisunut aamma inatsisilerituunut tjenestemandit atorfilinnut allanut tunuartussaataanermut ukioritinneqartut pillugit oqaaseqaatit”-ikkut naammassivaa. Oqaaseqaammi allaqqavoq, ataatsimiititaliap ataatsimut isiginnilluni nalileraa eqqartuussisunut il. il. tunuartussaataanermut ukioritinneqartut 70-iusut attatiinnarneqartariaqartut.

Tassunga atatillugu oqaaseqaammi ilaatigut allaqqavoq (qupp. 7), ataatsimiititaliap naliliinerigaa, ukiorineqartut pissutigalugit eqqartuussisumik tunuartitsineq tamatiguunngitsoq atuutilertassasoq aamma imatut ingerlasassasoq – eqqartuussisoq nammineerluni atorfimminiit tunuarumanngippat – tungaviup isumannaatsup aqutissiuunnissaa pisariaqartoq, Den Særlige Klageret-imiit eqqartuussinikkut eqqartuussisup tunuartitaanissaanut imaluunniit soraarsitaanissaanut. Tamanna isumaqarpoq, pineqar-toq – piffissami aalajangersimasumi – eqqartuussisutut ingerlaannassasoq illersorsinnaasumik suliasaminik naammassinnissinnaanani. Eqqartuussiviit suliarisartagaat eqqarsaatigalugit, pisut aallaavigalugit tamanna innuttaasunut, suliffeqarfinnut il. il. sunniuteqarfiusunut annertuumik kinguneqarsinnaavoq.

Tassunga atatillugu aamma oqaaseqaammi ilaatigut allaqqavoq (qupp. 64), ataatsimiititaliap erseqqissaraa, eqqartuussivinni eqqartuussisut aamma inatsisilerituut tjenestemandit atorfillit allat sulisinnaaneranut piomasaaqatit eqqarsaatigalugit naammassinnissinnaanerat aalajangiisuussasoq. Ataatsimiititaliap paasinninnera malillugu, taamaattumik eqqartuussisunik ukiut pissutigalugit tunuartitsinissamik suliat amerlasuunngorsinnaaneri pinngitsoortinniartariaqarpoq, amerlasuunik suliasaqalerneq ilaatigut innuttaasut eqqartuussivinnut tatiginninnerisa sanngiillisinnaanerannut tapertaasinnaammat.

Danmarkimi eqqartuussivinni eqqartuussisunut aamma inatsisilerituunut tjenestemanditut atorfilinnut allanut tunuartussaataitanermut ukioritinneqartut 70-it ataatsimiititaliap innersuussuteqarnera tunngavigalugu aalajangiusimaneqarput, tak. eqqartuussisarnermik inatsisip aamma inatsisit assigiinngitsut allat allanngortinneqarnissaannik inatsimmut nr. 737, 25. juni 2014-imeersumut oqaaseqaatit. Tassunga atatillugu Folketingstidende 2013-14, A-mi, saqqummiunneqartut L 178, qupp. 90-imut innersuus-sisoqarsinnaavoq.

Immikkoortup 2.4.1.1-ip ataani eqqaaneqartut Kalaallit Nunaanni tjenestemandit tunuartussaataitanerannik atorunnaarsitsineranut atatillugu nalunaarutigineqarpoq, Kalaallit Nunaanni eqqartuussivinni eqqartuussisunut aamma inatsisilerituunut tjenestemanditut atorfilinnut allanut tunuartussaataitanermut ukioritinneqartut 65-inut inissinneqarnerisigut naleqqussaasinnaanermut tunngatillugu ataatsimiititaliami suliaqarnerup inernissaa utaq-qeqqaarneqartariaqartoq.

Tassunga atatillugu Justitsministeria naliliivoq, eqqartuussisunut il. il. tunuartussaataitanermut ukioritinneqartut 70-it aalajangiusimaannarneqarnissaannut tunngavigisatut eqqarsaatigineqartut aamma Kalaallit Nunaanni atuuttuusut. Tamanna tunngavigalugu siunnersuutigineqarpoq, Kalaallit Nunaanni eqqartuussivinni eqqartuussisunut aamma inatsisilerituunut tjenestemanditut atorfilinnut allanut tunuartussaataitanermut ukioritinneqartut 65-iniit 70-inut qaffanneqarnissaat.

Taassuma saniatigut Justitministeriap nalilerpaa, Kalaallit Nunaanni eqqartuussivinni eqqartuussisunut aamma inatsisilerituunut tjenestemanditut atorfilinnut allanut tunuartussaataitanermut ukioritinneqartut 65-iusut, Kalaallit Nunaanni tunuartussaataitanermut ukioritinneqartut Danmarkimut sanilliullugit appasinnerunissaannik eqqarsaatiginninnermut tunngaviusinnaajunnaartut, tak. qulaaniittoq immikkoortup 2.4.1.1-ip ataani. Tamatu-munnga tunngatillugu Justitsministeriap Kalaallit Nunaanni tamat ukioqqortusiartornerat immikkut isiginiarpaa.

Inatsisissatut siunnersuummi § 2, nr. 2-imut, kiisalu tamatumunnga nassuiaatinut innersuussisoqarpoq.

2.4.2.2. Najukkami eqqartuussisut

Immikkoortup 2.4.1.2-ip ataani allaqqasutut, najukkami eqqartuussisut suliaarat suliaassat eqqartuussisarnermik inatsimmi § 55 naapertorlugu najukkami eqqartuussivinnut inissinneqarsimasut. Najukkami eqqartuussiviit siullertut oqartussaasoqarfiupput ilaatigut pinerluttulerinermi sulianut, tassani najukkami eqqartuussisut eqqartuussisutut suliat aalajangiiffigisinnaallugit.

Taassuma saniatigut najukkami eqqartuussisut Kalaallit Nunaanni eqqartuussivinni inatsisilerituunut tjenestemandit atorfílnnut atuuttumik eqqartuussisarnikkut soraarsitaanissamut illersugaapput, taamaallaat eqqartuussinikkut Dommerrádet-imit soraarsitaasinnaagamik eqqartuussisarnermik inatsimmi § 10, imm. 1, nr. 4 malillugu.

Justitsministeriap paasinninnera malillugu, eqqartuussisunut aamma inatsisilerituunut tjenestemandit atorfílnnut allanut tunuartussaataaernermit ukioritinneqartunut tunngatillugu eqqarsaatiginninnerit aamma najukkami eqqartuussisunut atuupput.

Tamanna tunngavigalugu siunnersuutigineqarpoq, naalagaaffimmi tjenestemandit Kalaallit Nunaanniittut pillugit inatsimmi najukkami eqqartuussisunut tunuartussaataaernermit ukioritinneqartunik eqqussisoqassasoq. Aamma siunnersuutigineqarpoq, eqqartuussisunut il. il. tunuartussaataaernermit ukioritinneqartut 70-inut inissinneqassasut. Tassunga atatillugu Justitsministeriap nalilerpaa, Danmarkimi eqqartuussivinni eqqartuussisunut il. il. tunuartussaataaernermit ukioritinneqartut 70-iniiginnarnissaannut tunngatillugu eqqarsaatiginninnerit, tunuartussaataaernermit ukioritinneqartut pillugit ataatsimiititaliap tunngavigisai, aamma najukkami eqqartuussisunut atuuttut.

Najukkami eqqartuussisunut tunuartussaataaernermit ukioritinneqartunik eqqussinerup siunertarivaa, pinaveersaartissallugu najukkami eqqartuussisut píffissami atuuffeqarnissaat ukiut píssutigalugit sanngiillinerup takuneqarsinnaalernissaata tungaanut, allaat tunngavissaqalerluni najukkami eqqartuussisup tunuartikkallarnissaanut imaluunniit soraarsinnissaanut. Suliat taamaattut innuttaasut eqqartuussivinnut tatiginninnerannik innarliisinnaapput.

Tamanna tunngavigalugu Justitsministeriap paasinninnerivaa, Kalaallit Nunaanni eqqartuussivinni eqqartuussisunut aamma inatsisilerituunut tjenestemandit atorfílnnut allanut tunuartussaataaernermit ukioritinneqartut aamma najukkami eqqartuussisunut atuuttariaqartut.

Aamma oqaaseqaatigineqarpoq, eqqartuussisunut il. il. tunuartussaataaernermit ukioritinneqartut aamma eqqartuussivinni písinnaatitanut atuutilersinneqarnerinik. Inatsit nr. 1169 8. juni 2021-meersoq eqqartuussisarnermut inatsip allallu inatsisit assigiinngitsut inatsisunik atorunnaartitsinermik imallit eqqartuussinertaqanngitsumik sulianik sularinninnermi (Pillaatissiisarnermi eqaallisaaneq, digitaliusutigut attaveqaqatigiinneq suliani eqqartuussisutaasuni, eqqartuussisut tunuartussaataaernerannut ukiorititat il. il.). Inatsisip imaraa eqqartuussivinni písinnaatitat tjenestemandit atorfeqanngitsut tunuartitaasalissallutik qaammami 70-inik ukioqalerfissami naanerani.

Oqaaseqaatigineqarpoq, inatsimmut allannguummi aamma Kalaallit Nunaanni eqqartuussivinni eqqartuussisut inatsilerituut tjenestemandit atorfeqanngitsut ilanngunneqassasut, imaammatt Kalaallit Nunaanni eqqartuussisarnermik inatsimmi § 34, imm. 1 malillugu Kalaallit Nunaanni

Eqqartuussivimmi aamma Nunatta Eqqartuussisuuneqarfiani pisinnaatitanut soraarsitsinermut il. il. atuummata danskit eqqartuussisarnermik inatsisaanni §§ 54-55.

Inatsisissatut siunnersuummi § 2, nr. 3-mut tassungalu oqaaseqaatinut innersuussisoqarpoq.

3. Pisortanut aningaasatigut aamma atuutilersitsinermi kingunissat

Sulianut nassuernertut suliarineqartartunut inatsimmik atuutsilersitsinissamut siunnersuutip malitsigissavaa, pinerluttulerinermi suliat aalajangiiffigineqartarneri ullumikkorniit sukkanerusumik pisinnaalissammata, taamaalillunilu eqqqartuussisukkoortitsinerpaaluit pinngitsoortinneqarsinnaalissallutik. Tamanna eqqartuussivimmi sulianik suliarinninnerup sivikillisaataanissaanut iluaqutaassaaq nalilerneqarlunilu eqqartuussivimmut politiinullu annikitsumik sipaarutaalluarsinnaasutut. Siunnersuutip pisortanut sipaarutaasinnaanera aamma naliliiffigineqarpoq, eqqartuussisooqataasunut aningaasartuutit eqqarsaatigalugit. Pinerluttulerinermi suliaqartuusut pikkorissarnerinut eqqartuussiviup aningaasartuutigisartagaasa inatsisit atuutsilersinneqarpata appariaateqarnissaat ilimagineqarpoq.

Suliani takkutinnitsoornermi eqqartuussutinut tunngatillugu inatsisinik annertusaanissap nassatarissavaa, pinerluttulerinermi suliat amerlanerit eqqartuussivikkoortinneqartalernissaat, naak unnerluussutigineqartoq takkutinnikkaluartoq. Taamaalilluni eqqartuussiviit suliassaqarfiinik atorluaanerulerneq qulakkeerneqassaaq, tamakkiisumillu suliamik suliarinnittarnerup sivilissusaata appartinneqarnissaa ilimagineqarluni. Inatsisittaaq atuutsilersinneqarnerisa kingunerissavaat pisortanut sipaaruteqarneq, tassami siunnersuummi siunnersuutigineqarmat illersuisunut, ilisimannittunut, immaqalu aamma oqalutsinut aningaasartuutit appassammata, siunissami taakku ataasiaannarlutik eqqartuussivimmiittarnissaasa kingunerisaanik.

Sipaarutaasussat annertussusaannut tunngatillugu apeqqutaatinneqarpoq sulit aallarteqqinneqarnissaannut periarfissap qanoq atorneqartigiumaarnissaa. Tassanissaaq eqqarsaatigineqarpoq suliaq marloriarluni suliarineqartussanngortarnissaa aallarteqqinneqarsimatilluni kinguartitsigallarnermiit kingornalu inatsisit atuuttut malillugu aalajangiiffigineqarnissaaniit pisortanut aningaasartuutisigut akisunerunissaa.

Taakku saniatigut inatsisissatut siunnersuutip kingunerisinnaavaa illersuisoqarnissamut aningaasartuutit amerlaneroratarsinnaanerat, suliassaqarfiulli annertussusaa isigalugu tamanna killilimmik annertussuseqassanganneqarpoq.

Suliani takkutinnitsoornermi eqqartuussutinut tunngatillugu inatsisinik annertusaanerup kingunerissavaa inatsisitigut siunnersuummi piumasaqaatigineqartassamat eqqartuussaasumut namminermut nalunaajaatiginninneq, eqqartuussineq unnerluussaasup peqannginnerani pisimappat, taassumalu akuersissutigisimangippagu. Tamatuma nassatarissavaa eqqartuussutinik

najunaajaatiginninnerup pisariaqarnerulernera, kisiannili pisortanut aningaasaqarnerup tungaatigut malunniuteqarnissaa ilimanaateqanngitsoq naliliiffigineqarpoq.

Ataatsimut isigalugu inatsisissatut siunnersuut pisortanut aningaasaqarnikkut malunnaatilimmik kinguneqassanganneqanngilaq.

Inatsisissatut siunnersuutip atuutilersinneqarnera pisortanut kinguneqarnissaa ilimagineqanngilaq.

4. Inuussutissarsiortunut il. il. aningaasatigut aamma allaffissornikkut kingunissat

Inatsisissatut siunnersuut inuussutissarsiortunut il. il. aningaasatigut imaluunniit allaffissornikkut kinguneqanngilaq.

5. Innuttaasunut allaffissornikkut kingunissat

Inatsisissatut siunnersuut innuttaasunut allaffissornikkut kinguneqanngilaq.

6. Silap pissusaanut avatangiisinullu kingunissat

Inatsisissatut siunnersuut silap pissusaanut avatangiisinullu kinguneqanngilaq.

7. EU-mi inatsisinut pissutsit

Inatsisissatut siunnersuut EU-mi inatsisinut pissutsinut tunngasunik ima-qanngilaq.

8. Oqartussa qarfiit aamma kattuffiit il. il. tusarniaavigineqartut

Inatsisissatut siunnersuummut missingiut ulloq 19. januar 2021-miit ulloq 16. februar 2021-p tungaanut oqartussa qarfinnut aamma kattuffinnut il. il. tusarniaassutigineqarpoq.

Advokatrådeti, Akademikerne, Avannata Kommunian, Centralorganisationernes Fællesudvalgi, Danske Advokater, Den Danske Dommerforeningi, Digitalimik Sullissinnermut Aqutsisoqarfik, Politiit Unnerluussinnermut Oqartussa at Attuumassuteqanngitsut, Digitaliseringsstyrelseni, DJØF, Dommerfuldmægtigforeningeni, Domstolsstyrelseni, Foreningen af Offentlige Anklagere, Illersuisut (Forsvarerforeningen i Grønland), Nunatsinni Advokatit, Kalaallit Nunaanni Eqqartuussisuuneqarfik, Kalaallit Nunaanni Politiit Peqatigiiffiat, Inuit Pisinnaatitaaffii pillugit Siunnersuisoqatigiit, Højesteret, Inuit Pisinnaatitaaffiit Instituti, Justitia, Kommune Qeqertalik, Kommuneqarfik Sermersooq, Kommune Kujalleq, Eqqartuussisoq (Kredsdommerforeningen), Landsforeningen af

Forsvarsadvokater, Nunatta Illersuisuunera, Medarbejder- og Kompetencestyrelseni, Politiforbundet i Danmark, Politiit pillugit Naammagittaalliuuteqartarfik, Kalaallit Nunaanni Politimesteri, Qeqqata Kommunia, Retspolitisk Foreningi, Kalaallit Nunaanni Eqqartuussivik, Rigsadvokati, Rigspolitiet, Vestre Landsret aamma Østre Landsret.

Tamatuma saniatigut inatsisissatut siunnersuummut missingiut Namminersorlutik Oqartussanut oqaaseqaateqarfigisassanngorlugu saqqummiunne-qarpoq.

9. Immersugaq eqikkaaffiusoq

	Kingunissat pitsaasut/aningaasartuutit annikinnerusut (aappiuppat, annertussusai taallugit /Naamiuppat, »Soqanngilaq« allallugu)	Kingunissat pitsaasuunngitsut /aningaasartuutit annertunerusut (aappiuppat, annertussusai taallugit /Naamiuppat, »Soqanngilaq« allallugu)
Naalagaaffimmut, kommuninut aamma nunap immikkoortuinut aningaasatigut kingunissat	Soqanngilaq	Soqanngilaq
Naalagaaffimmut, kommuninut aamma nunap immikkoortuinut atuutilersitsinermut atatillugu kingunissat	Soqanngilaq	Soqanngilaq
Inuussutissarsiortunut aningaasatigut kingunissat	Soqanngilaq	Soqanngilaq
Inuussutissarsiortunut allaffissornikkut kingunissat	Soqanngilaq	Soqanngilaq
Inuttaasunut allaffissornikkut kingunissat	Soqanngilaq	Soqanngilaq
Avatangiisinut kingunissat	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mi inatsisinut pissutsinut tunngasunik imaqqanngilaq.	

Inuusutissarsiornermut tunngasunut EU-mi naleq- qussaanermi atuutilersitsiner tunngaviusunut tallimanut akerliuvoq	Aap	Naamik X
---	-----	-------------

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut (§ 44, imm. 1)

Eqqartuussisarnermik inatsimmi § 44, imm. 1-ip, aalajangerpaa, pinerluttulerinermi suliani siulliulluni aalajangiinerni eqqartuussisooqataasartut marluk peqataassasut. § 44, imm. 2, aalajangersakkamik imaqarpoq, eqqartuussisooqataasartut peqataassanngitsut suliani akiliisitsinermik, arsaagaanermik biilersinnaanermut allagartamik arsaagaanermik imaluunniit taarsiinissamik pineqaatissinneqarnerni. § 44, imm. 3 malillugu, eqqartuussivik aalajangersinnaavoq, imm. 2 malillugu suliani eqqartuussisooqataasartunik peqataasoqassasoq, eqqartuussiviup nalileruniuk, suliaq unnerluussamut immikkut akuliunermik kinguneqassasoq.

Inatsisissatut siunnersuummi siunnersuutigineqarpoq § 1, nr. 1-imi, § 44, imm.1-imiit § 44, imm.2-aamma 3-mut innersuussineq allanngortinneqassasoq 2-4-nngorluni, inatsisissatut siunnersuummi § 1, nr. 2-mi siunnersuutigineqarmat aalajangersakkami nutaamik ikkussisoqarnissaa.

Eqqartuussisarnermik inatsimmi § 44, imm. 1-imi allannguinissamut siunnersuut, § 44, imm. 4-mi siunnersuutigineqartup kingunerivaa. (Inatsisissatut siunnersuut § 1, nr. 2)

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.1-imut innersuussisoqarpoq.

Nr. 2-mut (§ 44, imm. 4)

Eqqartuussisarnermi inatsip § 44-ata pinerluttulerinermi suliani qaqugukkut eqqartuussisooqataasoqartarnissaa inatsisitigut aalajangersaavigaa.

Siunnersuutigineqarpoq, eqqartuussisarnermik inatsimmi § 44-mi nutaamik imm. 4-mik ikkussisoqarnissaa, tassani erseqqissarneqassalluni pinerluttulerinermi suliani suliarineqartuni

eqqartuussisooqataasartut peqataannginnissaat, siunnersuutigineqartoq § 449 a malillugu suliasat nassuernertut suliarineqartut ingerlanneqarneranni.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.1-imut innersuussisoqarpoq.

Nr. 3-mut (§50, imm. 1, pkt. 2 aamma imm. 2, pkt. 2.)

Eqqartuussisarnermi inatsit § 50, imm. 1, pkt. 1. naapertorlugu arlaannaalluunniit pinerlunnermik suliasami eqqartuussutissap isumaqatigiinniutigineqarnerani eqqartuussisutut peqataassanngilaq pisimasumi, unnerluussummi pineqartumi, unnerluutigineqartup § 359, imm. 2 malillugu tigummigallarneqarnissaanik imaluunniit § 384, imm. 3, naapertorlugu allakkanik ammaanissamik allakkanillu uninngatitsinissamik aalajangiisuusimaguni. Tamannali atuutissanngilaq § 50, imm. 1, pkt. 2 naapertorlugu, suliasaq nassuernertut suliarineqarpat imaluunniit suliasaq pisimasumut, pkt. 1.-imi taaneqartutut iliuseqarnermut tunngavissiisumut, unnerluutigineqartup pisuuneranut uppersaatissanik naliliinissamik ilaqanngippat.

Eqqartuussisarnermi inatsit § 50, imm. 2. naapertorlugu pinerlunnermik suliasami § 359, imm. 2 naapertorlugu tigummigallagassanngortitsinissaq, aamma tigummigallagassanngortitsinerup atorunnaarsinneqarnissaa pillugu imaluunniit § 384, imm. 3 naapertorlugu allakkanik ammaanissaq uninngatitsinissarlu pillugit eqqartuussutissap isumaqatigiinniutigineqarnerata nalaani aalajangiisuusaaq eqqartuussisoq, eqqartuussutissap isumaqatigiinniutigineqarnerani peqataasimanngitsoq. Tamannali atuutissanngilaq suliasaq nassuernertut suliarineqarpat, imaluunniit suliasaq pisimasumut, pkt. 1.-imi taaneqartutut iliuseqarnermut tunngavissiisumut, unnerluutigineqartup pisuuneranut uppersaatissanik naliliinissamik ilaqanngippat.

Inatsisissatut siunnersuut § 1, nr. 3-mut ilaatillugu siunnersuutigineqarpoq § 50, imm. 1 aamma 2, oqaatsitigut allannngortinnissaa, “nassuernertut suliarineqartoq”-mut taarsiullugu inatsisissatut siunnersuutitut § 449 a-niittunut nassuernertut sulianut suliarinninnermut tunngassutilinnut innersuussinngortillugu.

§ 50, imm. 1, pkt. 2.-p, aamma imm. 2, pkt. 2.-p allannngortinneqarnissaannik siunnersuut, § 449 a-mi siunnersuutigineqartup kingunerivaa (inatsisissatut siunnersuummi § 1, nr. 12), taassuma kingorna eqqartuussisarnermik inatsimmi suliasat nassuernertut suliarineqartut pillugit immikkoortumik nutaamik ikkussisoqarluni.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.1-imut innersuussisoqarpoq.

Nr. 4-mut (§ 94, imm. 5)

Eqqartuussisarnermut inatsit § 94 maleruagassanik unioqquitsinernik suliassanik imaqarpoq. Eqqartuussisarnermut inatsit § 94, imm. 5 malillugu eqqartuussivikkoortitsilluni misiliinisarneq pillugu aalajangersakkat danskit eqqartuussisarnermik inatsisaanni §§ 447, d-miittut, 147 e-miittut aamma 147 f, imm. 2-miittut taamatulli Kalaallit Nunaanni atuutsinneqassasut.

Inatsit nr. 1540 18. December 2018-meersoq malillugu eqqartuussisarnermik inatsip pillaatissisarnermullu inatsip il.il allangortinneqarnissaannut (Illersuisoqarnissamut suliniutit aamma eqqartuussisumik nakkutilliisoqarneq) tunngatillugu qallunaat eqqartuussisarnermut inatsisaannut § 148 g ikkunneqarnikuuvoq.

§ 147 g, imm. 1 naapertorlugu eqqartuussissuserisup inuulluunniit, § 124 c, imm. 1, nr. 2 naapertorlugu, eqqartuussissuserisutut ingerlatseqatigiiffimi aktiaateqartup imaluunniit piginneqataassuteqartup piumasarisinnaavaa utaqqiisaasumik piiiaaffigineqarnissamik aalajangiinissaq. Eqqartuussiviup naqissusersinnaavaa, atorunnaarsinnaavaa imaluunniit aalajangiissut allangortissinnaavaa. Tamanna qallunaat eqqartuussisarnermut inatsisaanni § 147 e-mi ingerlaannartumik piiiaaffiginninnermik aalajangiisarnermut tunngasumut assinguvoq.

§ 147 g, imm. 2 naapertorlugu eqqartuussivimmut suliassanngortitsinernik qinnuteqaat justitsministeriaqarfimmut tunniunneqassaaq aalajangiiffigineqartup aalajangiinnermik nalunaarfigineqarneraniit ullut 14-it qaangiutsinnagit.

Inatsisissatut siunnersuummi § 1, nr. 4-mi siunnersuutigineqarpoq, eqqartuussisarnermut inatsit § 94, imm. 5-imut qallunaat eqqartuussisarnermut inatsisaannut § 147 g-mut innersuussummik ikkussisoqarnissaa.

§ 94, imm. 5-imik allanguinissap imaraa, aalajangersakkap qallunaat eqqartuussisarnermut inatsisaannut § 147 g-mut innersuussinissaq, §§ 447 d, 147 e aamma 147 f, imm. 2 ilutigalugit innersuussaasoq, maleruagassanik unioqquitsinernerit pillugit sulianik eqqartuussivimmi misiliinerit pillugit malittarisassanik aalajangersaaneq. Taamaalilluni danskit eqqartuussisarnermik inatsisaanni § 147 g Kalaallit Nunaannut assinganik atuutissaaq.

Nr. 5-imut (§ 128 a)

Ullumikkut eqqartuussisarnermik inatsimmi aalajangersagaqanngilaq, pinerlunnermik suliassani digitalimik attaveqarnissamut tunngavimmik.

Siunnersuutigineqarpoq, eqqartuussisarnermik inatsimmi aalajangersakkamik nutaamik, § 128 a, pinerluttulerinermi eqqartuussisarnermi digitalimik attaveqaatinik atuinissamut ikkussisoqarnissaa, eqqartuussisarnermik inatsimmi digitalimik attaveqaatinik atuisinnaanerup

pakkersimaneqannginnissaa siunertaralugu, soorlu assersuutigalugu pisortat digitalinik allakkanik nassiussisinnaanerannik, isumannaatsumik e-mail-eqarnermik imaluunniit allatigut digitalinik aaqqissuussinernik nassiusseriaatsit il. il. pineqartillugit aamma nalunaarutit imarisaat imaluunniit allagaatit, imaluunniit digitalimik eqqartuussivimmiinnerit.

Imm. I-imi siunnersuutigineqarpoq, pinerluttulerinermi eqqartuussisarnermi allakkatigut ingerlatsinissamut piunasaqaat ajornartitsinngitsoq digitalimik attaveqaatinik atuinissamut pineqartillugit nassiusseriaatsit il. il. aamma nalunaarutit imarisaat imaluunniit allagaatit il. il., imaluunniit eqqartuussivimmiinnermi allagaatinik digitalinik atuineq.

Tamatuma malitsigivaa, nalunaarutit pillugit, allakkatigut ingerlatsinissaq pillugu, noqqaassutit pillugit, piunasaqarnerit pillugit, ilisimatitsinerit pillugit, tunniussaqaarnerit pillugit, tunniussinerit pillugit, nassiussinerit pillugit, allagaatit assilinerinik imaluunniit anillatsitanik nassiussineq pillugu, tunniussinerit pillugit, saqqummiussinerit pillugit, misissuinerit pillugit imaluunniit assigisaat pillugit pinerluttulerinermi suliat suliarineri pillugit eqqartuussisarnermik inatsimmi immikkoortoq V-mi, eqqartuussisunut annerusunut suliaassanngortitsineq aamma suliareqqitassanngortitsineq pillugit eqqartuussisarnermik inatsimmi immikkoortoq VI-mi, pinerluttulerinermi suliani eqqartuussutitik naammassinninnerit pillugit eqqartuussisarnermik inatsimmi immikkoortoq VII-mi aalajangersakkat, digitalimik attaveqaatinik atuinissamut ajornartitsinngitsut.

Siunnersuutip aamma malitsigivaa, aappiullugu tigussaasunik nassiussisoqassanngitsoq, tunniussisoqassanngitsoq il. il.

Unnerluussisussaataasut, eqqartuussiviit, advokaatit, unnerluussat aamma allat pinerlunnermik suliaassami peqataasut aalajangersagaq malillugu soorlu assersuutigalugu nalunaarutitik, pisortat digitalimik aaqqissuussuinerat imaluunniit e-mail adressi isumannaatsoq atorlugu, taamaattoq nalunaarutigineqarsimappat, nassiussinissaq qinersinnaassavaat.

Kalaallit Nunaanni allakkerinermik aaqqissuussineq Pisortani Digitalimik Allakkerineq pisortaniit nassiussisut aamma inuit imaluunniit inatsisitigut suliaqarfiit akornanni digitalimik attaveqarnermut atorneqarsinnaavoq, tak. Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersumi malittarisassat. Inatsimmi § 13, imm 4 malillugu Naalakkersuisut naalagaaffimmi oqartussaqaarfiit isumaqatigiinniartifigereernerisigut Kalaallit Nunaanni naalagaaffiup suliffeqarfiisa, pisortaniit nassiussisutut, allakkerinermik aaqqissuussinermik atuisinnaanerannut malittarisassanik aalajangersaasinnaapput.

Digitalimik attaveqarneq unnerluussisussaataasunut aamma Kalaallit Nunaanni eqqartuussiviinnut tekinnikkut qanoq periarfissaanersoq aalajangersakkatut siunnersuummi pineqanngilaq.

Aalajangersagaq malillugu nassiussinerni tamani nassiussisup digitalimik attaveqarneq pissanersaq – tassunga ilagitillugu digitalimik attaveqarneq qanoq ittoq – qinersinnaavaa, tassani piunasaqaataalluni digitalimik attaveqarneq pineqartoq nassiussisumut aamma tiguisissamut teknikkikkut periarfissaanera. Taamaalilluni digitalimik attaveqarnissaq pisussaaffittut piunasaqaataangilaq, kisianni nassiussisooq pisinnaatitaavoq digitalimik attaveqarnermik atuinissamut. Taamaalilluni nassiussisup, soorlu assersuutigalugu, tigussaasumik nassiussisarneq imaluunniit nalunaarutiniq, suliat takussutissartaannik il. il. tunniussisarneq atuinnarsinnaavaa. Aamma innuttaasut siunnersuutikkut digitalimik aaqqissuussineq atorlugu tigusinissamut imaluunniit nassiussinissamut pisussaaffilerneqanngillat, inatsisikkut malitsigisaareersut saniatigut. Kalaallit Nunaanni naalagaaffiup suliffeqarfii, soorlu assersuutigalugu eqqartuussiviit, Pisortani Digitalimik Allakkerineq pillugu malittarisassani ilanngunneqarunik, innuttaasut pisussaaffeqalissapput suliffeqarfinniit pineqartuniit nalunaarutiniq digitaliusunik tigusinissamut.

Aamma siunnersuut malillugu allagaatimik, nalunaarummik imaluunniit assigisaanik tiguisissap nammineq aalajangissavaa, taanna suliap suliarinissaanut atugassatut anisissanerlugu.

Aamma siunnersuutikkut isumannaarneqassaaq, atuaanermut, saqqummiussinermut, nassuiaanermut, ilisimatitsinermut assigisaanullu aalajangersakkat allagaatit il. il. eqqartuussivimmiinnermi digitalimik atorneqarnissaannut mattussissannginneri. Taamaalillutik allagaatit aamma tigussaasutut pigineqartariaqassanngillat.

Siunnersuut malillugu piunasaqaataassaaq, digitalimik attaveqarneq sapinngisamik politiinit, unnerluussisussaataasunit aamma eqqartuussivinnit atorneqarnissaa. Taamaalilluni digitalimik attaveqarnerup aamma suliarinninnerup ataavartumik annertusarneqarnissaa piunasaqaataavoq, itkkut aaqqissuussinerit ineriartortinneqarneri, naammassineqarneri aamma nalilersorneqarneri ilutigalugu.

Inunnut paasissutissat pillugit inatsit nangittumik qissimigaarneqassaaq, politiit, unnerluussisussaataasut aamma illersuisut inunnut paasissutissanik suliarinninneranni pinerluttulerinermi eqqartuussisarnermi digitalimik attaveqarnermik atuinermut atatillugu.

Siunnersuutitigut unnerluussisussaataasut aamma eqqartuussiviit pinerluttulerinermi suliarinnittarnerat pillugu eqqartuussisarnermik inatsimmi malittarisassanik imaluunniit nalunaarutiginninnermut malittarisassanik allanngortitsinissaq siunertaangilaq.

Imm. 2-mi siunnersuutigineqarpoq, pinerluttulerinermi eqqartuussisarnermi aalajangersakkat, atsiortoqarnissaanik piunasaqartut, nalunaarutip digitalimik allakkatigut nassiunnissaanut akornutaassanngitsut. Taamaattoq piunasaqaataavoq, nalunaarutip digitalimik atsiorneqarsimanissaa – tassunga ilagitillugu inummit inatsisitigut pisinnaatitaasumit pisussaataasumillu – imaluunniit oqartussa qarfirmiit.

Digitalimik atsiortoqartarnissaanik piunasaqaatip siunertaraa, nalunaarutip nassiussisutut nalunaarsorsimasuminngaanneernissaata qulakkeernissaa, aammalu nalunaarutip ingerlaarnerani aallannortinneqarsimanninnissaata qulakkeernissaa.

Teknikkikkut periarfissaatillugu, nalunaarutit atsiorneqartussat, soorlu assersuutigalugu, pisortat digitalimik allakkerinermik aqqissuussinerat atorlugu nassiunneqarsinnaapput.

Imm. 3-mi siunnersuutigineqarpoq, nalunaarut digitalimik attaveqarnikkut nassiunneqartoq, apuussimasutut isigineqassasoq tiguisussamit tiguneqarsinnaanngoraangat.

Aalajangersagaq malillugu nalunaarut digitalimik attaveqarnikkut nassiussaq apuussimasutut isigineqassaaq, piffissami tiguisussap suliarisinnaanngorpagu aamma atuarsinnaanngorpagu. Taamaattumik apeqqutaanngilaq, tiguisussap nalunaarutip imarisaa ilisimalersimaneraa imaluunniit qanga imarisaanik ilisimasaqalersimansoq. Tamatuma malitsigivaa, digitalimik nalunaarut, ulloq 30. november nal. 23.59 tiguneqartoq, ulloq 30. november apuussimasutut isigineqarnissaa.

Nalunaarutit pappiliatigut tiguneqartunut tunngatillugu allannguinnissaq siunertaanngilaq. Taamaattuni nalunaarutit nangittumik allaffiit ammanerisa nalaanni tiguneqartaannassapput apuussimasutut isigineqassagunik.

Pisuni piffissami aalajangersimasumi nalunaarummik tiguisoqarnissaanut pisariaqartitsiffiusuni, piffissarititaasumik aalajangiisoqassaaq, ullulernerqarsimasumik aammalu nalunaaqutalerneqarsimasumik, qaqugu nalunaarutip tiguneqareersimaffissaanik.

Piffissaq tiguisiffik it-kkut aqqissuussani amerlanerpaani nammineertumik nalunaarsorneqassaaq. Digitalimik nalunaarummik tiguisimanerup piffissaa it-kkut aqqissuussami ajornartorsiuteqarneq pissutigalugu imaluunniit ajornartorsiutit assingusut pissutigalugit aalajangerneqarsinnaanngippat, nalunaarutp apuussimasutut isigineqassaaq piffissami nassiunneqarfiani, piffissaq nassiussiffiusoq pillugu paasisutissanik tutsuiginartunik pissarsisoqarsinnaappat.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.1.2-mut innersuussisoqarpoq.

Nr. 6-imut (§ 283, imm. 1)

Eqqartuussisarnermik inatsimmi § 283, imm. 1 naapertorlugu imaappoq § 448 c malillugu aalajangerneqartartoq suliat katissimanermut tunngassutillit naalagaaffimmi maani suliaannortinneqarsinnaanerit (Danmarkimi aamma Kalaallit Nunaanni).

§ 448 c qallunaat eqqartuussisarnermut inatsisaanniittoq atuutsilersinneqartoq inatsit nr. 1711, 27. December 2018-meersumi angajoqqaat akisussaanerit pillugu inatsisip Kalaallit Nunaanni

allangortinnissaanut inatsit, apparilersarneq apparikkunnaartarnerlu pillugu inatsit kiisalu inatsit allat assigiingitsut allannguutaat pillugit inatsit (allannguutit Familieretshusimi inatsip allangornerata kingunerisaanik aamma meeqqap illersorneqarnerunissaanik ukkassinerup annertusinera suliani angajoqqaat akisussaanagerat pillgu inatsimmiittuni), ingerlateqqinneqarpoq qallunaat eqqartuussisarnermi inatsisaanni § 448 f-isut (oqaatsitigut allannguutitaqalaarluni). Taamaalilluni § 448 c taarserneqarpoq § 448 g-mik suliani isumaqatigiissutit allangortinneqarnerannut tunngassutilinni averusernermi avinnermiluunniit pigisat agguataarneranut imaluunniit averusernermi avinnermiluunniit atugassarititanut allanut tunngatillugu.

Tamatuma kinguneratut siunnersuutigineqarpoq inatsisissatut siunnersuut § 1, nr. 6, siunissami eqqartuussisarnermik inatsimmi § 283, imm. 1 danskit eqqartuussisarnermik inatsisaanni § 448 f-imut aamma § 448 g-mut innersuussutaanissaa, § 448 c-mut taarsiullugu.

§ 283, imm. 1-ip allangortinneqarnissaanik siunnersuutip imaraa, qallunaat eqqartuussisarnermut inatsisaanni §§ 448 f aamma 448 g siunissami assingusumik Kalaallit Nunaanut atuutsilersinneqarnissaa.

Nr. 7-imut (§ 283, imm. 2)

Eqqartuussisarnermut inatsit § 283, imm. 2 malillugu, qallunaat inatsisaat § 148 f naapertorlugu aalajangerneqartassaaq suliat angajoqqaatut akisussaanagermut, meeqqap najugaqarfianut, meeqqamik najorteqarnermut, allatut attaveqarnermut imaluunniit nunamut allamut aallarnissamut akuersissutiginnittarnerit maani naalagaaffimmi ingerlanneqartalernissaat (Danmarkimi aamma Kalaallit Nunaanni).

§ 448 f qallunaat eqqartuussisarnermut inatsisaanniittoq atuutsilersinneqartoq inatsit nr. 1711, 27. December 2018-meersumi angajoqqaat akisussaanagerat pillugu inatsisip Kalaallit Nunaanni allangortinnissaanut inatsit, apparilersarneq apparikkunnaartarnerlu pillugu inatsit kiisalu inatsit allat assigiingitsut allannguutaat pillugit inatsit (allannguutit Familieretshusimi inatsip allangornerata kingunerisaanik aamma meeqqap illersorneqarnerunissaanik ukkassinerup annertusinera suliani angajoqqaat akisussaanagerat pillgu inatsimmiittuni), ingerlateqqinneqarpoq qallunaat eqqartuussisarnermi inatsisaanni § 448 g-tut (oqaatsitigut allannguutitaqalaarluni).

Tamatuma kinguneratut siunnersuutigineqarpoq inatsisissatut siunnersuut § 1, imm. 7, siunissami qallunaat eqqartuussisarnermi inatsisaanni § 283, imm.2 siunissami § 448 g-mut § 448 c-mut taarsiullugu innersuussutigineqartalernissasoq.

§ 283, imm. 2-p allangortinneqarnissaanik siunnersuutip imaraa, qallunaat eqqartuussisarnermut inatsisaat § 448 g, siunissami assingusumik Kalaallit Nunaanut atuutsilersinneqarnissaa.

Nr. 8-mut (§ 321, imm. 1, nr. 34)

Eqqartuussisarnermik inatsimmi § 321, imm. 1 malillugu, unnerluussaasoq nammineerluni, eqqartuussivimmut sassarsinnaatitaasumik, eqqartuussinermut peqataasussamik, illersuisussarsisimangippatpiumasaqaatinik sukumiinerusumik tullerriaakkanik arlalinnik naammassinnittumik, eqqartuussiviup unnerluussaasoq illersuisussamik tunissavaa, tak. eqqartuussisarnermik inatsimmi § 321, imm. 1, nr. 1-3.

Inatsisissatut siunnersuummut § 1, nr. 9-mut normu nutaaq ikkunneqassaaq § 321, imm. 1-imi.

Tamanna tunuliaqutaralugu siunnersuutigineqarpoq kingunerisaatut allannguisoqarnissaa inatsisissatut siunnersuummi § 1, nr. 8-mi.

Aammattaaq inatsisissatut siunnersuummi nalinginnaasumik nassuiaatini imm. 2.3.2.2.-mut innersuussisoqarpoq.

Nr. 9-mut (§ 321, imm. 1, nr. 4)

Eqqartuussisarnermik inatsimmi § 321, imm. 1 malillugu, unnerluussaasoq nammineerluni, eqqartuussivimmut sassarsinnaatitaasumik, eqqartuussinermut peqataasussamik, illersuisussarsisimangippat, piumasaqaatinik sukumiinerusumik tullerriaakkanik arlalinnik naammassinnittumik, eqqartuussiviup unnerluussaasoq illersuisussamik tunissavaa, tak. eqqartuussisarnermik inatsimmi § 321, imm. 1, nr. 1-3.

Inatsisissatut siunnersuutip § 1, nr. 9-itaanik siunnersuutigineqarpoq, suliani siunnersuummi § 453, imm. 3, nr. 4 malillugu unnerluussaasup najuutinnginnerani eqqartuussutinngortillugu suliarineqartuni, pineqaatissinneqarsimasunut inissiisarfimmut inissiisoqarnissaanik apeqquteqartillugu, pinngitsoorani illersuisumik illersuisussanngortitsisoqartarnissaanik atulersitsisoqartarnissaa § 321, imm. 1-imi ilanngunneqarnissaa.

Aammattaaq inatsisissatut siunnersuummi nalinginnaasumik nassuiaatini imm. 2.3.2.2.-mut innersuussisoqarpoq.

Nr. 10-mut aamma nr. 11-mut (§ 440)

Eqqartuussisarnermik inatsimmi § 440 eqqartuussinertaqanngitsumik akiliisitsinermut aamma arsaagaanermut malittarisassamik imaqarpoq. Aalajangersagaq qulequttap ”eqqartuussinertaqanngitsumik akiliisitaaneq aamma arsaagaaneq” ataaniippoq.

Inatsisissatut siunnersuummi § 1. nr. 10-mi aamma 11-mi siunnersuutigineqarpoq, § 440 sioqqullugu *qulequtaq* aamma § 440 atorunnaassasut. Imarisaa § 440 eqqartuussinertaqanngitsumik akiliisitsinermut aamma arsaagaanermut malittarisassaq nuunneqassammat, tassunga ilaatigut ilagitillugu siunnersuutigineqartoq § 449 b (inatsisissatut siunnersuummi § 1, nr. 12).

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.2-mut innersuussisoqarpoq.

Nr. 12-imut (§§ 449 a-449 c)

Inatsisissatut siunnersuutip § 1, nr. 12-iatigut, siunnersuutigineqarpoq, eqqartuussisarnermik inatsimmi "*suliat nassuernertut suliarineqartut*" pillugit immikkoortup ataani immikkoortumik nutaamik pingasunik aalajangersagartalmik ikkussisoqarnissaa, §§ 449 a-449 c.

Aalajnagersakkat taakkua siunertaraat pinerluttulerinermi suliat ingerlanneqartarnerisa pitsannorsarneqarnissaat aamma suliarineqartarnerinut piffissap sivikillineqarnissaa.

§ 449 a

Eqqartuussisooqataasartunik peqataasoqartinnagu pinerluttulerinermi suliat ingerlanneqartarnissaannut eqqartuussisarnermik inatsit tunngavimmik imaqanngilaq. Tamatuma malitsigivaa, pinerluttulerinermi suliani, isertitsivimmut inissinneqarnissamik apeqquteqarfiusuni, aamma pasisap nangaassuteqarani nassuerfigisaani, allakkamik unnerluussummik suliaqartoqartinnagu aamma eqqartuussisooqataasartunik peqataasoqartinnagu eqqartuussuteqarfiusinnaannginnerat.

Tamanna tunngavigalugu siunnersuutigineqarpoq, eqqartuussisarnermik inatsimmi § 449 a-mi aalajangersakkamik nutaamik ikkussisoqarnissaa, tamatuma kingorna suliat eqqartuussuteqarfiusinnaanngortillugit, pasisaq nangaassuteqarani nassuerpat.

Aalajangersagaq danskit eqqartuussisarnermik inatsisaanni § 831-mut assinguvoq ataasiakkaanik allaanerussuteqarluni.

Imm. 1-imi siunnersuutigineqarpoq, § 357 imaluunniit § 447 malillugu eqqartuussinermi imaluunniit § 472, imm. 1 malillugu eqqartuussutissamut isumaqatigiinniarnermi pasisaq pinerluttulerinermik suliami nangaassuteqarani nassuerpat, eqqartuussisooqataasartut peqataaffigissaraluanni, taava pinasuartumik suliaq eqqartuussinermik kinguneqarsinnaavoq, § 449 a, imm. 1, nr. 1-4-mi piumasaaqatit naammassineqarsimappata.

Allannguutissatut siunnersuutigineqartup malitsigivaa, suliat nassuernertut suliarineqartut pisariinnerusumik aalajangiiffigineqasinnaangornerat, eqqartuussutissamik isumaqatigiinniarnaq aqcutiginagu. Eqqartuussivimmiittoqassaarli – pisariinnerusumik periuseqarfiusumik – pinerluttulerinermi suliani allanisuut eqqartuussutissamik isumaqatigiinniarnermut assingusumik.

Oqaaseqaatigineqarpoq, suliap pisariinnerusumik aalajangiiffigineqarnissaanut piumasqaataasoq, pasisap eqqartuussivimmi nangaassuteqarani nassuernissaa.

Aalajangikkatut siunnersuutip ilaatigut imaraa suliami eqqartuussisarnermut inatsit § 357 malillugu inatsit tunngaviusoq naapertorlugu killisiuinnermut atatillugu pasisaq pisuusutut nassuerpat ingerlaannartumik eqqartuussuteqartoqarsinnaanera, Suliaq taamaalilluni nassuernertut suliarineqarsinnaa-voq, § 449 a, imm. 1, nr. 1-4-mi, piumasqaatit naammassineqarpata. Tassunga atatillugu oqaaseqaatigineqarpoq, eqqartuussisarnermik inatsimmi inummik misissuineq pillugu § 436 akornutaanngitsoq, inatsit tunngaviusoq naapertorlugu killisiuinnermut atatillugu, soorlu pisuni suliap eqqartuussisarnermi periaatsit aalajaatsutut ingerlanneqarsinnaanera siunnersuutigineqartoq § 449 a malillugu. Pinerluutigisamulli atatillugu pineqaatissiilluni aalajangersaaneq, soorlu assersuutigalugu hashimik eqqussinerit pillugit suliani parnaarussaassutissanngortitsisuni.

Tamatuma saniatigut, unnerluusaaq soorlu assersuutigalugu, politiit nalu-naarutaannut pisuusutut nassuerpat, siunnersuutigineqartoq § 449 a malillugu, najukkami eqqartuussivik suliassanngortitsisinnaavoq eqqartuussisooqataarsartunik aamma ilisimannittunik aggersaanertaqanngitsumik, piumasqaatit naammassineqarsimappata. Taamaalilluni najukkami eqqartuussivik suliassanik taamaattuni arlalinnik katersuisinnaavoq piffissani sivikisukkuutaartuni tulleriarlugit suliarineqarsinnaasunik. Unnerluusaaq najuuppat pisuusutullu nassuerpat taava suliaq § 449 a malillugu aalajangiiffigineqassaaq. Unnerluusaaq najuuppat aammalu pisuujumangippat, suliaq kinguartinneqassaaq, aamma ilisimannittut aamma eqqartuussisooqataasartut aggersarneqassapput. Eqqartuussivimmiinnermi unnerluusaaq periarfissinneqassaaq ilisimannittunik aggersaanissamut imaluunniit uppernarsaatinik allanik saqqummiussisoqarnissaanut kissaateqarnissamut.

Aalajangersakkatut siunnersuutip malitsigivaa, aallaavittut allakkamik unnerluussummik suliaqartoqannginnissaa, pasisaq politiinut nangaassuteqarani nassuersimappat. Taamaalillutik unnerluussisussaataasut eqqartuussivimmiinnissamut piumasqaammik suliaqarsinnaapput § 449 a malillugu suliaqarnissaaq siunertaralugu, aamma taamaalilluni eqqartuussivimmiinnermi unnerluussut oqaasiinnaasumik saqqummiunneqarluni.

Piumasqaataavoq, pasisap *nangaassuteqarani nassuernissaa*, taassuma kingorna nassuerneq piviusunik kanaassusersiunngitsunik aamma kinaassusersiortunik tamanik akuerinninnermik imaqartariaqarluni.

Nassuerneq annikitsortatigut sukumiisariaqarpoq. Soorlu assersuutigalugu, naammassanngilaq pasisap politiit nalunaarutaannut nassuiaatigisimasani attatiinnarpagu. Pasisap nassuiaanerata imarisaa eqqartuussiviup allattuivianut allaqqissaarneqassaaq aammalu atuffassutigineqassalluni pasisamut. Taassuma kingorna pasisap allanneqarsimasut nassuerutigissavai.

Siunnersuutigineqartoq *imm. 1, nr. 1* malillugu, nassuernerup ilumuussusia paasissutissanit allanit pigineqareersunit taperserneqartuassaaq. Tamanna piumasaqaat, soorlu assersuutigalugu, naammassineqanngilaq, nassuerneq pinerloqataasimasinnaasut nassuiaataanniit allaaneruppat.

Suliaq nassuernertut suliassanngortinneqarsinnaavoq, peqataasut tamarmik (unnerluussisoq, eqqartuussisoq, pasisaq) suliarinninnermut tassunga akuersaarpat, tak. siunnersuutigineqartoq *imm. 1, nr. 2*. Pasisaq 18-it inorlugit ukioqarpat, angajoqqaatut oqartussaasumiit akuersarneq aamma piumasa-qaataassaaq.

Siunnersuutigineqartoq *imm. 1, nr. 3* malillugu, naak § 449 a malillugu suliap ingerlanneqarnissaanut piumasaqaatit naammassineqaraluartut, eqqartuussivik piumasaqarnissammut pisinnaatitaavoq, suliaq suliarineqassasoq, allagaq unnerluussut aamma eqqartuussutissamik isumaqatigiinniarnaq eqqartuusseqataasunik peqataaffigineqartoq nalinginnaasoq malillugu, nalileruniuk suliap nassuernertut suliarineqarnissaa eqqarsarnartoqartoq. Aamma eqqartuussisup suliap inerlanerani § 449 a malillugu suliarinninneq taamaatissinnaavaa, pisoqarpat eqqarsarnartoqartitsisunik suliap pingaarnersiunnakkatut ingerlanneqaannarnissaanut, soorlu assersuutigalugu, pasisap *imm. 1, nr. 2* malillugu akuersaarnini tunuartippagu.

Suliani, unnerluussaq tigusaasimatillugu aamma tiggummigallagassanngortitaanissaq siunertaralugu § 357 malillugu inatsit tunngavisoq naapertorlugu killisiorneqarsimatillugu, ingerlaannartumik eqqartuussuteqarnissaq periarfissaassaaq, unnerluussaq pisoq nassuerutigisimappagu. Pisuni taamaattuni apeqqutaavoq, paasissutissat attuumassutillit tamakkerlugit pigineqarneri, inatsisitigut isumannaatumik inissisimanissaq eqqarsaatigalugu inatsit tunngavisoq naapertorlugu killisiuineri suliap aalajangiiffigineqarnissaanut eqqarsarnartoqannginnissaa pillugu.

Imm. 1, nr. 4-mi siunnersuutigineqarpoq, suliaq nassuernertut suliarineqarsinnaassanngitsoq, pinerluttulerinemi inatsimmi kapitali 33-p (tarnikkut nappaatilinnut pineqaatissiinerit immikkut ittut) aamma kapitali 34 (tiggummigallagassanngortitsineq) atorineqarnissaat apeqqutinngorpat.

Imm. 2-mi siunnersuutigineqarpoq, pasisaq unnerluussutip imarisaanik ilisimatinneqassasoq, aamma oqaaseqarnissamut periarfissinneqassasoq, eqqartuussiviup eqqartuussuteqarnissaa sioqqullugu. Suliami paasissutissanik allanik pisariaqartitsisoqarpat, tamanna eqqartuussisarnermik inatsimmi kapitali 34 (paasiniaanerit aamma killisiuinerit pillugit aalajangersakkat nalinginnaasut) malillugu pissaaq, aamma pasisaq paasissutissat taakkua pillugit oqaaseqarnissamut periarfissinneqassaaq.

Siunnersuutigineqartoq *imm. 3* malillugu, pasisamut illersuisussamik toqqaasoqassaaq, suliaq pillugu ilisimasaqalernissamik, suliaq pillugu pasisarlu oqaloqatigiinnissamut aammalu eqqartuussivimmut oqaaseqarnissamut periarfissinneqartussamik, pasisaq tigusarineqarsimappat imaluunniit tiggummigallagassanngortinneqarsimappat, pineqartup *imm. 1, nr. 2* malillugu akuersissuteqannginnerani.

Suliap nassuernertut suliarineqarnissaanut illersuisoq akerliuppat, tamanna kinguneqarsinnaassaaq, suliap suleriaaseq pisariitsoq malillugu aalajangiiffigineqarsinnaannginneranik.

Pasisaq tigusaaasimangippat imaluunniit tiggummigallarneqanngippat, ilitsersuunneqassaaq, kissaatigippagu, siunnersuutigineqartoq *imm. 4* malillugu illersuisussaamik toqqaasoqarnissaamik. Pasisaq illersuisoqarnissamut kissaateqarpat, *imm. 3* assinganik atuutissaaaq.

Eqqartuussuteqarnermut aamma naammassinninnermut aalajangersakkat nalinginnaasut aamma sulianut atuupput, § 449 a malillugu suliarineqartunut, tak. aalajangersakkami *imm. 5*.

Siunnersuutigineqartoq *imm. 6* malillugu, suliaq nassuernertut suliarineqarsinnaanngilaq, peqatigiiffimmik artorunnaarsitsineq pillugu § 301, nr. 2-mi ilaatinneqaruni.

Siunnersuutigineqartup *imm. 7*-ip malitsigivaa, pineqartup unnerluunneqarneranut tunngaviusunut pisunut paasissutissat, aamma pasisap aamma unnerluussisussaataasut suliap nassuernertut suliarineqarnissaanut akuersaernerat, eqqartuussiviup allattuivianut allanneqassapput. Aamma eqqartuussiviup allattuivianut allanneqassaaq, pasisap illersuisussaminik toqqaasoqarnissaa kissaatiginngippagu, tak. *imm. 4*.

Aalajangersakkap siunnersuutigineqartup *imm. 8*-taa malillugu eqqartuussivik aalajangersinnaavoq, *imm. 1* malillugu pasisaq eqqartuussivimmi alimasissumik assitalimmik peqataassasoq, pasisap eqqartuussivimmi najuunnissaa pisariaqanngippat. Pasisap eqqartuussivimmi najuunnissaa pisariaqarnerisooq nalilersuineramik tunngaveqassaaq. Illersuisuusinnaasoq eqqartuussivimmi pasisaq assigalugu peqataassaaq, eqqartuussiviup tulluannigitsutut isiginngippagu taarsiullugu illersuisup eqqartuussivimmi najuunnissaa. Pasisap aamma illersuisup eqqartuussivimmi peqataanissaat pillugu aamma §§ 128 aamma 163 atuupput. § 466, *imm. 2*, assinganik atuutissaaaq. Taamaalilluni eqqartuussiviup, alimasissumik killisiuinissaaq periarfissaatinnagu, aalajangersinnaavaa, taarsiullugu pasisaq killisiorneqarnissamut aggersar-neqassasoq sumiiffimmut naapertuuttumut.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.1-imut innersuussisoqarpoq.

§ 449 b-mut

Eqqartuussisarnermik inatsimmi § 440, imm. 1 malillugu, politiit – ilimagineqarpat, unioqquitsineq taamaallaat akiliisitaanermik imaluunniit arsaaganermik kinguneqassasoq – allagaq unnerluussut pasisamut nassiussinnaavaat oqaaseqaatitalerlugu, pasisap, pisuusutut nassueruni, eqqartuussinertaqanngitsumik akiliisitsissutip akilernissaa akuerisinnaagaa oqaase-qaammi aalajangersarneqarsimasoq, aamma, arsaagaanissaq ilaatinneqarpat, arsaagaanissaq ilanngullugu akuerisinnaagaa.

Siunnersuutigineqarpoq eqqartuussisarnermik inatsimmi § 449 b-mi aalajangersakkamik nutaamik ikkussisoqarnissaa, sulianik suliarinnittarnermut, pasisap akiliisitsinermik aamma arsaagaasinnaanermik akuersaarnerani. Aalajangersagaq siunnersuutigineqartoq ilaannaasumik nuussineruvoq, Kalaallit Nunaanni eqqartuussisarnermik inatsimmi § 440-mi aalajangersakkamik pioreersumik, siunnersuutigineqartumik nuussinerup kingunerisaanik atorunnaarsinneqartussatut, tak. inatsisissatut siunnersuummi § 1, nr. 11. § 440-p illuatungerisaanik siunnersuutigineqartoq § 449 b immikuualuttunik malittarisassanik imaqarpoq, akiliisitsinermik akuersaarnerup aamma nalunaarutiginninnerup inatsisitigut malitsigisai pillugit.

Aalajangersagaq, ataasiakkaatigut allaanerussuteqarluni, danskit eqqartuussisarnermik inatsisaanni § 832-mut assinguvoq.

Aalajangersakkatut siunnersuutigineqartup *imm. 1*-ia malillugu inatsisinik unioqquitsinerit pillugit suliani taamaallaat akiliisitsinermik imaluunniit arsaagaanermik kinguneqartussani, unnerluussisussaataitasut pasisaq nalunaarfigisinnaavaat, suliaq eqqartuussinertaqanngistumik aalajangiiffigineqarsinnaanera pillugu, pasisaq unioqquitsinermut pisuusutut nassuerpat aamma akiliisitsissutissatut nalunaarutigineqartumik piffissarititaasup iluani akiliinissamut akuersaarpat. Noqqaasoqarneratigut akiliinissamut piffissarititaasoq unnerluussisussaataitasunit sivitsorneqarsinnaavoq.

Eqqartuussisarnermut inatsip § 440 atuuttup akerlianik siunnersuutigineqarpoq eqqartuussisarnermik inatsimmi, pasisap inatsimmik unioqquitsinermut atatillugu akiligassinneqarnermut aamma arsaagaasinnaanermut akuersaarnera pillugu aalajangersakkamik nutaamik ikkussinissaq.

Taamatut akiligassinneqarnermik ingerlaannaq akuersaarnermik aaqqissuussineq piumasaqarfiuvoq suliani uppernarsaatitigut pisariitsuni atorneqassasoq, aamma nalilersuinernik pisariaqartitsiffiunngitsuni, aamma akiligassiissutip annertussusaanut tunngatillugu nalornissuteqarfiunngitsuni. Tamanna isumaqarpoq, aaqqissuussinermi atatillugu pineqartut inatsisinik unioqquitsinerit, akiligassiissuteqarfusut aalajangersimasut uuttuutit malillugit annertussusilikkanik. Aaqqissuussinermi aamma pineqarsinnaapput inatsisinik unioqquitsinerit, soorlu assersuutigalugu, aammaarluni unioq-quitsinermut atatillugu akiligassiissutit

qaffanneqarnerannik kinguneqartut, tassani pisariaqassalluni politiit siornatigut unioqqutitsisimasinnaanermut tunngatillugu sumiiffimmi paasisutissanik aallersinnaanerat.

Aaqquissuussinikkut naatsorsuutigineqarpoq annerusumik pineqarnissaat aqqusinikkut angallannermut inatsimmik politiillu malittarisassaannik unioqqutitsinerit aammalu pisut aallaavigalugit pinerluttulerinermi inatsimmik unioqqutitsinerit ilaat soorlu pisiniarfinni tillinniartoqarsimatillugu, peqquserluttoqarsimatillugu, tillitanik pisisimasoqartillugu paarisaniillunniit peqquserluuteqartoqarsimatillugu.

Piumasaqaatigineqarpoq, akiligassinneqarneq, sumiiffimmi akuerineqartoq, atulersinneqarsinnaasoq apeqqutaatinnagit pineqartumut allat suliat ingerlasut pasinninnerusinnaasut.

Aalajangersakkap siunnersuutigineqartup aamma pissavai arsaagaanermut akuersaarnerit akiligassiissutinut akuersaarnermut atatillugu.

Pasisap akiligassiissummik akuersaarnera imatut pissaaq, ingerlaannaq akiliinikkut, imaluunniit pasisap atsiornermigut piffissarititaasup iluani akili-gassiissut annertussusilerneqartup akilernissaanut akuersaarneratigut. Atsiorneq aamma digitaliusinnaavoq, teknikkikkut periarfissat tamanna ajornartinnagippassuk. Kingusinnerusukkut teknikkikkut periarfissat pasisap akuersaarnerata uppersarnissaa ajornartikkunnaarpassuk, taamatuttaaq taanna tekinnikkikkut periarfissaq ajornartitsissanngilaq akiligassiissutip sumiiffimmi ingerlaannaq akuerineqarnissaanut. Akiliinissamut piffissarititaasoq kingusinnerusukkut noqqaasoqarneratigut unnerluussisussaataasuniit sivitsorneqarsinnaavoq, tak.imm. 1, pkt. 2.-mi siunnersuutigineqartoq.

Ingerlaannaq sumiiffimmi akiliinikkut akiligassiissutip akuerinissaanut periarfissamut apeqqutaassaaq tamatumunnga allaffissornikkut aaqqiisoqarsimanersoq. Taamatut aaqqiisoqarsimannagippat, pasisap sumiiffimmi akiligassiissut atsiornikkut akuerisinnaavaa, kisianni ingerlaannartumik akilernagu.

Pasisap ilisimatinneqassaaq, nammineq aalajangissagaa, akiligassiissut akuerissanerlugu aammalu ingerlaannaq akilissanerlugu. Pasisap unioqqutitsinerimut pisuusutut nassuersinnaappat, kisinnili ingerlaannaq akiligassiissut akuererusunnagu, malittarisassat nalinginnaasut malillugit kingusinnerusukkut akiligassiissut akuerisinnaassavaa. Kingusinnerusukkut pasisap akiligassiissut aammaarluni akuerinnagippagu, unnerluussisussaataasut suliaq eqqartuussivimmut suliassanngortissavaat malittarisassat nalinginnaasut malillugit.

Pasisap akiligassiissummik akuersinermigut aamma akiligassiissutip annertussusaa akuerissavaa. Taamaattoq pasisap piust naapertorlugit pisinnaatitaasinnaavoq akiligassiissutip appartinnissaanut, isertitakippallaarnini pissutigalugu, tak. ataani siunnersuutigineqartoq § 449 c imm. 1 pillugu.

Allakkap unnerluusstip § 437, imm. 2, nr. 1 aamma 2 malillugu piumasaqaatit naammassisimassavaat, tak. siunnersuutigineqartoq imm. 2.

Siunnersuutigineqartoq imm. 3 malillugu pasisaq 18-it ataallugit ukiulik inatsimmut unioqqutitsinermut atatillugu akiliisitsinermut akuersaarsinnaa-voq angajoqqaatut oqartussaasoq akuersiteqqaarnagu.

Siunnersuutigineqartoq imm. 4 malillugu, akuersaernerup inatsisitigut sunniutai kinguneqarput ingerlaqqittumik malersuinerup atorunnaarneranik, taamaattoq tak. § 315, imm. 1, aamma § 449 a, imm. 2. Tamanna ilaatigut malitseqarpoq, pasisap, siunnersuutigineqartoq § 449 c, imm. 2 malillugu, akiligassinneqarnermut akuersaerneq tunuartippagu, malersuineq nangittumik ingerlaqqissinnaavoq, § 315, imm. 1 malillugu, ingerlaqqittoqanngikkaluartoq. Akuersaerneq eqqartuussutitut uteqqiinermini atuuttarpoq.

Tamatuma saniatigut inatsisissatut siunnersuummi oqaaseqaatinut nalin-ginnaasunut immikkoortoq 2.2.2.2-mut innersuussisoqarpoq.

§ 449 c-mut

Eqqartuussisarnermut inatsimmi allaqqasoqanngilaq malittarisassanik pasisaq inatsimmik unioqqutitsinermut atatillugu akiligassamik imaluunniit arsaarinninnermik pillaatisinermik akuersinissaa. Taamaattoqinatsisissatut siunnersuummi § 449 b-mi taamaattunik pilersitsinissamut periarfissaqalernissaaq siunnersuutigineqarpoq. Tamatuma kinguneranik aamma aalajangersakkatut § 449 c-p, eqqartuussisutigit suliani inatsimmik unioqqutitsinermut atatillugu akiligassiisarnerni allannguutissanut tunngasup ikkunneqarnissaa siunnersuutigineqarpoq.

Imm. 1-imi siunnersuutigineqarpoq, pasisaq unioqqutitsinermi atatillugu akiligassinneqarnissamut aamma arsaagaasinnaanermut akuersisimappat, tak. § 449 b, akuersineq ajornartitsinnigilaq unnerluussisussaataasut noqqaassuteqartoqarneratigut akiligassiissummik appartitsisinnaanerannik, pasisap isertitakinneranik pissuteqartumik. Aamma tamanna atuuppoq akiligassap akilerneqareersimanerani.

Taamaalilluni pasisap akuersereermermi kingorna noqqaasinnaavoq akiligassiissuttip appartinneqarnissaanut. Pasisap isertitai appasittut akiligassiissuttip appartinneqarnissaanut, tamanna pillugu unnerluussisussaataasut aalajangiissapput. Pasisap akiligassiissut qaffasinnerusoq akileereersimappagu, sinneruttoq utertinneqassaaq. Pasisap isertitakippallaarnini pissutigalugu akiligassiissuttip appartinneqarnissaanut noqqaassutaa unnerluussisussaataasut itigartippassuk, sap. ak. 4-t qaangiutsinnagit itigartitsineq rigsadvokatimut naammagittaalliutigineqarsinnaavoq, tak eqqartuussisarnermik inatsimmi § 65, imm. 4 aamma 5. Akiligassiissuttip appartinneqarnissaanut pasisap noqqaassutaa itigartinneqarpat, akiligassiissummumut akuersaerneq siulleq ataannassaaq.

Siunnersuutigineqartoq imm. 1-imi taamaallaat pineqarpoq akiligassiisummik appartitsineq pasisap isertitakippallaarnera pissutigalugu. Akiligassiisutip naatsorsorneqarnera pillugu maalaarutaasinnaasut allat, aamma pisuu-titsineq pillugu maalaarutit, siunnersuutigineqartoq imm. 1 malillugu suliarineqarsinnaanngillat. Tulliuttuni nassuiarneqartutut pasisap akiligaassiisummik akuersaarnermiit ullut 14-it qaangiutsinnagit qanorluunniit akuersaarnini tunuartissinnaatitaavaa, tak. siunnersuutigineqartoq imm. 2.

Imm. 2, pkt. 1.-imi siunnersuutigineqarpoq, pisuni imm. 1-imi eqqaaneqartuni, pasisap akiligassiisutip akuerineraniit ullut 14-it qaangiutsinnagit politiinut nalunaaruteqarnikkut akuersaarnini tunuartissinnaagaa.

Taamaalilluni pasisap akiligassiisummik akuersaarnini tamaat ullut 14-it qaangiutsinnagit peqqissimissutigisinnaavaa, kisianni pasisap peqqissimissuteqarnissamut periarfissaq atorsimangippagu, akiligassiisummik akuersaarneq atuutiinnassaaq. Aamma tamanna atuppoq pisuni, unnerluussisussaataasut, peqqissimissuteqarnissamut piffissarititaasup kingorna aatsaat, akiligassiisutip appartinneqarnissaanut pasisap noqqaassutaa pillugu aalajangiippata pasisap isertitakippallaarnera pissutigalugu imm. 1 malillugu.

Pasisaq 18-it ataallugit ukioqarpat, aamma angajoqqaatut oqartussaasup akuersaarneq tunuartissinnaavaa. Peqqissimisinnaatitaaneq pisuni aamma atuuppoq, akiligassiisutip akilereerneqarsimanerani, tak. *Imm. 2, pkt. 2*

Naammaginassaaq, pasisaq – imaluunniit angajoqqaatut oqartussaasoq – piffissarititaasup naannginnerani politiinut nalunaaruni, akuersaarnini tunuartikkini. Akuersaarnermik tunuartitsineq tunngavilersuutitaqartariaqanngilaq.

Pasisaq – imaluunniit angajoqqaatut oqartussaasoq – piffissarititaasup naannginnerani akuersaarneq tunuartippagu, suliaq eqqartuussivik aqutitigalugu aalajangiiffigineqartussanngortariaqassaaq. Eqqartuussiviup suliaq suliarisinnaassavaa pisariitsumik akiliigassiinermik suliaqarnikkut, tak. eqqar-tuussisarnermik inatsimmi § 475, tassunga piumasaqaataasut naammassineqarsimappata.

Akuersaarneq malittarisassat malillugit tunuartinneqanngippat, akuersaarnerp inatsisitigut sunniutai naatsorsorneqassapput piffissaq akuersarfiusoq uuttuutigalugu (tunuartitsinissamut piffissarititaasup naaneraninngaanniunngitsoq), tassunga ilagitillugu uteqqiinerup sunniutissai eqqarsaatigineqassallutik, tak. siunnersuutigineqartoq § 449 c, imm. 4, pkt. 2.

Imm. 3-mi siunnersuutigineqarpoq, politiit pasisaaq aamma, pineqartoq 18-it ataallugit ukioqarpat, angajoqqaatut oqartussaasoq, isertitakippallaarneq pissutigalugu akiligassiisutip

appartinneqarsinnaaneranut periarfissaq pil-lugu aamma peqqissimisinnaatitaanermut pisinnaatitaaffik pillugu ilitersussavaat.

Pisumi, pasisaq 18-it ataallugit ukiulik namminerluni akiligassinneqarnermut akuersaarsimappat, taava politiit pineqartoq aamma angajoqqaatut oqartussaasoq peqqissimisinnaanermt pisinnaatitaaffik pillugu ilitersus-savaat.

Kiisalu *imm. 4*-mi siunnersuutigineqarpoq, justitsministeri siunnersuutigineqartoq *imm. 3* malillugu politiit ilitersuisarnerat pillugu malittarisassanik aalajangersaasinnaasoq.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.2.2.2-mut innersuussisoqarpoq.

Nr. 13-imut (§ 452, imm. 2, pkt. 1.-imi allassimasut)

Eqqartuussisarneq pillugu inatsimmi § 452, *imm. 2, pkt. 1.-imi* allassimasumi aalajangersagaq atuuttoq malillugu, unnerluussaasoq akuerineqarsinnaasumik peqquteqarani takkutinngitsoorpat imaluunniit nassuiaateqarumangippat, suliaq eqqartuussiviup, soorlumi unnerluussaasup pissutsinut pineqartup unnerluussaassutigisaanut nassuerutiginnissimaneratut, suliarisinnaavaa. Taamaattoq, suliap nalaani akiliisitsinnermit, arsaarinninnermit, ingerlatitsisinnaanermut allagartaajagaanermut aamma taarsiisussaatitaanermut allaanerusunik iliuusissanik apeqquteqanngippat, aammalu suliaq § 452, *imm. 2, pkt. 2.-mi* allassimasut naapertorlugit annertuumik pingaaruteqanngippat, tamanna taamaallaat atuuppoq.

Inatsisissatut siunnersuummik, eqqartuussisarneq pillugu inatsimmi § 452, *imm. 2, pkt. 1.-imi* allassimasumi aalajangersagaq allanngortinneqassasoq siunnersuutigineqarpoq, taamaalilluni eqqartuussiviit siunissami suliaq, unnerluussaasoq akuerineqarsinnaasumik peqquteqarani takkutinngitsoorpat imaluunniit nassuiaateqarumangippat, soorlumi unnerluussaasup pissutsit pineqartumut unnerluussisutiginetartunik nassuerutiginnissimaneratut, suliarisalissallugu.

Allannguinerup nassatarissavaa, soorlumi unnerluussaasup nassuersimaneratut suliap ingerlanneqarsinnaassanngippat, taamatut ingerlanneqarsinnaanissaanut akerliusunik, suliami pineqartumi pissutsinik piviusunik peqartariaqarpoq. Tamatumunnga atatillugu tunngaviusut piviusut eqqartuussinermi allattuiffinnut eqqartuussiviup nalunaarsussagai piumasaqaataavoq.

Aalajangersakkamut atuuffiusussatut suliassaqarfinnik allannguinnissanik siunnersuummik siunertarineqanngilaq.

Inatsisissatut siunnersuummi nassuiaatini nalinginnaasuni *imm. 2.3.2.1.-imut* innersuussisoqarpoq.

Nr. 14-imut (§ 453, imm. 3 aamma 4)

Eqqartuussisarneq pillugu inatsimmi § 453, imm. 3-mi aalajangersagaq atuuttoq malillugu, imm. 3, nr. 1-miit 5-imut eqqaaneqartuni pissutsini eqqartuussummut isumaqatigiinniarnaq, unnerluussaasup najuuttariaqarnera eqqartuussiviup pisariaqartutut isiginngippagu, unnerluussaasup peqannginnerani eqqartuussutinngortillugu suliarineqarsinnaavoq.

Ataatsimut isigalugu, aalajangersagaq tamarmiutillugu, qallunaani eqqartuussisarneq pillugu inatsimmi § 855, imm. 3-mut assingulersillugu, taamaalillunilu eqqartuussisarneq pillugu inatsimmi § 453, imm. 3 nutaanngorlugu allanneqassasoq siunnersuutaavoq (aalajangersakkap piffissami inatsisissatut siunnersuutip ilusilersorneqarnerani isikkua atorlugu)

Inatsisissatut siunnersuummik siunnersuutigineqarpoq aalajangersakkami *imm. 3* allanngortinneqassasoq, taamaalilluni eqqartuussiviit siunissami, ataani allassimasut naapertorlugit aamma taanna allanngortinneqartussatut siunnersuutaasoq, imm. 3, nr. 1-miit 5-imut allaatigineqartuni pisuni, unnerluussisuussut tamatuminnga qinnuteqaateqarpata, aamma eqqartuussiviup, unnerluussaasup najuunnissaa pisariaqartutut isiginngippagu, unnerluussaasup najuutinnginnerani, eqqartuussummut isumaqatigiinniarnaq eqqartuussutinngortillugu *suliarineqartalissalluni*.

Allannguummik siunnersuutigineqartumik, unnerluussaasup najuuttariaqarneranik pisariaqartitsiviunngitsutut naliliiffiusuni suliani tamani, aamma tamatuma saniatigut tamatumunnga piunasaqaatit naammassineqarsimatillugit, unnerluussisuusut, unnerluussaasoq takkutinnngitsooraluarpalluunniit, eqqartuussummut isumaqatigiinniarnep suliarineqartarnissaa pillugu piunasaqartassasut piunasaqaataavoq.

Taamaalilluni, tamatumunnga piunasaqaataasut tamatuma saniatigut naammassineqarsimappata, unnerluussaasup peqannginnerani, eqqartuussummut isumaqatigiinniarnaq eqqartuussutinngortillugu, eqqartuussiviit suliarisassagaat aallaaviulerpoq.

Tamatuma kingorna, unnerluussaasoq peqanngikkaluartoq suliaq naammattumik paasisutissiissuteqarfiuppat, eqqartuussummut isumaqatigiinniarnaq suliarineqartassaaq. Taamaattumik pissutsit, unnerluussaasumiit nassuiaateqarneq, pisuunermut aammalu pineqaatissiinerup annertussusaanut naliliinermi isumaqarsinnaagaluartoq, kisimiitillugu suliamik kinguartitsinermik kinguneqarsinnaanngilaq.

Pisumi nunami allamioq Danmarkimut attuumassuteqarnini pillugu paasisutissanik tunniussisimangitillugu – soorlu assersuutigalugu nunami allamiut pillugit inatsit pillugu peqqussummi § 26 malillugu killisiuinermi – tamanna suliap eqqartuussivimmit eqqartuussutigineqannginnissaanut tunngavigisassatut naammassanngilaq.

Taamaattoq eqqartuussiviup tunngavissaqartippagu eqqartuussummut isumaqatigiinniarnermi unnerluusaaq peqataasariaqartoq, eqqartuussiviup aalajangersinnaavaa, unnerluusaaq najuutsinnagu suliami eqqartuussuteqannginnissaq. Tamanna pisinnaavoq, nunami allamiup inatsisunik malinnilluni nunamiinnerata sivisussusaanut imaluunniit inummut paasissutissanik attuumassuteqartunik allanik uppersaatitunik amigaateqarnermi, anisitaasinnaaneq pillugu apeqqummut pisariaqartut nalilerneqartunik.

Allannguinerup nassataraa suliami ataasiakkaami, eqqartuussummut isumaqatigiinniarnernup nalaani unnerluusaaq najuunnissaata pisariaqarneranut pequtaasunik piviusunik peqassasoq. Tamatumunnga atatillugu, suliap naammanngitsunik paasissutissiissuteqarfiusimaneranut, eqqartuussiviup eqqartuussinermi allattaavimmi patsisaasunik piviusunik nalunaarsuutigissagaa piumasagaataavoq.

Eqqartuussisarneq pillugu inatsimmi § 453, imm. 3, nr. 1-miit 5-imut allassimasuni aalajangersagaq atuuttoq malillugu, unnerluusaaq peqannginnerani suliaq suliarineqarsinnaavoq pisuni tullittuni:

- 1) akiliisitsinnermit, arsaarinninnermit, ingerlatitsisinnaanermut allagartaajagaanermi imaluunniit taarsiissuteqarnermit kinguneritinneqartunit allaanerusunik peqanngitsoq nalilerneqarpat,
- 2) unnerluusaaq peqannginnerani suliap suliarineqarsinnaaneranut aamma aalajangiiffigineqarsinnaaneranut unnerluusaaq isumaqataasimappat,
- 3) unnerluusaaq pinngitsuutitaanissaanut suliap qularutissaanngitsunik kinguneqarnissaa eqqartuussiviup nalilerpagu,
- 4) suliap aallartinnerani unnerluusaaq takkunnikuulluni eqqartuussiviup akuerinngisaanik eqqartuussivimmit qimagussimappat, imaluunniit
- 5) unnerluussissutip nalunaajaatigineqarnerata kingorna unnerluusaaq qimaasimappat.

Aalajangersakkami imm. 3, nr. 1-imi aamma 2-mi siunnersuutaavoq, pisuni, suliap aallartinnerata kingorna unnerluusaaq eqqartuussivimmit qimagussimappat imaluunniit unnerluussissutip nalunaajaatigineqarnerata kingorna qimaasimappat, suliaq suliarineqarsinnaasoq. Eqqartuussisarneq pillugu inatsimmi § 453, imm. 3, nr. 4-mi aamma 5-imi aalajangersakkanut atuuttunut aalajangersakkat assingupput. Aalajangersakkap atuuffissatut suliassaarfiani allanguinissanik eqqarsartoqanngilaq.

Imm. 3, nr. 3-mi siunnersuutaavoq, suliap nalaani, pineqaatissinneqarsimasunut inissiisarfimmi ukiumik 1-imik imaluunniit tamatumunnga sivikinnerusumik inissiisoqarnissaa, arsaarinnineq, nunamiit anisitsineq, pisinnaatitaaffiaaneq imaluunniit taarsisussaataaneq pillugu taamaallaat apequtaatitsisoqarpat, unnerluusaaqorlu eqqartuussummut isumaqatigiinniarnissap ingerlanneqarnissaanut isumaqataasimappat, suliaq suliarineqarsinnaasoq.

Unnerluussaasoq najuutinngikkaluarluni suliaq ingerlanneqarsinnaasoq unnerluussaasup isumaqatigigaluarpaguluunniit, pinerluttulerinermik suliani tamani takkutinngitsoortoqarnerani eqqartuussutinik nalunaarutiginnittoqarsinnaannginnera pillugu § 453, imm. 3, nr. 2-mi aalajangersakkamut atuuttumut naleqqiullugu aalajangersakkakut atuuffissanik ikilisaasoqarpoq. Taamaalillugu tamatumunnga atuuffissatut periarfissat, pineqaatissinneqarsimasunut inissiisarfimmi ukiumik ataatsimik imaluunniit tamatuminnga sivikinnerusumik inissiisoqarnissaa, arsaarinninneq, nunamiit anisitsineq, pisinnaatitaaffiaaneq imaluunniit taarsisussaataaneq pillugu apeqqutaatitsisoqarfiusunut sulianut ikilisinneqarput.

Unnerluussaasoq, pineqaatissinneqarsimasunut inissiisarfimmi qaammatinik 6-nik imaluunniit tamatuminnga sivikinnerusumik inissiisoqarnissaanit, akiliisitsinermik, arsaarinninnermit, ingerlatitsisinnaanermut allagartaajagaanermik imaluunniit taarsisussaataanermik kinguneritinneqartunit allaanerusunik pineqaatissinneqanngippat suliaq suliarineqarsinnaassasoq, imm. 3, nr. 4-mi siunnersuutaavoq.

Aalajangersakkamik § 453, imm. 3, nr. 1-imi aalajangersagaq atuuttoq, uuminnga allannguutitalerlugu, aalajangersagaq akiliisitsinermik sulianut atuunnissaanut killigaajunnaarsillugu, kisiannili aamma unnerluussaasup pineqaatissinneqarsimasunut inissiisarfimmut inissinneqarnissaanik (taamaattoq sivisunerpaamik qaammatini arfinilinni) eqqartuussinernut suliani atuuttussanngorlugu ingerlateqqinneqarpoq. Tamatuma saniatigut, nunamit anisitsineq pillugu suliat unnerluussaasup najuutinnginnerani suliarineqarsinnaassasut ilassutigineqarpoq. Nunamit anisitsineq pissaaq, nunami allamiut pillugit inatsisip Kalaallit Nunaannut atuutilersinneqarnera pillugu peqqussummi nr. 150, 23. februar 2001-imeersumi kapitali 4 malillugu.

Taamaalilluni unnerluussaasumut, pineqaatissinneqarsimasunut inissiisarfimmi qaammatinik 6-nik imaluunniit tamatuminnga sivikinnerusumik inissiisoqarnissaanik, akiliisitsinermik, arsaarinninnermik, ingerlatitsisinnaanermut allagartaajagaanermik imaluunniit taarsisussaataanermik, pinerluttulerinermik suliaq, suliap nalaani unnerluussaasoq najuutinngikkaluartoq siunissami suliarineqarsinnaalissaaq. Eqqartuussummut isumaqatigiinniarnep suliarineqarnissaanut unnerluussaasup isumaqataanera apeqqutaatinneqarani tamanna atuuppoq.

Kiisalu, suliap suliarineqarnerani qularnaateqanngitsumik unnerluussaasoq pinngitsuutinneqartussaasoq eqqartuussiviup isumaqarfigippagu suliaq suliarineqarsinnaassasoq, imm. 3, nr. 5-imi siunnersuutaavoq. Aalajangersagaq aalajangersakkami nr. 3-mut assinguvoq. Aalajangersakkap atuuffissatut suliaqarfianni allannguinnisanik eqqarsartoqanngilaq.

Eqqartuussisarneq pillugu inatsimmi § 453, imm. 4 malillugu, suliaq, unnerluussaasup illersuisumit sinniisuuffigineqarfia, taamaallaat illersuusooq takkussimappat, imm. 3 malillugu

suliarineqarsinnaavoq. Imm. 3, nr. 1-imi pineqartuni pisuni aammattaaq piumasqaataavoq, unnerluussaasoq eqqartuussummut isumaqatigiinniarnermut aggersarneqarnermini akuerisaasumik peqquteqarani takkutinngitsoorneq unnerluussaasup pissutsinut unnerluussinermut attuumassutilinnut, ilaatillugit akiliisitsineq, arsaarinnineq, ingerlatitsisinnaanermut allagartaajagaaneq imaluunniit taarsiisussaataaneq pillugit piumasqaatinik, pisuutitaaneranik kinguneqarsinnaasoq, ilisimatinneqarsimassasoq.

Imm. 4-mi aalajangersakkamik, imm. 3, nr. 4-mi (pineqaatissinneqarsimasunut inissiisarfimmi qaammatinik 6-nik imaluunniit tamatuminnga sivikinnerusumik inissiisoqarnissaanik il.il.) aalajangersakkamik atuinissamut, eqqartuussinissamut nalunaarut pineqartumut namminermut nalunaajaatigineqarsimassasoq, piumasqaatitut siunnersuutaavoq. Aammattaaq takkutinngitsoorsimasutut eqqartuunneqarsinnaaneranut periarfissaq pillugu paasissutissiisoqarsimassaaq. Tamatumunnga atatillugu pineqaatissinneqarsimasunut inissiisarfimmut inissinneqarnissamik eqqartuunneqarsinnaanera pillugu unnerluussaasup paasitinneqarsimanissaa piumasqaataavoq.

Tamatuma saniatigut inatsisissatut siunnersuummi nassuiaatini nalinginnaasuni imm. 2.3.2.1.-imut innersuussisoqarpoq.

Nr. 15-imut (§ 467, imm. 2, nr. 6)

Eqqartuussisarneq pillugu inatsimmi § 467, imm. 2, nr. 1-imiit 5-imut malillugit, tullerijaakkatut allakkiat arlallit eqqartuussummut isumaqatigiinniarnernup nalaani uppernarsaasersuutitut atorineqarsinnaapput aammalu tassani atuarneqassallutik. Tamatuma akerlianik nassuiaatit politiit nalunaarusiaannut allattukkat, § 467, imm. 3-mi aalajangersagaq malillugu eqqartuussiviup qaqutigoorluinnartumik akuersissutigippagu taamaallaat, uppernarsaatitut eqqartuussivimmi atuffassissutigineqarsinnaapput.

Aalajangersagaq siunnersuutigineqartoq malillugu, § 467, imm. 2, nutaamik nr. 6-imik ilaneqarpoq, suliaq, § 453, imm. 3, nr. 4-mi aalajangersagaq siunnersuutigineqartoq malillugu, unnerluussaasup peqannginnerani suliarineqarpat, unnerluussaasup nassuiaataanik politiit nalunaarusiaannut uppernarsaasersuutitut allatuganngortitsinissamut illersuisuusumik periarfissiisoq.

Tamatuma akerlianik, unnerluussaasup nassuiaataanik politiit nalunaarusiaannut uppernarsaasersuutitut allatuganngortitsinissamut unnerluussisuusunut periarfissamik allannguinngilaq. Taamaalilluni nassuiaatinik taamaattunik uppernarsaasersuutitut allatuganngortitsinissamut unnerluussisuusunut periarfissaq suli eqqartuussisarneq pillugu inatsimmi § 467, imm. 3 malillugu aalajangiivigineqartassaaq.

Unnerluussisuusut imaluunniit illersuisuusiq isumaqarpat pisuutitsinissamik apeqqummut imaluunniit pillaatissiissutip annertussusissaanut naliliinissamut, eqqartuussivimmut oqaaseqarnikkut nassuiaateqarnissamut periarfissaqartitaanissamut unnerluussaasup najuunnissaa, pingaaruteqarluinnartuusiq, tamanna, tamatuma kingorna, unnerluussaasup peqannginnerani suliap ingerlanneqarnissaa illersorneqarsinnaanersoq aalajangiisussamut eqqartuussivimmut, saqqummiunneqartariaqarpoq.

Politiit nalunaarusaannut unnerluussaasup nassuiaataanik uppernarsaasersuutitut allattugangortitsinissamut illersuisuusup periarfissaata, ingerlanneqarnissaa ima piumasaaqateqarfivuoq, unnerluussaasup politiinut nassuiaataasa ilaannaannik toqqakkanik uppernarsaasersuinikkut, qanoq piviusumik nassuiaateqartoqarsimaneranut naleqqiullugu equngasumik imaluunniit illuinnaasiortumik paasissutissiisoqassanngitsoq. Illersuisuusup kissaatigippagu unnerluussaasup politiinut nassuiaataasa ilaannaannik uppernarsaasiussatut allattuiniarluni, isumaqartoqarpat, killilersukkamik uppernarsaasersuisoqarnera unnerluussaasup tamakkiisumik nassuiaataanik equngasumik paasissutissiisutaassasoq, unnerluussisuusut akerliliisinnaatitaapput. Tamatuma kingorna, unnerluussaasup nammineq najuukkiartorluni oqaaseqaateqarluni eqqartuussivimmut nassuiaateqarnissaa siunertaralugu, tamakkiisumik unnerluussaasup nassuiaataanik uppernarsaasersuutitut allattuisoqassanersoq imaluunniit suliamik kinguartitsinerusinnaasumik aalajangiiffigineqassanersoq, eqqartuussiviup aalajangiivigissavaa.

Der henvises i øvrigt til pkt. 2.3.2.3. i lovforslagets almindelige bemærkninger.

Nr. 16-imut (§ 472, imm. 2)

Eqqartuussisarneq pillugu inatsimmi § 472. Imm. 1-i malillugu, suliamik sorlermik eqqartuussiviup suliaqarnissaa pillugu paasissutissiinermik, eqqartuussummut isumaqatigiinniarnaq aallartinneqartassaaq. Tamatuma kingorna unnerluussissut atuarneqassaaq, unnerluussaasorlu § 456, imm. 2 naapertorlugu ilitersuunneqassalluni. Eqqartuussiviup suliap pingaarnersiorneqarneranik unnerluussisuusut saqqummiusseqqullugit qinnuigisinnaavai. Tamatuma kingorna §§ 464-imiit 468-imut naapertorlugit uppernarsaatinik saqqummiussuisoqassaaq.

Siunnersuummi § 472 malillugu unnerluussaasooq tamakkiisumik nassueruteqarpat, uppernarsaatinik allanik qanoq annertutigisumik saqqummiussuinissaq aammalu saqqummiussuisoqassanersoq eqqartuussiviup aalajangiinissanik aalajangiisuusooq *imm. 2* nutaaq ikkunneqassasoq siunnersuutaavoq. Tamatumunnga atatillugu eqqartuussivik akuersiteqqaarnagu ilisimannittuusut pisussaajunnaarnerannik unnerluussisuusut nalunaarfiginnissinnaanngillat.

Aalajangersakkami imm. 2 taamaalilluni imm. 3-nngusaaq.

Tamatuma saniatigut inatsisissatut siunnersuummi nalinginnaasumik nassuiaatini imm. 2.2.2.1-mut innersuussisoqarpoq.

Nr. 17-imut (§ 474, imm. 3)

Eqqartuussisarneq pillugu inatsimmi § 474, imm. 3 malillugu, eqqartuussummik inerniliinerup eqqartuussinermi atuffassissutigineqarneratigut, eqqartuussut oqaatigineqassaaq. Oqaatiginninnerup pinerani unnerluussaasoq najuutinngippat, eqqartuussutip allaganngugaanera politiit nassiuatissavaat. § 453, imm. 3 malillugu suliaq, unnerluussaasup peqannginnerani, suliarineqarpat aamma aalajangigaappat, allaganngugaanera unnerluussaasumut nalunaajaatigineqassaaq.

§ 474, imm. 3-mik allannguutissatut siunnersuutip kingunerivaa, suliaq § 453, imm. 3, nr. 4 malillugu unnerluutigineqartoq najuutsinnagu suliarineqarpat, eqqartuussutip allanneqarnera unnerluussamut nalunaajaatigineqarnissaa, aggeqqusissut inuttaanut nalunaajaatigineqarsimannippat.

Pisuni, eqqartuussummut isumaqatigiinniarnermut nalunaarut unnerluussaasumut namminermut nalunaajaatigineqareersimatillugu, eqqartuussutip allaganngugaanera, taamaattoq pineqartumut namminermut pinissaa pisariaqanngikkaluarluni, unnerluussaasumut nalunaajaatigineqassaaq. Tamatuma akerlianik, pisuni, eqqartuussummut isumaqatigiinniarnermut nalunaarut unnerluussaasumut namminermut nalunaajaatigineqarsimatinnagu, kisiannili assersuutigalugu unnerluussaasup inoqutaanut ilaasumut inummut nalunaajaatigineqarsimalluni, eqqartuussutip allaganngugaanera siunnersuut malillugu unnerluussaasumut namminermut nalunaajaatigineqassaaq.

Eqqartuussummut isumaqatigiinniartoqarnissaa pillugu unnerluussaasoq sioqqutsisumik namminerisaminik nalunaarfigineqarnissaa, pineqartullu takkutinngitsoortutut eqqartuunneqaratarsinnaanera, imaluunniit kingoqqutsisumik eqqartuussummut isumaqatigiinnarnerup pereersimanera aammalu pineqartup takkutinngitsoortutut eqqartuunneqarsimanera, pillugit nalunaarummik tigusaqarnissaa, siunnersuummik qulakkeerneqassaaq.

Tamatuma saniatigut inatsisissatut siunnersuummi nalinginnaasumik nassuiaatini imm. 2.3.2.4.-mut innersuussisoqarpoq.

Nr. 18-imut (§§ 592 a-592 b)

Eqqartuussisarneq pillugu inatsit, § 453, imm. 3, nr. 1-imiit 5-imut malillugit eqqartuussutinngortillugit suliat ammaqinneqarnissaat pillugu maleruagassanik imaqaanngilaq.

§ 592 a-mut

§ 592 a, pkt. 1.-imi allassimasumi aalajangersagaq siunnersuutigineqartoq malillugu, suliaq, unnerluussaasup peqannginnerani § 453, imm. 3, nr. 4 malillugu eqqartuussutinngortillugu suliarineqarsimappat, eqqartuussaasup akuerineqarsinnaasumik peqquteqarluni, namminerlu naatsorsuutigisinnaanngisaminik pissutsinik pissuteqarluni piffissaq eqqorlugu tamatumingga nalunaarnissaminut ajoquserneqaqqasimalluni uppersarsinnaaguniuk, imaluunniit eqqartuussisulersuussineq piffissaq eqqornagu eqqartuussaasumut ilisimatitsissutigineqarsimappat, nutaamik isumaqatigiinniutigisassatut suliap ammaqpinneqarnissaa eqqartuussaasup piumasarisinnaavaa.

Sulap ammaqpinneqarnissaanik piunasaqarsinnaanermut piffissarititaq, siunnersuutaasumi § 474, imm. 3, pkt. 3. aamma 4.-mi allassimasut malillugit eqqartuussutip nalunaajaatigineqarneraniit ullut 14-iupput. Allaganngugaq unnerluussaasumut namminerlu nalunaajaatigineqarpat, imaluunniit allatut akuerisaasumik nalunaajaasoqarsimappat, tamanna atuuppoq. Qinnuteqaat kingusinnerusukkut tunniunneqarpat, kisianni eqqartuussutip nalunaajaatigineqarneraniit ukioq 1 qaangiutsinnagu, eqqartuussiviup suliaq qaqutigoorluinnartumik ammaqpinneqarnissaa.

Ammaqpinneqarnissamut qinnuteqaat § 474, imm. 3, pkt. 3. aamma 4.-mi allassimasut malillugit eqqartuussutip nalunaajaatigineqarneraniit ullut 14-inngortinnagit eqqartuussivimmut tassunga suliami aalajangiinermik nalunaarsimasumut saqqummiunneqarsinnaasoq, § 592 a, pkt. 2.-mi allassimasut malillugit siunnersuutaavoq.

Qinnuteqaat kingusinnerusukkut tunniunneqarpat, kisianni eqqartuussutip nalunaajaatigineqarneraniit ukioq 1 qaangiutsinnagu, eqqartuussiviup suliaq qaqutigoorluinnartumik ammaqpinneqarnissaa, tak. siunnersuutigineqartoq § 592 a, pkt. 3. §§ 585-590-mi malittarisassat assinganik atuutissapput, tak. siunnersuutigineqartoq § 592 a, pkt. 4.

§ 592 a, pkt. 5.-imi allassimasut malillugit siunnersuutaavoq, ammaqpinneqarnissaa itigartitsissutigineqarpat, Eqqartuussiviit Qullersaannut aalajangikkanut naammagittaalliornerit pillugit maleruagassat malillugit, apeqqut Den Særlige Klageret-imut (Immikkut Ittunik Naammagittaalliutinut Eqqartuussivimmut) tunniunneqarsinnaavoq.

Eqqartuussimmut isumaqatigiinniarnep nutaap nalaani eqqartuussaasoq takkutinnitsoorpat, eqqartuussiviup suliaq aalajangiinikkut inaassagaa, aammalu eqqartuussutaareersimasoq atatiinnarneqassasoq, § 592 a, imm. 2.-mi aalajangersakkamik, siunnersuutaavoq.

§ 592 b-mut

§ 592 b-mi aalajangersagaq siunnersuutaasoq malillugu, § 592 a malillugu pinerluttulerinermik suliaq ammaqpinneqarpat, aamma illuatungeriit arlaannaataluunnit nutaamik killisiuineq qinnutigisimangippagu, § 467-imi eqqaaneqartut pisut saniatigut, siusinnerusukkut suliamik

suliarinninnerup nalaani ilisimannittunit aamma naliliisartunit nassuiaatigineqarsimasut pillugit eqqartuussinermi allattugaatinut ilassutit, uppernarsaatitut atorineqarsinnaapput.

Eqqartuussisarneq pillugu inatsimmi § 592 a malillugu pinerluttulerinermik suliaq ammaqqinneqarpat, nalinginnaasumik uppernarsaatinik saqqummiussuiffiusoq eqqartuussummut isumaqatigiinniarneq nutaaq ingerlanneqassaaq.

§ 453, imm. 3, nr. 4 malillugu suliarineqarsimasumi siusinnerusukkut eqqartuussummut isumaqatigiinniarnermi ilisimannittunit il.il. nassuiaatinik uppernarsaasersuutitut allattuinnissamut periarfissaq annertusisaq, aalajangersakkap siunnersuutaasup nassataraa. Taamaalilluni aalajangerneqarpoq § 592 a malillugu pinerluttulerinermik suliaq ammaqqinneqarpat, aamma illuatungeriit arlaannaataluunnit nutaamik killisiuineq qinnutigisimanngippagu, § 467-imi eqqaaneqartut pisut saniatigut, siusinnerusukkut suliamik suliarinninnerup nalaani ilisimannittunit aamma misissuisartuni- aamma naliliisartunit nassuiaatigineqarsimasut pillugit eqqartuussinermi allattugaatinut ilassutit, uppernarsaatitut atorineqarsinnaapput.

Pingaarnertut ilisimanittut il.il., aammattaaq eqqartuussummut isumaqatigiinniarnep ammaqqinneqartup nalaani, nassuiaateqarnissaq siunertaralugu aggersarneqassasut, aalajangersakkap ingerlanneqarnissaanut piumasaqaataavoq.

Tamatuma saniatigut inatsisissatut siunnersuummi nalinginnaasumik nassuiaatini imm. 2.3.2.5.-imut innersuussisoqarpoq.

§ 2-mut

Nr. 1-imut

Naalagaaffimmi tjenestemandit Kalaallit Nunaanniittut pillugit inatsimmi kapitali 7-ip qulequtaa imaappoq: »Kalaallit Nunaanni eqqartuussisoqarfinni eqqartuussisunut eqqartuussivimmilu nalileeqaataasartunut aamma inatsisilerituunut tjenestemandisut atorfinitsitanut immikkut aalajangersagaq«.

Inatsisissatut siunnersuummi § 2, nr. 1-ikkut qulequttap imatut allannngortinneqarnissaa siunnersuutigineqarpoq: »Kalaallit Nunaanni eqqartuussisoqarfinni eqqartuussisunut aamma inatsisilerituunut tjenestemandisut atorfinitsitanut kiisalu najukkami eqqartuussisunut immikkut aalajangersagaq«.

Najukkami eqqartuussisut tunuartussaaitaanerannut ukioritinneqartunik eqqussinissamik siunnersuuteqarnerup kingunerisaanik, naalagaaffimmi tjenestemandit Kalaallit Nunaanniittut pillugit inatsimmi kapitali 7-ip qulequtaata allannngortinneqarnera pineqarpoq.

Nr. 2-mut (§ 34, imm. 2, pkt. 1.)

Naalagaaffimmi tjenestemandit Kalaallit Nunaanniittut pillugit inatsimmi § 34, imm 2-p malillugu, eqqartuussisut aamma Kalaallit Nunaanni eqqartuussivinni eqqartuussisut aamma inatsisilerituut tjenestemandit atorfilit allat tunuartitaassapput, qaammammi 65-inik ukioqalerfissami naanerani.

§ 2, nr. 2-mi siunnersuutigineqarpoq, eqqartuussisunut aamma inatsisilerituunut tjenestemandit atorfilit allat tunuartussaataaeranut ukioritineqartut 65-iniit 70-inut qaffanneqarnissaat.

Siunnersuutip malitsigivaa, eqqartuussisut aamma inatsisilerituut tjenestemandit atorfilit allat tunuartitaasassasut qaammatip 70-inik ukioqalerfissaata naanerani.

Siunnersuutilli eqqartuussisut aamma inatsisilerituut tjenestemandit atorfilit allat qaammatip 60-inik ukioqalerfissami naanerani soraarninngornissamut pisinnaatitaaffiat sunniteqarfigissanngilaa, tak. Kalaallit Nunaanni tjenestemandinut il. il. soraarnerussutisiat pillugit inatsimmi § 2, tak. inatsimmut nalunaarut nr. 520, 18. maj 2017-imeersoq. Siunnersuutip kingunerissavaa, eqqartuussisut aamma inatsisilerituut tjenestemandit atorfilit allat 65-it sinnerlugit ukioqarlutik atorfeqaannarnerminni akissarsiaqaannarnissaat aamma tassunga attuumasumik soraarninngorfissanik pissarsinissaat, qaffasinnerpaamik ukiuni 37-ni soraarninngornissamut killigititaq angusimanngikkunikku.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.4.2.1.-mut innersuussisoqarpoq.

Nr. 3-mut (§ 34 imm. 2, pkt. 2.)

Taassumat akerlianik najukkami eqqartuussisunut tunuartussaataaeranut aalajangersagaqanngilaq.

Eqqartuussisarnermik inatsit malillugit najukkami eqqartuussisut taamaallaat soraarsitaasinnaapput piukkunnarunnaarsimaneq imaluunniit nappaateqarneq pissutigalugit, imaluunniit pineqartoq pisuusimappat pisumi, naleq-qukkunnaarluni isigineqarnermut aamma tatigineqarnermut najukkami eqqartuussisuuneranut piumasagaataasumut, tak. § 26, imm. 1, aamma pisumi, eqqartuussivinnik aaqqissuusseqqinnermik ingerlatsisoqarnerani, tak. § 26, imm. 2.

Aamma siunnersuutigineqarpoq inatsisissatut siunnersuummi § 2, nr. 3-mi , najukkami eqqartuussisunut tunuartussaataaeranut ukioritineqartut 70-it eqqunneqassasut.

Tamatuma malitsigivaa, najukkami eqqartuussisut, Kalaallit Nunaanni eq-qartuussivinni eqqartuussisut aamma inatsisilerituut tjenestemandit atorfilit allat assigalugit, tunuartitaasassasut

qaammatip 70-inik ukioqalerfissami naanerani. Siunnersuutip malitsigivaa, ukiut pissutigalugit najukkami eqqartuussisunik tunuartitsineq allaffirssornikkut pissasoq. Tamanna assinguvoq, eqqartuussisunik aamma inatsisilerituunik tjenestemanditut atorfilinnik allanik tunuartitsisarnermut.

Siunnersuutilli najukkami eqqartuussisut qaammatip 60-inik ukioqalerfissami naanerani soraarninngornissamut pisinnaatitaaffiat sunniuteqarfigissanngilaa, tak. Kalaallit Nunaanni tjenestemandinut il. il. soraarnerussutisiat pillugit inatsimmi § 2, tak. inatsimmut nalunaarut nr. 520, 18. maj 2017-imeersoq.

Tamatuma saniatigut inatsisissatut siunnersuummi oqaaseqaatinut nalinginnaasunut immikkoortoq 2.4.2.2.-mut innersuussisoqarpoq.

§ 3-mut

Siunnersuutigineqarpoq, inatsit atuutilissasoq ulloq [...].

Imm. 2-mi siunnersuutigineqarpoq, inatsimmut siunnersuummi najuutin-ngitsoornermi eqqartuussutit pillugit § 1, nr. 13-15 aamma 17-imi malittarisassatut siunnersuutit, pinerluttulerineri suliani atuutissanngitsut, inatsisip atuutilinnginnerani unnerluussamik aggersaanermik nalunaarutiginninnermi. Pinerluttulerineri suliani, inatsisip atuutilinnginnera sioq-qullugu unnerluussamik aggersaanermik nalunaarutaasimasut, malittarisassat maannamut atuuttut malillugit inaarlugit suliarineqassapput.

Suliami ataatsimi unnerluussamut aggersaanernik arlalinnik nalunaaruteqartoqarpat, imm. 2 malillugu nalunaaruteqarnermi kingullermi piffissaq tassaassaaq aalajangiisuusussaq malittarisassat maannamut atuuttut imaluunniit siunnersuutigineqartut malittarisassat nutaat atuutissanersut. Eqqartuussivimmiinnermi ataatsimi inatsisip atuutilinnginnerani unnerluussamut aggersaanermik nalunaarutiginnittoqarsimappat, aamma inatsisip atuutilereernerani aggersaanermik nutaamik nalunaaruteqartoqarpat imaluunniit kingusinnerusukkat eqqartuussivimmiinnissamut, siunnersuutigineqartut malittarisassat nutaat atuutissapput. Inatsisip atuutilereernerani nutaamik nalunaaruteqartoqarpat periarfissaassaaq suliap siunnersuutigineqartut malittarisassat nutaat malillugit suliarinissaanut.

Imm. 3-mi siunnersuutigineqarpoq, inatsisissatut siunnersuummi § 1, nr. 18-imi malittarisassat nutaat, pinerluttulerineri suliani atuutissanngitsut eqqartuussisarnermik inatsimmi § 453, imm. 3 malillugu najuutinngit-soornermi eqqartuussuteqarfiusuni, inatsisip atuutilernissaa sioqqullugu. Pinerluttulerineri suliat, inatsisip atuutilinnginnerani § 453, imm. 3 malillugu najuutinngitsoornermi eqqartuussuteqarfiusimasut, suliareqqitassanngortitsinerit pineqartillugit maannamut malittarisassat atuuttut malillugit naammassillugit suliarineqassapput.

Inatsisissatut siunnersuutip inatsisinut atuuttunut sanilliunera

Oqaasertaliussat atuuttut

Inatsisissatut siunnersuut

§ 1

Kalaallit Nunaanni eqqartuussisarnermik inatsimmi, tak. inatsimmut nalunaarut nr. 1581, 13. december 2016-imeersoq, kingullermik inatsimmi nr. 1056, 30. juni 2020-meersumi § 2-kkut allanngortinneqartoq, makkuninnga allannguisoqassaaq:

§ 44. Pinerlunnernik suliassanik eqqartuussivimmi siullermeeriffiusumi suliaqarnermi eqqartuussisooqataasartut marluk peqataasassapput, taammaattoq tak. imm. 2 aamma 3.

Imm. 2-3. ---

1. § 44, stk. 1-mi, »imm. 2 aamma 3« allanngortinneqassaaq imaalillugu: »imm. 2-4«.

2. § 44-mi imm. 4-tut ikkunneqassaaq:

»Imm. 4. Pinerlunnernik suliassani § 449 a malillugu saqqummiunneqartuni eqqartuussisooqataasartut peqataas-sanngillat.«

§ 50. Arlaannaalluunniit pinerlunnernik suliassami eqqartuussutissap isumaqatigiinniutigineqarnerani eqqartuussisutut peqataassanngilaq pisimasumi, unnerluussummi pineqartumi, unnerluutigineqartup § 359, imm. 2 malillugu tigummigallarneqarnissaanik imaluunniit § 384, imm. 3, naapertorlugu allakkanik ammaanissamik allakkanillu uninngatitsinissamik

3. § 50, imm. 1, pkt. 2.-mi, aamma imm. 2, pkt. 2.-mi, »suliassat nassuernertut suliarineqartut« allanngortinneqassaaq imaalillugu: »§ 449 a malillugu,«.

aalajangiisuusimaguni. Tamannali
atuutissanngilaq pkt. 1-imi
eqqaaneqartoq malillugu suliassaq
nassuernertut suliarineqarpat
imaluunniit suliassaq pisimasumut,
pkt. 1-imi taaneqartutut
iliuuseqarnermut tunngavissiisumut,
unnerluutigineqartup pisuuneranut
uppernarsaatissanik naliliinissamik
ilaqanngippat.

Imm. 2. Pinerlunnermik suliassami §
359, imm. 2 naapertorlugu
tigummigallagassanngortitsinissaq,
aamma
tigummigallagassanngortitsinerup
atorunnaarsinneqarnissaa pillugu
imaluunniit § 384, imm. 3
naapertorlugu allakkanik
ammaanissaq uninngatitsinissarlu
pillugit eqqartuussutissap
isumaqatigiinniutigineqarnerata
nalaani aalajangiisuussaaq
eqqartuussisoq, eqqartuussutis-sap
isumaqatigiinniutigineqarne-rani
peqataasimanngitsoq. Tamannali
atuutissanngilaq pkt. 1-imi
eqqaaneqartoq malillugu suliassaq
nassuernertut suliarineqarpat,
imaluunniit suliassaq pisima-sumut,
pkt. 1-imi taaneqartutut
iliuuseqarnermut tunngavissiisumut,
unnerluutigineqartup pisuuneranut
uppernar-saatissanik naliliinissamik
ila-qanngippat.

Imm. 3. ---

§ 94. ---

Imm. 2-4. ---

4. § 94, imm. 5-imi »§ 147 e aamma § 147
f, stk. 2,« allanngortinneqassaaq imaalillugu:

Imm. 5. Danskít eqqartuussisarnermik inatsisaanni eqqartuussivimmi misiliineq pillugu § 147 d-mi, § 147 e-mi aamma 147 f, *imm.* 2-mi aalajangersakkat assinganik atuutissapput. Suliat Kalaallit Nunaanni Eqqartuussiviup suliarisassavai.

§ 128. ---

»§ 147 e, § 147 f, *imm.* 2, aamma § 147 g,« kingorna.

5. § 128-p kingorna kapitali 10-mi ikkunneqassaaq:

»Digitalimik attaveqarneq

§ 128 a. Pinerluttulerinermi eqqartuussisarnerni allaganngor-titsinissamik piunasaqaat digi-talimik attaveqatigiinnissamik imaluunniit allagaatinik digitalinik il. il. atuinissamik ajornartitsinngilaq.

Imm. 2. Malittarisassat atsior-toqarnissaanik piunasaqaatitallit ajornartitsinngillat nalunaarutit digitalimik allakkatut nas-siunneqarnissaannut, nalunaarutit digitalimik atsiorneqarsimappata.

Imm. 3. Nalunaarut digitalimik attaveqatigiinnikkut nassiunne-qartoq, apuussimasut isigine-qassaaq tiguisussamit tigune-qarsinnaanngorsimappat.«

§ 283. Danskít eqqartuussisarnermik inatsisaanni § 448 c malillugu suliaq katissimanermut tunngasoq maani naalagaaffimmi suliaannngortinneqarsinnaanera

6. § 283, *imm.* 1-imi »§ 448 c« allannngortinneqassaaq imaalillugu: »§ 448 f og § 448 h«.

aalajangiiffigineqassaaq
(Danmarkimi aamma Kalaallit
Nunaanni).

Imm. 2. Danskit
eqqartuussisarnermik inatsisaanni §
148 f malillugu, suliat angajoqqaatut
oqartussaannermut, meeqqap
najugaqarfianut, meeqqamik
najorteqarnermut, allatut
attaveqarnermut imaluunniit
nunamut allamut aallarnissamut
akuersissutinut tunngasut maani
naalagaaffimmi
suliassanngortinneqarsinnaanerat
aalajangerneqassaaq (Danmarkimi
aamma Kalaallit Nunaanni).

§ 321. Eqqartuussisut pasisaq
illersuisulissavaat, pasisaq
nammineerluni
ornigussinnaatitaasumik
illersuisussaminik, suliassami
orniguttartussamik,
pissarsisimanggippat, aamma
1-2) ---
3) unnerluussuteqarnissaq
sioqqullugu
uppernarsaasiisoqassappat
eqqartuussutissap isumaqa-
tigiinniutigineqarnerani atugassanik,
illersuisumik aggersaanissaq
eqqartuussinissamut
kinguartitsissutaassanngippat,
uppernarsaatissat
annaaneqarnerannik
kinguneqartumik.

Imm. 2-3. ---

*Akiliisitsissutissat
eqqartuussinertaqanngitsumik*

7. § 283, imm. 2-mi , »§ 448 f«
allanngortinneqassaaq imaalillugu: »§ 448
g«.

8. § 321, imm. 1, nr. 3-mi,
»annaaneqassaaq.« allanngortissaaq
imaalillugu: »annaaneqassaaq,«

9. § 321, imm. 1-imi, nr. 4-tut
ikkunneqassaaq:

»4) Suliaq § 453, imm. 3, nr. 4 malillugu
ingerlanneqassaaq, aamma
isertitsivimmiittussanngortitsisinnaaneq
apeqqutaalissaaq.«

10. § 440 sioqqullugu *qulequtaq*
atorunnaassaaq.

*akuersissutaasarnerat aamma
arsaarinnissuteqartarnej*

11. § 440 atorunnaassaaq.

§ 440. Politiit isumaqarpata
iliuuserisimasaq
akiliisitsissuteqarnermik imaluunniit
arsaarinnissuteqarnermik
taamaallaat kinguneqassasoq
unnerluussissut pasisamut
nassiunneqarsinnaavoq
maluginiaqqusissutitut allallugu
pasisaq, taanna pisuulluni nassuerpat
taamatullu aalajangiisoqarnissaanik
kissaateqarpat, na-lunaarsinnaasoq
eqqartuussinertaqanngitsumik
akiliisitsissut
maluginiaqqusissummi
annertussusiligaq piffissaliinerup
naleqquttup iluani akilerumagini
aammalu arsaarinnissuteqarnissaq
akuersaarsinnaagunarini.
Imm. 2. Pasisaq nalunaarpat
suliassap taamatut
aalajangiiffiginissaa
kissaatiginngikkini imaluunniit
pasisaq nalunaaruteqanngivissorpat,
unnerluussissut tamatuminnga
maluginiaqqusissutitalerlugu
eqqartuussivimmut
tunniunneqassaaq.

§ 449. ---

12. § 449-p kingorna ikkunne-qassaaq
qulequtaq sioqqullugu § 450 sioqqullugu:
»Suliassat nassuernertut suliarineqartut

§ 449 a. Eqqartuussinermi
eqqartuussisooqataasartut peqa-
taaffigissaraluanni § 357 ima-luunniit §
447 malillugu imaluunniit § 472 malillugu
isuma-qatigiinniarnermi pingaarnermi

pasisaq nangaassuteqarani nassuerpat, suliaq erngertumik eqqartuussinissanngortinneqar-sinnaavoq, allakkamik unnerluussummik suliaqartoqaqqaarani, imaattoqarpat

1) paasissutissat pigineqartut tunngavigalugit unnerluussummut nassuernerup ilumoortuunera uppersararpat,

2) pasisaq aamma unnerluussisuusoq akuersaarpat,

3) eqqartuussutissamik isumaqatigiinniarnertaqanngitsumik suliap aalajangiiffiginissaa eqqartuussiviup ippinnartoqartinngippagu aamma

4) pinerluttulerinermi inatsimmi kapitali 33-p aamma 34-p atornerqarnissaanut apeq-quteqaateqartoqanngippat.

Imm. 2. Eqqartuussivik eq-qartuussummik nalunaaruteqartinnani, pasisaq unnerluussutip imarisaanik ilisimateqaarneqassaaq, aammalu oqaaseqarnissaminut periarfissinneqassaaq. Paasissutissanik annertunerusunik pissarsinissaq pisariaqartinneqarpat, tamanna kapitali 34-mi malittarisassat malillugit ingerlanneqassaaq, aammalu pasisaq periarfissinneqassaaq paasissutissat pineqartut pillugit oqaaseqarnissamut.

Imm. 3. Eqqartuussivimmiinnermi pasisaq tigusarinqarsimappat imaluunniit tigungmigallassanngortinneqarsimappat, illersuisuata § 321, imm. 1, nr. 1, malillugu toqqarneqarsimasup, suliaq pillugu paasisaqarnissamut, pasisarlu oqaloqatigiinnissamut aammalu oqaaseqarnissamut periarfissinneqassaaq, pasisap imm. 1, nr. 2, malillugu akuersissuteqannginnerani. Pasisap akuersissuteqarnerani illersuisoq eqqartuussivimmi najuutissaaq.

Imm. 4. Eqqartuussinerup nalaani pasisaq tigusarineqarsimangippat imaluunniit tiggummigallassanngortinneqarsimangippat, neqeroorfigineqassaaq illersuisussaanik toqqaasoqarnissaanut, pineqartup imm. 1, nr. 2, malillugu akuersissuteqannginnerani. Pasisap kissaateqarnera malillugu illersuisussamik toqqaasoqanngippat, imm. 3 assinganik atuutissaaq.

Imm. 5. Eqqartuussutip nalunaarutigineqarnera eqqartuussutitut allanut malittarisassat atuuttut malillugit nalunaarutigineqassaaq, pinerluttulerinermi suliani najukkami eqqartuussivimmi nalunaarutigineqartunut.

Imm. 6. Suliaq § 301, imm. 1, nr. 2-mi pineqartoq, suliaq nassuernerut suliarineqarsinnaanngilaq.

Imm. 7. Pasisap aamma unnerluussisussaatitaasut pineqartumut unnerluussutaasoq akuersaagaat eqqartuussiviup allattuiffianut nalunaarsorneqassaaq. Pasisaq illersuisussamik toqqaasoqannginnissaa kissaati-gippagu, tak. Imm. 4, tamanna aamma eqqartuussiviup allattu-iffianut nalunaarsorneqassaaq.

Imm. 8. Eqqartuussiviup aalajangersinnaavaa, pasisaq imm. 1 malillugu alimasissumik assitalimmik eqqartuussinermut peqataassasoq, pasisap eqqartuussivimmi najuulluni peqataanissaa pisariaqanngippat. Eqqartuussinermi illersuisoq pasisap najuuffigisaani peqataassaaq, imaassimangippat eqqartuussiviup eqqortuusorinngikkaa illersuisup eqqartuussivimmi peqataanissaa. Pasisap aamma illersuisup eqqartuussivimmi peqataanerannut §§ 128 aamma 163 aamma

atuupput. § 466, imm. 2 assinganik
atuutissaaq.

§ 449 b. Suliani unioqquitsisoqarsimanera
pissutigalugu suliani, ilimagineqanngitsuni
akiliisitaanermik imaluunniit
arsaagaanermik kinguneqartussatut,
unnerluussisussaatitaasut akiliisitaanermut
tunngatillugu pasisamut
nalunaarutigisinnaavaat suliaq
eqqartuussinertaqanngitsumik
aalajangiiffigineqassasoq, pasisaq
unioqquitsinermi pisuusutut nassuerpat
aammalu akiliisitsissutigineqartussamut
piffissarititaasup iluani akiliinissamut
akuersaarpat aammalu
arsaagaasinnaanermut.
Noqqaassuteqartoqarneratigut
piffissarititaasooq
unnerluussisussaatitaasuniit
sivitsorneqarsinnaavoq.

Imm. 2. § 437, imm. 2, nr. 1-imi aamma 2-
mi, aamma imm. 3-mi, allakkap
unnerluussutip imarisassaanut
piumasaqaatinut malittarisassat
akiliisitaanernut assinganik atuutissapput.

Imm. 3. Pasisap 18-it ataallugit ukiullip
inatsimmik unioqquitsinermut atatillugu
angajoqqaatut oqartussaasoq
akuersiteqqaarnagu akiliisitaanissamut
akuersaarsinnaavoq.

Imm. 4. Pasisap akiliisitaanissaq
akuersaarpagu, malitsigisaasutut
malersuinissaq atorunnaassaaq, taamaattoq
tak. § 315, imm. 1, aamma § 449 c, imm. 2.
Aalajangiineq eqqartuussutitut
nangeqqinneqarsinnaavoq.

§ 449 c. Pasisaq inatsimmik
unioqquitsinermut atatillugu

akiliisitaasimappat aamma ar-
saagaasimappat, tak. § 449 b, taamanna
ajornartitsinngilaq
noqqaassuteqartoqarneratigut
unnerluussisussaataasut pisinnaasut
akiligassap appartinnissaanut pasisap
isertitakippallaarnera pissutigalugu.

Imm. 2. Pisumi imm. 1-imi taaneqartumi,
aalajangiinermiit ullut 14-it qaangiutsinnagit
pasisap aalajangiineq politiinut
nalunaaruteqarnikkut utertissinnaavaa.
Pasisaq 18-it ataallugit ukioqarpat,
angajoqqaatut oqartussaasup aalajangiineq
utertissinnaavaa.

Imm. 3. Politiit pasisap imm. 1-imi aamma
2-mi malittarisassat pillugit ilitsersussavaat.
Pasisaq 18-it ataallugit ukioqarpat, politiit
angajoqqaatut oqartussaasoq aamma imm. 1-
imi aamma 2-mi malittarisassat pillugit
ilitsersussavaat.

Imm. 4. Justitsministeri imm. 3 malillugu
ilitsersuinermut malittarisassanik
aalajangersaasinnaavoq.«

§ 452. ---

Imm. 2. Unnerluutigineqartoq
takkutinngitsoorpat
pissutissaqavilluni
takkutinngitsoornissaq
nalunaarutigiginagu imaluunniit
unnerluutigineqartoq
nassuiaateqarumanngippat
tamatumunnga taarsiullugu
eqqartuussisut suliassaq
suliarisinnaavaat
unnerluutigineqartoq
nassuersimasutut
naatsorsuutigalugu, suliassarlu
uppernarsaasiisoqanngikkaluartoq
aalajangiiffigalugu. Aatsaalli

13. § 452, imm. 2, pkt. 1.-imi,
»suliarisinnaavaat« allanngor-tinneqassaaq
imaalillugu: »suliarissavaat«.

taamaattoqassaaq suliaasaq
 sularineqartillugu
 akiliisitsinissamiit,
 arsaarinnissuteqarnissamiit,
 biilersinnaanermut
 allagartaajarneqarnissaamiit
 taarsiissuteqarnissamiillu
 allaanerusunik
 pineqaatissiissuteqarnissaaq pillugu
 apeqqut pineqanngikkaangat,
 aamma suliaasaq
 unnerluutigineqartumut immikkut
 sunniuteqartumik
 pingaaruteqanngikkaangat.
 Eqqartuussut unnerluussisummi
 maluginiaqusissuteqarnikkut
 sananeqarsinnaavoq.
Imm. 3-4. ---

§ 453. ---

Imm. 2. ---

Imm. 3. Eqqartuussutissamik
 isumaqatigiinniarneq
 ingerlanneqarsinnaavoq,
 unnerluutigineqartorlu
 najuutinngikkaluartoq eq-
 qartuussuteqartoqarsinnaavoq
 eqqartuussisut unnerluutigine-
 qartup najuunnissaa
 pisariaqarsorinnigippassuk,
 1) nalilerneqarpat
 akiliisitsinissamiit,
 arsaarinnissuteqarnissamiit,
 biilersinnaanermut
 allagartaajartinnissamiit
 imaluunniit
 taarsiissuteqarnissamiit
 allaanerusumik kingune-
 qartitsisoqassasoq,

**14. § 453, imm. 3 aamma 4, imatut
 allanneqassaaq:**

»*Imm. 3.* Eqqartuussutissamik
 isumaqatigiinniarneq ingerlanneqassaaq,
 tamatumunnga unnerluussisussaataasut
 piumasaaqarpata, unnerluussaaq
 najuutinngikkaluartoq
 eqqartuussuteqarfiusaaq eqqartuussisut
 unnerluutigineqartup najuunnissaa
 pisariaqarsorinnigippassuk,

- 1) unnerluutigineqartoq unnerluussisut
 nalunaarutigineqareersoq
 qimaasimagaangat,
- 2) unnerluutigineqartoq suliassap
 aallartinnerani najuussimagaluarluni
 eqqar-tuussisunit akuerineqarani
 eqqartuussivimmik qimat-
 sisimatillugu,
- 3) suliassami tamaallaat ukiumi 1-imi
 sivikinnerusumilluunniit

2) unnerluutigineqartoq isumaqataasimappat suliassaq najuutsinnani sularineqarlunilu aalajangiiiffigineqassasoq,

3) eqqartuussisut naliliippata suliassamik sularinninneq unnerluutigineqartup pinngitsuutitaaneraniqularutissaanngitsumik kinguneqartussaasoq,

4) unnerluutigineqartoq suliassap aallartinnerani najuussimagaluarluni eqqartuussisunit akuerineqarani eqqartuu-ssivimmik qimatsisimatillugu, imaluunniit

5) unnerluutigineqartoq unnerluussisut nalunaarutigineqareersoq qimaasimagaangat.

Imm. 4. Unnerluutigineqartoq illersuisoqarpat suliassaq aatsaat imm. 3 malillugu sularineqarsinnaavoq, illersuisoq najuuppat. Pisuni imm. 3-mi nr. 1-imi eqqar-torneqartuni aammattaaq piumasaaqaataavoq unnerluutigineqartoq eqqartuussutissamik isumaqatigiinniarnissamut aggersaanermi ilisimatinneqarsimassasoq pissutissaqavilluni nalunaarani takkutinnngitsoornissap kingunerisinnaagaa unnerluutigineqartoq pissutsinut, unnerluussissummi pineqartunut, eqqartuunneqartoq, matumani ilisimatitsissutigine-qassallunittaaq akiliisitaanissamik, arsaarinnissuteqarnissamik,

isertitsivimmiinnissaq, arsaagaanissaq, anisitaanissaq, pisin-naatitaajunnaarnissaq imaluunniit taarsiisussanngortitaaneq

apeqqutinngoraangata aamma unnerluussaq eqqartuussutissamik isumaqatigiinniarnep ingerlanneqarnissaanut akuersaarsimagaangat,

4) suliassami tamaallaat qaammatini 6-ni sivikinnerusumilluunniit isertitsivimmiinnissaq,

akiliisitaanissaq, arsaagaanissaq, anisitaanissaq, biilersin-naanermut allagartaajar-neqarnissaq imaluunniit taarsiisussanngortitaaneq apeqqutinngoraangata imaluunniit

5) eqqartuussisut naliliippata suliassamik sularinninneq unnerluutigineqartup pin-ngitsuutitaaneraniqularutissaanngitsumik kinguneqartussaasoq.

Imm. 4. Unnerluussaq akuersisimatinnagu, taamaallaat imm. 3, nr. 4 malillugu eqqartuussutissamik isumaqatigiinniarnep naammassineqarsinnaavoq, unnerluussaq inatsit malillugu aggersagaasimappat aamma aggersaassummi allaqqappat, inatsit malinnagu najuutinngitsoorneq kinguneqarsinnaasoq, unnerluussap unnerluutigineqartut pillugit eqqartuussaanageranik.«

biilersinnaanermut
allagartaajaanissamik imaluunniit
taarsiissuteqarnissamik
piumasaqaateqartoqartoq.

§ 467. ---

Imm. 2. Aammattaaq allagartat
uppersaatissat makku
eqqartuussutissap
isumaqatigiinniuti-gineqarnerani
uppersaatitit
atorneqarsinnaallutillu
atuarneqartassapput:

1-4) ---

5) Nalunaarutit ilisimannittutullu
nassuiaatit, pisortatigoortumik
suliassaqtitaaneq naapertorlugu
suliaasimasut, matumunnga
ilanngullugit unnerluutigineqartup
siusinnerusukkut pinerluute-qarluni
eqqartuussutisiarisima-saasa
assilineqarneri.

Imm. 3. ---

§ 472. ---

Imm. 2. Uppersaatissanik
saqqummiussineq naammassippat
unnerluussisoq siulliulluni
tulleralugulu illersuisoq kiisalu
unnerluutigineqartoq
uppersaatissatigit
saqqummiussinermi angusat
suliassamilu apeqqutit inatsisinut
tunnngassutillit (naggataarutaasumik
tunnngavilersuuteqarneq) pillugit
oqaaseqaateqarnissaminnut
periarfissinneqassapput. Suliassap
eqqartuussutissanngortinneqarnissaa
sioqqullugu eqqartuussisut
siulittaasuata unnerluutigineqartoq

15. § 467, *imm. 2-mi, nr. 6-itut*
ikkunneqassaaq:

»6) Politiit nalunaarutaannut nassuiaanernik
ilanngussinerit, unnerluussap pasilliut
pillugu politiinut nassuiaataanik, illersuisup
piumasaqarneratigit, suliassani § 453, *imm.*
3, *nr. 4* malillugu unnerluussamit
najuuffigineqaratik suliarineqartuni.«

16. § 472, *imm. 1-ip* kingorna immikkoortut
nutaatut ikkunneqassaaq:

»*Imm. 2.* Unnerluussaq unnerluussummut
nangaassuteqarani akuersaarpat,
eqqartuussivik aalajangiissaaq,
tapertaasumik qanoq aamma qanoq
annertutigisumik uppersaatinik
saqqummiussineq pissanersoq.«

Imm. 2 taassuma kingorna *imm. 3-*
nngussaaq.

erseqqissumik aperissavaa suli
allatigut ilassutissaqarnerseq.

§ 474. ---

Imm. 2. ---

Imm. 3. Eqqartuussut
nalunaarutigineqartassaaq
eqqartuussutip inerneranik
eqqartuussinermi atuaanikkut.
Nalunaaruteqarnermi
unnerluutigineqartoq najuu-
tinnigppat politiit eqqartuussutip
allassimaffiata assilineqarneranik
unnerluutigitigineqartumut
nassiussissapput. Suliassaq § 453,
imm. 3 naapertorlugu
unnerluutigineqartumut
najuuffigineqarani
suliarineqarlunilu
aalajangiiffigineqassappat,
aalajangiinerup assilineqarnera
unnerluutigineqartumut
nalunaarutigineqassaaq.

§ 592. ---

17. § 474, *imm.* 3, *pkt.* 3. imatut
allanneqassaaq:

Imm. 3. Suliassaq § 453, imm. 3, 1-5,
naapertorlugit unnerluutigineqartumit
najuuffigineqarani suliarineqarlunilu
aalajangiiffigineqassappat, aalajangiinerup
assilineqarnera unnerluutigineqartumut
nalunaarutigineqassaaq. Suliassaq § 453,
imm. 3, nr. 4 naapertorlugu
najuuffigineqarani suliarineqarpat,
aalajangiinerup assilineqarnera
unnerluutigineqartumut nalunaa-
rutigineqassaaq, aalajangiinerup
assilineqarnera unnerluu-tigineqartumut
nalunaarutigine-qarsimannigppat.«

18. § 592-ip kingorna kapitali 44-mi
ikkunneqassaaq:

»§ 592 a. Suliassaq § 453, imm. 3, nr. 4
naapertorlugu, unnerluutigineqartumit
najuuffigineqarani suliarineqarsimappat,
eqqartuussap piumasarisinnaavaa
suliareqqitassannortitsinissaq,
eqqartuussap inatsisinik malinnilluni
pisinnaasimanninnini
uppersarsinnaaguniuk aammapiineqartup
naatsorsuutigisinnaasimanngisai pisut
nalunaauritiginninnissaanut
ajornartitsisimappata, imaluunniit
aggeqqusissut eqqartuussamut
piffissaatillugu apuussimannigppat.

Piumasaqaat § 474, imm. 3, pkt. 3. aamma 4. naapertorlugit eqqartuussivimmuq eqqartuussuteqartumut eqqartuussutip nalunaarutigineqarneraniit ullut 14-it qaangiutsinnagit saqqummiunneqassaaq. Eqqartuussiviup immikkut ittu-mik suliareqqitassanngortitsisinnaavoq piumasaqaat kingusinnerusukkuq tunniunneqarpat, kisianni ukioq ataaseq qaangiutsinnagu eqqartuussip nalunaarutigineqarneraniit. §§ 585-590-imi malittarisassat assinganik atuutissapput. Suliareqqitassanngortitsinissaq itigartitsissutigineqarpat, eqqartuussiviit qullersaanut suliareqqitassanngortitsinissaq pillugu apeqqut malittarisassat malillugit Den Særlige Klageret-imut ingerlatinneqarsinnaavoq.

Imm. 2. Eqqartuussutissamik isumaqatigiinniarnermi nutaami eqqartuussaq najuutinngippat, eqqartuussiviup aalajangiinikkut suliaq taamaatissavaa, tunngavilersorneqartussaq, aammalu eqqartuussut atuutiinnassaaq.

§ 592 b. Pinerlunnermik suliaq § 592 a naapertorlugu suliareqqitassanngortinneqarpat, ilisimannittut aamma naatsorsuisut nassuiaataannik eqqartuussiiviup allattaavianut siullermik suliarinninnermi allanneqartunik § 467-imi eqqaaneqartut saniatigut uppersanaatitut atorneqarsinnaapput, illuatu-ngerit eqqartuussutissamik isumaqatigiinniarneq sioqqullugu killisiuinissamik nutaamik noqqaassuteqarsimanngippata.«

§ 2

Kalaallit Nunaanni tjestemandit pillugit inatsimmi, tak. inatsimmut nalunaarut nr. 1291, 14. november 2015-imeersoq, makkuninnga allannguisoqassaaq:

Kapitali 7

*Kalaallit Nunaanni
eqqartuussisoqarfinni
eqqartuussisunut eq-
qartuussivimmilu nalileeqataa-
sartunut aamma inatsisilerituunut
tjestemandisut atorfinitsitanut
immikkut aalajangersagaq*

§ 34. ---

Imm. 2. Kalaallit Nunaanni eqqartuussiveqarfinni eqqartuussisut allallu inatsisilerituut tjestemandisut atorfinitsitat suliunnaarsinneqartassapput qaammatip 65-inik ukioqalerfimmik naaneraniit.

Imm. 3-4. ---

1. Kapitali 7-imut *qulequtaq* imatut allanneqassaaq:

»Kapitali 7

*Kalaallit Nunaanni eqqartuussisoqarfinni
eqqartuussisunut aamma inatsisilerituunut
tjestemandisut atorfinitsitanut kiisalu
najukkami eqqartuussisunut immikkut
aalajangersagaq«.*

2. § 34, *imm. 2-mi*, »65-inik ukiullit« allanngortinneqassaaq imaalillugu: »70-inik ukiullit«,

3. § 34, *imm. 2-mi, pkt. 2.-tut* ikkunneqassaaq: »Tamanna aamma Kalaallit Nunaanni eqqartuussivinni aamma najukkami eqqartuussisunut atuuppoq.«

§ 3

Imm. 1. Inatsit atuutilissaaq ulloq [...]

Imm. 2. Inatsimmi § 1, nr. 13-15 aamma 17, pinerlunnernik suliassani atuutissanngillat, unnerluussamik aggersaanermut nalunaaruteqartoqarfusimasuni inatsisip atuutlernissaa sioqqullugu. Pinerlunnernik suliassat taamaattut maannamut inatsisit atuuttut malillugit suliarineqassapput.

Imm. 3. Inatsimmi § 1, nr. 18, pinerlunnernik suliassani atuu-tissanngilaq, eqqartuussisarnermik inatsimmi § 453, *imm. 3*, malillugu najuutinngitsoornermi

eqqartuussuteqarfiusuni, inatsisip
atuutlernissaa sioqqullugu. Pinerlunnernik
suliassat taamaattut maannamut inatsisit
atuuttut malillugit suliarineqassapput.